

Дагъустманнад адабият

16+

ISSN 0235-0165

Цуубарз

ЛИТЕРАТУРАЛУЛ ВА ПОЛИТИКАЛУЛ ЖУРНАЛ

Үргүчүллөл шяравалу

№5/2016

К. ЧУТУЕВ

СЕНТЯБРЬ- ОКТЯБРЬ

Шахъуми. К. Чутуевлуп сурат



Ильбарз

**Киива зуруй цал буккайсса
литературийну-художествийсса
ва жяматийну-политикийсса
журнал**

**Двухмесячный
литературно-художественный
и общественно-политический
журнал**

**Сакин дурма:
Дагъусттан Республикалул
Хикумат**

**Учредитель:
Правительство Республики
Дагестан**

**Итабакълакъиссар
1952 шиная шинмай**

*Журнал основан в 1952 году
Расулом Гамзатовым*

5/2016
сентябрь - октябрь

**Государственное
бюджетное учреждение
Республики Дагестан
“Редакция республиканских лите-
ратурных журналов “Соколенок”
и “Литературный Дагестан”**

5/2016

**ХЪУНАМА РЕДАКТОРНАХЛУМА
Мурад АхИмадов**

РЕДКОЛЛЕГИЯ:

**С. АхИмадов
Э. Абдуллаев
Р. Башаев (*редактор*)
М. Давыдов
Х. Илиясов
А. Исмиялов (*хъириевичу*)
Х. КIурухов
К. Мазаев
С. Увайсов**

**Электронный адрес редакции:
litdag@mail.ru**

ЖУЖРАВУ БУМУР

ПОЭЗИЯ

| | |
|--|----|
| Б. Оьмиева. Шеърирду..... | 34 |
| С. Чугуев. Шеърирду..... | 55 |
| Б. Кулунчакова. Шеърирду..... | 75 |
| Б. Рамазанов. Уча, Мариян, балай..... | 62 |
| М.-З. Аминов. Марияннул айпалун..... | 62 |
| М. Давыдов. Булбул..... | 63 |
| Сс. Увайсов. «Цу лерщунни цила»..... | 64 |

ПРОЗА

| | |
|--|----|
| М. Давыдов. Вихшала. Роман..... | 3 |
| Х. Илиясов. Чурдал дара. Хавардайнуисса къисса..... | 45 |

ПУБЛИЦИСТИКА

| | |
|-----------------------|----|
| Бяливчисса балай..... | 58 |
|-----------------------|----|

КРИТИКА ВА БИБЛИОГРАФИЯ

| | |
|--|----|
| С. Мусаев. ЯхI бусса чувнал цIа ядан..... | 65 |
|--|----|

ТАРИХРАЛ ХХУТТАРДИВА

| | |
|---|----|
| М. Щурпаева. Гъумучиял Парамазхъул..... | 69 |
| Р. Башаев. Револьвер ва мунил заллу..... | 73 |
| Арчутти (<i>кулпатирттал сияхI</i>)..... | 78 |

Журнал зарегистрирован Федеральной службой по надзору в сфере связи и массовых коммуникаций. Регистрационный номер ПИ №ТУ5-0021 от 21 мая 2009 г.

Новолуние №5 сентябрь - октябрь

На лакском языке

Выход в свет 13. 10. 2016 г. Тираж 316 экз.
Заказ № 0919 Цена свободная.

Типография: Издательский дом “Дагестан”
Адрес типографии: 367018, РД, г. Махачкала, пр-т Насрутдинова, 61

*Редакция и издатель: Государственное бюджетное учреждение Республики Дагестан
“Редакция республиканских литературных журналов
“Соколенок” и “Литературный Дагестан”.
Адрес редакции и издателя: 367025, РД, г. Махачкала, ул. Даниялова 55.*

Проза



Мирза ДАВЫДОВ

ВИХШАЛА

Роман

1

КИюрххила бишлашиssa гъалаксса мурчал марххалттанул ссиртру дагъан дурсса ххуллийх захIматну най бия ялтту чатанналулгу бавкъусса куклу машина. Лагмара даркъусса щунсса шархь ттуруллив паммалул гъуртти-гъуртти хханссия. Ца-ца кIанттай, дюхлахисса ппал кунна, гай ххялтIа дуккайва. Му чумал Григорилгу машина анавар буккан байва. Кочубейнал лагма-ялттусса къутаннаяту Сулакърал чулухунмай наниssa, уттигу къир бутIин бувасса га ххуллийх хIакынну цавагу машина лавгсса тагъар чалай даkъая. Гъарал ларчIесса чумал кIусса машинарттал нигъирттал къадиртсса къакъардал, арчи кIукIлунийн бивукун, къувтIуну бивкIун, буккан буллалини нигъирттал дирчусса кушрал, хъунмур ххуллу къюш-къютари хъун бувну бия. Мукунсса кIанттурдайн бивукун, Григорий цуксса личIулну бачин буллай унугу, машина, гъалак хъусса хъхьирил щатIайсса чивисса жами кунма, ла-ялавай бишлай, хъюлчу хъанан бикIайва. Ца-ца чумалгү, уттигу биялну маxъ хъун бувасса чIава чал кунмасса хъит куну, ххулияту чулухунмай ххяххавай личIайва.

Григорий хъинну лигу-личIулссса, дакIинхтуну цала сянатту ххира хъусса, жагъилssса унугу, сайки ацIра шинай шоферну зузисса, дакI-аьмал ххуйссса инсан ия. Ганал машиналуха муксса къуллугъ байвахха, цала оьрмуулул ххуйшиву ва тIайлабацIу, хъиншиву га машаналуву чалай дусса хханссия.

— Машиналул моторгу, инсаннал къюкI кунма, саргъунну зий бикIан ар-кинссар, — учайва ганал чIявуну. — Сагъесса къюкIил инсаннал оьрму лахъи бай, мотор сагъесса машиналулгу инсантуранул мурад цанма чисса чумал биттур бан кумаг бай. Ми царагу къашай хъун къаритавур хIакинтуранлгу, шофертуранлгу хъунмур гъунар...

Маяжаннугу, инсаннал къюкIлих вичIи дирхъуну, за кIулссса хIакиннал ганиву хъусса чIириссса дунугу дахханашинна кIул дайссса кунна, Григорилгу, машина къур бувтари, моторданул зузаврих личIулну вичIи дишайва. ХIатти ция, чIириссса дунугу, ца диялдакъашиву щуркIал хъурчан, машина сукку бан. «Жула ялув лархсса янналий ци бунугу ца багъана хъуну, чIириссса ккутI хъурчан, ганий чIириссса мачI дирзун, лахлан биюхъай, цила чумал ганий мачI къадизарчан, тIатIругу хъунна хъуну, лаххиягу экъидутан багъай», — учайва Григорил. Мунияту бухунссия ганал машинагу мудан сагъну бикIайссса.

Зий ия га MaxIачкъалалив ца газетрал редакциялий. Ца-ца чумал журналистал ганая рязи бакъа бикIайва. хаснува анаваршинна дусса чумал, машина хIурхIа бачин буллай ур тIий. Яла хъхьичIунма дус унугу, цIана цала чарав щиивкIесса

Маратлущал кIюрххил ххуллийн бувкса чIумал, цаннал-цаннан къаччан бикIан бансса ихтилатгума хьуна.

– На хъинну анаварсса иширай най ура, – куна Маратлул, Григорий машина бусса чаралийссур бувну къаавчукун. – Колхозрал оыллал фермалул тагъаргу ххал дурну, хIакынува занагу хьуна, гъунттий кIюрххил редакторнал хъхичI дугъарасса макъала дишн аркинссар на. Ина ухъурчан, машиналий айтIий ура. Укун нарчан, ттуща цичIардарагу дан къахъунссар. Ва машина чансса анавар бан къабучIирив? – куна Маратлул.

– На оърчица чIумал жул чIаххурай уссия ца бурттигъу. Хъинну дучрал хIал кIулсса адимина ия га. Ганал бия цува заллусса, ца оыттул кIунтI кунма, ятIулсса чу. Гъарца байраннал чIумал, аъравалтила буukkan бувну, га чу цайми дучраштал ччалли ххяххан байва. Ялун урган га муксса цIа дансса чугу бакъая. Амма яхI бусса бухъунссия, тачIав бух къашайва. БувчIлай бия га ххув хъанахъаврил щалва гъунар бурттигъунаву бушиву. Ххуллу бачIи хъуннин ачайва маxъ-маxъ. Яла, ххулу бачIиннуя ливчукун, ца-кIива чал хъхичIун уккайва. ТачIав, галай барчан бакъесса, чайх мархъгу къабищайва. Гайми дучри бувххун, линкълихун багъесса чIумал, тахта кунма, чал бурхIайх тIитIигу авкъуну, мархъ галай байва. Чугу ца янил ляпI учиннин циняннуяр хъхичIун буккайва, – Григорил пиш куна.

– Агарда ганал га чу най бунава бусса чаралий лихъян байсса бивкIссания, ттул пикрилий хъхичIунгу къауккаванссия. Машиналунгу гуж ябан аркинссар, Марат. Ванилгу мотор кIири лагайссар, мотор кIири лавгукун, гужгу чан шайссар. Анавар мауккара, уссу, на вил гъарца мурад щаллу банмур банна, – куна хIалинсса чIуний Григорил.

– На маxIатталла, миксса чIявусса задру кIулсса ина хъунасса къуллугъчину къазий, шоферну зузаврий, – Маратлул кIири ивчуну, чу лахъ бувна. – Ттун ми варсагъру аркин бакъар. Ина шоферда, машинагу редакциялупли, нагу редакциялуп даву данна наниssa. Бачин бува курив, бачин бува. бацIан бува курив, бацIан бува. Машина гъагъаврилсса буллангу вин аркинну бакъар. Гъагъарча, бацIин бамми буссар.

– ТIайлассар, на шоферда, ттун ттула давугу хъинну ххуйну кIулли, ттула сянатрая на пахрулийгума уссара. Рулданух щяивкIун уссаксса ва машиналул заллугу нара, ца къахъунмур хъурчан, вил жавабгу нари дулунтIисса. Муксса анаварну уния маxъ, баргъ бияннин къаавцIуну, цан-чаннайва ххуллийн уккан аркинссияв. Ина ттул даврихун маахчиларда, нагуния вихъ, макъала укун чича, тукун чича тIий акъара...

Гайннал ттявхъ-шявхълийсса ихтилат, мукъурттил маxъру ххюрхху буллай, лахъи бувккуна. Григорийгу, ччяни ссибизайсса уну, Маратлуйх увкссания, гай бюхъайва заккунттайнгума багъан. Цукуннугу, лагъну ивкIун, Григорил къал-макъал чIарах дуккан дуруна...

Гукун гъалак уклай ивкIунгу Маратлун га къини тIайлабацIу хъуна. Цила чIумал ивуну фермалийнгу, цила чIумал зана хъуна най ия маxъунайгу. Яла ххуллу бачIи хъувкун, рахIат увкссса Маратлул Григорихъ куна:

– Гришай, хIакыну на чансса анавар увкрака, багъишла ува. КIюрххил шавату настту дакъа увкунтIийявлгу къакIула, ссавур кIюла дуклай дия.

– Вий ци тахсир хъунур ина багъишла антIисса? – Григорил хIалинсса пиш куна.

– Ина ттухъ зума цIухлай унуккара. Ччурччу дикIуйн цIу мабичларда. Къини-бархан на мунил пикрирдай ивкIра. На вин кIюрххил гъаксагу къаччан бикIан бав, цуплагу вий хъисвагу тахсир бакъанма.

– Ярч, Марат, вин кIюрххил хъусса ихтилат уттинин дакIийгума ливчIун бур. Ттун нукIува хъамабивтунни. Хаснува арантуннан мюрш-къюршсса ихтилатру ккалли буллан къабучIиссар. Жувания цачIу зузисса инсанталлу. Мукунссса задру

дакIний бугъларчан, ва гъартасса дунияллий гъартану яхъун бюхъайссарив? Жула дянив ца цичлавгу къавхъуссар...

Мийжаннугу, Григорийн хъуна Марат кIюрххияцIа гъира бакъа ушиву. ХIухчалтрап ахтайнссаннун цIу дикIухун бувсса ххунчIайнгума муксса къаоъвххуна. Махъунай нанинигу, цайми къинирдай куна, хъярч-максартту буллай акъая. ЦIувххумунихъунгу кутIану жаваб дулайва. Григорийл га тяхъа уккан анна тIисса пикрилий, цимивагу хъянсса хавар бувсуну,amma Маратлул цалвагу пишвагу къаувкуна. Цичлав тIааън бакъасса ишвагу къавхъурив куну цIувххуунгу, чансса бакI цIий бур куна. Мукун учирчангу, Маратлул хасият кIулсса Григорийн бувчIлай бия га гукун гъавгъун ушаврил савав бакI цIуцIаву дакъашиву.

— Гъархъуну ина ттущал жуннийн учIантIиссара, — куна Григорийл, цирив дакIнийн багъну, ххаригу хъуну.

— Багъиша ува, Гришай, на шавайн тъанна, — Маратлул куртIесса ссихI бивгъуна. — Гъунттийнин макъала хIадур дан багълай бур.

— УЧарчан, гъаксса чиви, хIакыну ттул Лидочек ормулуп ряхра шин хъанахъиссар. Жунмасса Чивисса мажлис къур бан чай буссия. Павлуша душнияр кIира шинал Чивиссар. Зинахъхун чияни зана икIанна куну, махъгума буллуссия. Къавхъунни. «Жунма чимур гъараҳъгума къашайссар» тIисса учалагума бурхха. Шихасса ххуллу ваксса зия хъуну бивкIесса кIулссания, архсса бунугу, къир бувтIумур ххуллийх хъунтIиссияв.

Марат ссятрах урувгуну:

— Арулла шавай дур, оврчIру шанан бивкIхъунссар. Уттигу ца ссятрагу хъунссар жува шаппайн биян.

— КъашанантIиссар цаягу. УчIанна учаву гъассар. Шанул анкIа тIуннин ялугълантIиссар. Муннату гъарца къини цила чIумал даврия чияни зана икIан чган бикIай. Чган бикIаврил циванну, жула даву укунсса дур. Зинангү гъаксса захIимат хъанай бур. Токарнал пишагу бигъасса бакъархха, щаллу ккуркину майра ссятрай станокрах бавцIуну, зий бур. Укунмагу кIюлацIасса кIанин гъаксса захIимат шайхъунссар. Цимилагу учав му даву къадити куну, мютIи бан къашай. Гъарца кIорххил заводрал чулухунмай бавчукун, ляличинува таза бувкун, личIисса инсан шай. Нину-пругу чияни ливтIуну, ятинну ливчIун, оврчIал къатлаву хъунмагу хъуну, чIавану буна захIиматрал къадру кIул хъусса инсан бур. Хъамитайпалун ичIувагу кушу чан къашайхха, чансса бунугу кIанил захIимат бигъа банна тIий, кIорххил оврчIал багъравун арс ва душ биянгу бувну, ахтакъунмайту буцинмур буллан икIара. Ттуща кIанин му кумагвагу гъарца къини бан къашай.

— Къинибархан архIал буна, ина ттухъ хIакыну вила душнил ряхра шин там хъанахъаврия ссихIрагу къадуркунни, — куна Маратлул, ганай ай дуллай. — Мув зад кIулну бивкIссания, чияни зана хъунтIиссияв. КIилчинмур къутандалийн къалавгнагу ттул макъала дузал хъунссия. Ттущагу кIаничIан канил ка дургъуну учIан ламусрихха. Му дур инсаначIан шинай цал дучIайссса, яла ххаримур, яла бусравмур къини... Гъунттий ахтакъунмай кулпатту бувцуну учIанна, кIа вил Зинал хъхьичI вийгу хъуннасса ай данна.

— Жущава укун архсса къутаннайн гъарца къинигу биян къашайхъуун, ина анавар уклантIишиву кIулну, ссихI къадуркссия, уссу, багъиша ува, — куна Григорийл, чансса машинагу анавар буккан бувну. — На бусанна Зинахъ зу бучIантIишиву. Хъинну ххари хъунтIиссар. Навагу кIанил дакIини шунсса зад къабарача, Зиняту на рязиссара. Ттула кулпат буну тIий цIа дуллайту акъара, гъарца мърипат дусса адаминан так кIукунсса щарсса нясив даннав тIий икIара. Ттухва бурувгсса, тIовай нахIу-нацIушиву хъиннуря цIакъ дан хIарачат буллалисса хъамитайпа бур. Ттун дакIний бакъар ва арулла шинал мутталий ичIува кIанил чIу лахъ бувсса чIун. Адаминал бакIрачIан чIявусса задру бучIайхха, щийн бунугу сси бивзун шавайн зана хъурчан, ягу ци дунугу ца къаччан бикIаву хъуну

духъурчан, къатлуун уххайхту, ттул иттав бурувгун, гъарца зад күл бай, гацана цила халиншиврул дакIгу рахIат дуккан дай. ИчIувагу хъинну бараптаса бур. «Дакъар» тИсса махъ кIанил зумату бавну акъара. Мяйжансар, цичIар чаннугу къабикIаруча, амма му иширавугу хъамитайпалул каруннил усттаршивугу, ба-гъу-бизу күлшивугу чара бакъа аэркин шайсс дур. Яла-яла нава рязину икIара ялун увкIманал хIурмат байсса бушаврия. Ттул талихI хъунни кIукунсса кулпат бакIрайн багъаву. Ттун я ойрчишиви, я нитти-буттал ттюнгъашиву къаккарксар, бакIрачаIнгу чIявусса задру бувкIссар, Зинал тIурчан, ттул ойрму цу лаган бунни, лавгмур, хъумур хъамабитан бунни.

Григорий, ссихIгу къадуклай, цахва вичIилийсса Маратлух урувгунা.

– Ина ттул ихтилатрая бизарвагу къавхъурав? Багъиша ува, ттула ойрчишиви дакIнийн дагъукун, дакIница щиллив хъапул парча бувцсса кунмасса иш шай.

– На вих вичIилий ура, – куна Маратлул, сигаретагу лахъан дурну. – Ихтилат буллалийни, лахъисса ххуллугума кутIа хъуну чIалан бикIай. Вих вичIи дишин тIурчан, ттун муданмагу гъира багъай. Вил ихтилатраву ттун цайми инсантурал ойрмугума чIалан бикIай.

– Ттун ккавкмур я вин, я цаманан ккавкшиву къакIулли, уссу. Яла-яла къащи хъанан дикIай, цурда сагъуну дуна, нава ниттил ятин ойрЧI увну икIаврияту.

– Гъарца инсаннал цанма-цанмасса къадар бикIайхъунссар, – Маратлул куртIсса ссихI бивгъуна. – Цаппараннаву тIурча, я чийхъ бусан къашайсса, я ца-щара лялиян дан захIиматсса дардру дикIай къюлтI хъуну. Нагу-личIи ойрмулуву мукссава тIайлабацIу хъусса инсан усса ххай урав? Ина гъакссагу талихI бусса инсан усса ура.

– Циванни вин ойрмулуву тIайлабацIу къавхъусса? Ина бувккуну бур институт, даврияту рязину ура, вищала зузиминнал вил хIурмат бай; чарчан чурххал, чарчан бакIрал ххуйсса щарсса вил дур, кIива ойрЧI бур. ХIукуматрал ххуйсса къатта буллунни. Яла цири адаминан аэркинмур? Ина гъакссагу талихI бусса адамина ура. Нагу нава хъинну талихI бусса инсаннан ккалли ара. Ттул пикрилий, букан ччатIгу буну, ичIурагу нахIушиву духъурчан, яла-яла ласгу-щарссагу цаннан-ца бувчIайсса бухъурчан, муният хъунмасса талихI цамур бакъахъунссар.

– Агарда ина тIийкун, Гришай, гъарца зад шайсса бивкIссания, гъаксса хъинах-ха. Амма ва гъартасса дунияллий чансса бакъар, чимур дукаан, дакIнийн чимур чурхайн лахлан бюхълайгу буна, кутIану учин, тIиртIунний ка диллай дуна, дакI-ниву тирханну дастья ойрму бутлатиссагу. Ялагу ца хъинну захIиматсса зад цамургу бур. Архсса инсаннал винна дурсса лавмартшивугу, къащиги чIумул хъамадитан дай. Яла вина ххирманал, яла вихшала думанал, дикI базулул вила дакIний хъун дурсса ххарсси я чIумул, я маҳъ ганала бувсса хъинбалартгал хъин къадай. Ойрмулухун хъин къашайсса щаву кунна, цIалай дикIай. Бюхъайссарив мукунсса инсаннща, на талихI бусса инсанна учин? Гъай-гъайгу, къахъунссар...

Кувннил хъирив кув ххуллий дагъисса кушравун тIайла бавцIусса машина хъиннува хъюлчу хъуну, Маратлул бакIраяту урисса къяпа цала никирттайн багъуна. НуkIу къяпulu лабивкIун, лавсса, марххала кунма кIяласса хъорухъру парх бивкIуна.

Машинагу хIурхIа бувну, Григорий Маратлух, ссаллив хIисав ласласисса куна, урувгунा:

– Марат, вин му ча күлли? Вихъ ттуяту щил бувсри? Нания ттула лавгмур ойрмулияту, ца ттула кулпатрахь бакъа, къабувсъссия. Бусарчан, вихъ так кIанилли бувсъсса.

– Гришай, ина Зинай бухъттан мабихъларда. Ттун вил ойрмулияту ца цичIавгу къакIулли. На укуна, мукъучIа маҳъ багъукунна, ихтилат буллалисса. Хаснува жун, журналистуран, мукунсса инсанталгу, кулпатругу чIявуну хъунабакъайхха.

– Мукун бухъурчанния, хъина, – куна Григорийл, рахIат увкссса кунагу хъуну.

– Майжаннугу ттула яла вихшала дума инсаннал нава цихъва бувсмур цайминнахъ бувсъссарив тий, нигъагума увсунна.

– Нагуния вил душман акъара, дустал буру. Ттухъ бусан къашайсса му циваци зад бур? – Маратлул пиш куна. – Дуснахъ къабувсмур щихъри бусантисса. На ивкисса ина ттухъва гъарцазад бусайсса ххай. Нагуния муксса маз тавтисса инсан акъара.

– Ттула ойрчышиву дакинийн дагъукун, дакI къума лагай. Мунияту щихъчIав ттунма ккавмунияту бусан чангу къабикIай. Хъинни, вин личIину къабувчишишврул кутлану бусанна. Амма на вихъва бувсмургу вивува бити. Цуксса ци тийнугу, га дур ттул нину. Уттигума ттухъва нава цухлан икIара, га ттула хIакъсса нинурагу дуривав тий. Дакъахъунссаргу цукун учиви, ттунна кIулши хуния шийннай га ттун ттула нинушиврий кIулну дуна.

Ттун ттула ппу ххийну дакиний ур. Га ивчайсса чумал ттул ойрмулуп ряхра шин хъуну дия. Хъиривма уссилгу мукъра шин дия, ссил кIира шин шавай духъунссия. Та чумал жу буссияв ялапар хъанай Волга неххал зуманивсса ца мадара хъуннасса шяраву. Гикку цинявпа ца даражалул халкъгу бакъая. Бия мискинссагу, аваданссагу, бия дянинву ялапар хъанахъиссагу. Ппу сагъесса чумал, муксса авадансса бакъанугу, жу буттал цичар чанну къабитайвав. Дянинсса ахIвалданул инсантал бияв. Альбиву, хъинну хIарачат бусса, чурххалгу авкъат дусса адамина ия. Хъхъугу, кынигу зийна икIайва. Дукра канакинигу, утту ивхъусса шанийту акъасса ттун га цалагу ойна къаккавксар.

Кынирдал ца кыни ппу захIматну къашай хъуна. Хъиривмур кыни ниттихъ гъалгъа тий уна, ивкIуна. Ппу ялату лавгун махъ жул ичIаллил маэшатту ялу-ялун кIюла буклан бивкIуна. Нину колхозраву зий дия. Дунугу ца ганин жун ялапар бан захIмат хъанай бушиву чалай бия.

Тчумала MaxIачкъалалив ниттил чулухатусса гъансса халкъ ялапар хъанай бивкIун бия. Ппу ивкIуну махъ жучIан гайннайтусса чагъарду хъиннува чIяву хъуна. Гай чичлай бия, ниттихъ MaxIачкъалалив бизияра тий. Ниттинги гайннан чимур бан чан бивкIуна. Чун дия хъинну захIматтаса. Гитлер жула билаятрал вив къвтIуну най ия. Амма жува хъхъичIва ялапар хъанай бивкIесса кIанттух бурувгун, MaxIачкъалалив жул ялапаршинна ххийсса дия. Дакиний чимур дукан, чурххай чимур янна лахлан бюхълай бакъанугу, жунний ккаши бакъая. Нину зий дия заводраву. Цила чумал даврингу лагайва, даву къуртал шайхту шардайнгу заня шайва. Укун ца шанма-мукъва барз хъухъунссия. Мув чумал жухасса аякъагу ляличИйсса дикIайва. Цурда цуксса дурххун дунугу, жун гъелисса дукрагу дурну, цичанма лякIингу бувну, жу бялахъан бан магъри, хаварду буслан дикIайва.

– Укунсса, нахIушиву дусса жул тювайн цакуну дяркъу дурхссса кунмасса иш хъуна. Нину хъхъичIранияргу кIюрххил ччяни дизай хъуна. Жу бизаннин анаварну кIюрххилссагу хладур дурну, щадикIайва дагъанттул хъхъичI. ТачIав къабичайсса пудра бичлай, мурччив ятIул дуллай, иттацIанттайх ва иттярхъиннайх сурмав буклай, щалла симан дючIан дайва. ХъятIайн, байраннайн лаххайми янна ларххун, цища шайкун чюлу шайва. Давриятугу хъхъичIра кунна ччяни заня къашайва. Ца-ца чумал ччяни, амма пашманну, ца-ца чумалту тяхълану чалну дучIай хъуна. Тяхълану заня хъумур чумал жугу ххира байвав. Пашманну дуркIний жухъ нахIусса махъвагу къаучайва.

Ца кыни нину даврияту ца адаминагу архIалну заня хъуна. Ганал жун ккан-пилIргу дуллуна. Муму-тамур цухлай, жущал тяхълану гъалгъа тун ивкIуна. КъакIула циванъяв, ттунма ганая цичIав кIулну га бакъа буна, ттун га жуннийна учIаву тааын къабивзуна. Майжанссар, жунний лях-карах бучIайва ниттил ссурхъал, гъан-маччами. Амма ниттил га адаминашалмур багъу-бизу ляличИйнуга итталун багълагъисса бия. Адаминагу, ччянива кIулсса, хъинну вихшалагу

дусса инсан куна, ниттищал итххявшхун, сивсуну гъалгъа тИй ия. Га хъхъуну ниттил дукрагума ляличинура нахIусса дуруна. Дукрагу дуркуну, чIунгу лап чIал хъусса чIумал, адамина шавайн авчуна. Га тIайла уккан ларгсса нинугу жу шанавун гъяннин зана къадиркIуна.

Гания маxъ га адамина жуннин чIявуна учай хъуна. Ганайн Никита учайва. Ниттил тIурчан, ххира уллай, Никитушка учайва. Утти, учайнигу, мудан кайп хъуну икIайва. Ургу яла ниттил ганаха буллалисса хIурматирттах. Жула буттахавагу гаксса хIурмат байшиву къакIула. Зумату букканнин ганал увкумур буллай, сискъабизаншиврул гъали-чали уллан дикIайва. Никитама ттух зунххи акъасса къауругайва. Жу цаннал-цаннан бувсса оббала бакъанугу, ганал ва ттул дянив цукуннивесса къалшиви дагъуна. Ца-ца чIумал, багъанавагу бакъанма, ттул ви-Чигума кIункIу дайва. ХIатти ция ганахъ на ссихI дуккан, дуккарчан, га цана ниттил хъят щун дантIессия.

КъакIула ниттил ва Никитал дянив ци дагъссияв, ца чIумал шанма гъантта хъуна га жуннийн къаукIай. Ми шанмагу гъантлий жухъ ниттил ца нахIусса маxъ къаувкуна. Цурдагу хъинну гъаргъун занай дия. Мукилчинмур къини, хъинну кайпгу хъуну, увкIуна Никита. Мукун кайп хъусса чIумал га ччяни ссайн-ссайн бунугу ссибизлан икIайва. Мунияту жу ниттил циняв къатлул ца мурцIув къю-кърайх щябитайвав. Хъинну чара бакъа аркинсса иш къабагъну гичча бизангү ихтияр къадулайва. Га къини тIурчан, нину Никита учайхту, баргъ бивтукун пархтIутI кунна, цакуну парх дикIуна. Ххаришиврул ци зунссарив къакIулну лирчIун дия.

Никита, цала къатлуvu куна, ччаннайх ччангу бувтун, хъхьичI бишай кIанттух арххайнну щяивkIуна. Шарах дарцIусса нинугу, ка дургъуну, цала Чарав щядиртуна. Уссу ва ссу, Никитал дуллусса качарданул къурхъругу къуркъу дуллай, ххарину ттул Чарав щябивkIун бия. На ттунна дуллумур къуркъуй ккарчирагу дизан уваяв. Гагу каниву дургъуну, лулттува кайп хъусса Никитах уруглай уссияв.

Гъарххъуну Никита цайми чIуннардинияр сивсуну ия. Жухгу къулагъас къадурну, нину лялуха дургъуну, цала Чарав щядиртуна, щядиркIун маxъгу ганил жирттурай цала хъуннасса ка дирхъуна. Чил адаминал ттула ниттил базулий дирхъусса урисса канил кIисри ттун, ятIулгу бувну, цIарал кавзливату бувксса къяцIри кунма чIалай бия. Къащи шаврил ттун айтIавугума лачIавай дия. Ниттин тIурчан, хаварвагу бакъая. Ганал каний циламур кагума дирхъуна. Му чIумал ттула канива дагъссса качарданул къурхъ, цурда дагъшиву бусласисса чIугу бувну, тIаннул чIанкъатлуvух скру ларгуну. Цанная ца рязисса нину ва Никита ттух сситтуй бурув гуна. Никитал ттул дакIивумур ттул ярунниву бувкхъунсия, ябакI бувтуна. Ниттилгу цила жирттурай ганал ка дукъан дуруна, мурчайсса пишгу левщуна. Му бухIан къавхъуну, Никита ххявшхун ивзун, жуннияту авчуна. Нину гъаксса хIарачат буллай дия, ганал ххуллу бугълай, ацIан уллай. Амма ганил гуж къалавуна. Нинугу щуну, хъхьичIа чулухуннай лаг учин дурну, хъирив ттявхъ чин дурну нузгу рирщуну, лавгуну...

Га хъхъуну на ниттил, къепив буцIай, хъатру ришлай, саламатну авттунав. Яла, аыгу-айтIий, лажин лувну тахлийн дагъуна.

Къепив бувцIусса ттула каруннил биючIунбишив цуксса цIий буххурчангу, ттун ччай бия, ниттичIан гъангу хъуну, ганил бакIрайх, хъачIунттайх ка дурккун, га паракват дан. Амма чил адаминал ганил жирттурай дирхъусса ка хъхьичI да-цIай, маxъунай уллай ияв. Га канил ниттил ва ттул дяних чIалакъачIесса, дукъан захIиматсса пардав дуртуна.

Мадара хIаллай гукун айтIийгу дикIун, нину дирзун, тахлийра щядиркIуна. НукIу Никита учIантIишиви кIулну, чIюлу хъанай, сурмав бувкссса иттархъенная, иттацIанттай мукъал дяххан дурсса лухIесса рангирал танил лажин ойру-къюру дурну дия. Шарда дакъа, гукун цамур кIанттай ккаркссания га, ттун дурагума-

къадурчИнссия. Га муксса айтIий диркIун дияхха, мукъал ятIул лаган бувну, яруннил лувалугу гъузи лахъан бувну бия.

На хIарачат буллай уссияв ттула яру ниттил яруннайн тIайла къабацIан. Ттун кIула га ттухра сситтуй дуруглай душиву. Ттун тIурчан, мудан нину ттухра тяхъану, ябакI гъаз бувну дуургун чай бия. Мукун талихI бусса ссятругу хъинну чансса дакъасса къашайва.

– Га Никита ва къатлуун увхсса чIумал, ххишала ганан къаччан бикIанну ганах ца я битарчан, ягу жу бивзсса шаттирал хъирив ацIларчан, на вий рахIму къабантIиссар, – ниттил ттуйн кIисри кIутIу бувуна. – Циванни га вин муксса къаччан хъусса? Ци оббала буври ганал вин? Зу буссарчала тIий, утти на гъаттуун дуухантIиссарав? Зу чаннай бацIан банна тIий, гъаксса бархI къус битлай дура. Кино ттун дакъар, театр ттун бакъар. Ягу вила буттал ттучIа чIяруssa арцу-муси къадиртсса ххайвагу акъарав? Ттунгу ттула ка дугъанма аркинни. Оньийгу, хъиннийгу чIарав ацIан усса вихшалачу ца ва Никита уну, ва увкIесса чIумалгу ина ура гъарца бивзсса шаттирал, бивгъусса ссихIирал хъирив ацIлай, бурувгсса янил хIисав ласлай. Цанава мукунсса ина, чансса хъуна хъувкунния, на рахIатну ссихIивагу ласун къадитанссара...

Ниттил гукун учирчангү, на гайннал хъирив авцIунугу акъассияв. Амма адаминацIал ттула нину гукун хIалану чай бакъая. Утти ттухъва ниттил гай маxъру увкукун, чансса дакIгума рахIат дурккуна. «Ухъунссар цищала ца заводрай зу-зисса, аркинсса чIумал чIарав ацIайссса адамина Никитагу. Ниттил жирттурай кагу увччу хъуну, хавар бакъа дирхъухъунссия», – учав на ттухъва нава. Укунсса пикрилущал уттуивхъусса ттун га хъхьуну цайми хъхъурдайният нахIусса шану-гума бивуна. Ганиннин тачIав итталун къаагъесса ппугу макIира ккавккуна.

Ппу ия ца бюохттулсса зунттулу, щоллисса урттувух караматсса жюржулуп макъянгу дурцуну экъинанисса щаращучуЧа чул бувну. Чариврагу къакIулну кIива бачIвасса бадралущал гиккун дуркIуна нину. Ппу ххал хъувкун, бадрардугу ка-рунница итабавкъуну, буттачIан лерчунна. Ппугу извзун, ганил хъунийн ххявххуна. Хъунабакъайхту, цаннацIун цагу лавчIун, кIиягу хъювсул бувккуна. Мукун мадара хIал бувна. Яла чIарав кувсрайту щабивкIун, ихтилатрайн багъуна.

– ОърчIал ци тагъар дур? Ина меж бивкIун бурахха, захIимат хъанай бухъунссар? – куну, цIувххуна буттал.

– Ина шавату лавгун махъ гъакссагу захIимат хъанай бур, – жаваб дуллуна ниттил, лухIисса чалагъайлул мурцIних иттавсса макъгу лихълай. – Чунгу къя-натсса дур. Дунугу, буюхъаймур буллай бура оърчIру чаннай бацIан бан. Вил кIану гайнналвагу къабугъанххурав.

– Пикри мабара, ссавургу кIюла дуккан мадара, оърчIру хъуни хъунтIиссар, инагу рахIатшиврийн буккантIисара. Гришай хIарачат бусса адамина уккантIис-сар. КъакIулли, ттула буттал ца дирзсса уну тIийривгу, мудан итталун агълай ур. Ттул вихъ хъунмасса миннатри, оърчIру ххуйну тарбия бамур бува. Гайннал ца дучИ дакъасса тIул дурсса къинири на ивкIесса къини... Инавагу илтIа хъуну бура, вийвагу рахIму бува.

– ИлтIа шавуния гъич, Цана илтIану бухъурчан, яла бучгу хъунссияв, амма чансса Гришай рязи бакъа бура. Лахъхъу къунну ттущала зузисса ца адамина ув-кIуна жуннийна. Чансса хIан ххирасса ур, унугу, ганал ттун ци оббала бамххура. Цанна дакъарив хIангу хIачIайссса. Нагуния сагъну буна гъаттуун къабухханссара. Мурахха бусан нанисса. Га адаминал жуннийна увкIесса кIанттай ттул никирай хатIалий кунна ка дирхъуна. Му къулай къабивзун, Гришал къаччан бикIан бувну, лихълан унни.

– Адамина учав?! – буттал чIу гъалак бувккуна. – Никирай кагу дирхъуна учав?!

Цакуну, лагмасса зунттал хъачI-бакIайх лухIисса ттурлу даркъуна. КIай ттурул-

лавату къув-аьслил оьккисса ххурххугу ливчуна. Ца янил ляпI учиннин миКирал чиявхъа бивчуна. Ппугу унийва къаивтун, кIирагу каруннил бакIгу бувгъуну, нину ца чулухуннай лирхъуна. Ппу гиккува авцIуну, ниттил хъирив уруглай ия. Яла, нину дахълагавайсса чIумал, цала бусса чIуний хъирив оьвкуна:

— ОьрчIру вин аманат! ОьрчIру! ОьрчIру! ОьрчIру! — лагмасса ххяллалгу ганал чIу вайкссалила тикрал бувуна...

На чантI увкунав. Га дия чани щяв дагълагъисса чIун. Ппу ялагу итталун агъансар тIий, виргъангу бакIрайх ларххун, яругу лавкъуну, базу сукку къабуллай уссиев. Амма шанугу биллай бакъая, буттал ниттил хъирив оьвкусса: «ОьрчIру вин аманатри! ОьрчIру! ОьрчIру! ОьрчIру!» — тIисса чIугу чIюхлайнма бия.

— На даврийн най дура, — куна ниттил, нагу шанияту изан увну. — КIункIурдуvu буссар шавхъисса нувщи. Тайгу букияра, къатлухгу уругу. Щушигу букки, тахIини-кIичIугу шюша, оьрчIргуту кIичIравун буккан мабитара.

— Хъинни, — учав на. Ниттил буюр къабиширангу, укуннагу га дия ттул гъарца къинисса касму. Гайва махъру ттухъ ниттил гъарца къини учайва, амма га къини ганил мукъурттиву, я чIуниву хъисрагу гъилишиву дакъая.

ДюрчIу-чIюлугу хъуну, нину ларгун. Га ларгун хъунма хIал къавхъуну, бизан бав уссу ва ссу. Лаххав гайннайн янна, шюшин дав, нара щин дутIлай лажин-ка. Яла чIарав щябивтун, ккиригу ливккун, цанма-цанмасса нувщи буллуссия. Тунма бивсса кIива нувщува цавагу букан къавхъуна. Къакъари бавшусса хханссия, чичIар яларай най дакъая. Гайгу ца-цаннан ца-ца уссин ва ссин буллуссия.

Ахттакъуннай нину чIалну зана хъуна. Га цурдалу дакъая. Хъун бакъасса чемодангу канихъну, ниттил магъ куна, хъирив най ия Никита. Бувххуна ца хъхъичI, ца хъирив къатлувун. Ниттил Никитал канища чемодан лавсун, тамур къатлуву бивхъуна. Амма Никита, цайми къинирдай куна, увччу хъуну акъанугу, настту дуну ия. Ганал, жипливату дурккун, кIира шикIалад уссин ва ссин дуллуна. Яла ттухгу урувгун, куна:

— Багъиша ува, винмур ласун хъамадиртун дур, гъунттий кIира ласунна.

Ттун ганал дуллусса я шикIалад. я га цува ссанчIав аьркинну акъая. Га сававрай ниттил ва ттула дянив къалшиву дагъну дия. Мунияту га ттун ссиувцIуну ия. ЧIалай бия ганангуда нава хас акъашиву. Ганал дулурчангума, на га шикIалад къадукантIссия. Цакънива буллусса качаргума лабивтун буссия. Амма, нава личIи увну тIий, къаччан бивкIуна. Цал къаст дурссия цала качарданул къурхъ зана дан, на мукун бугу-бантIссия, ниттия нигъя услай къаивкIссания.

— Никитуштай, ци дукаанна, ссанх ишттахI бур? — тIий, нину ганал икрамрай дарцIуну дия. Никитушкалгу, туну, гацIана ххюлтIукуртту чишишиву бувсуну. Нинугу гай шахълай дулуркъуна.

Чун чIалсса дия. НукIува бувкусса ххюлтIукурттугү лялиявай бия. Амма Никитал шавайн ачинсса къаст дакъая. Жугу уттушибин бувну, нинугу, Никитагу тамур къатлувун бувххуна. Нину тива дукканнин ялугълагъисса нагу шанавун лавгун ияв.

КIюрххил Никита жуннийва чIалай акъая. Цала бансса гъалгъа бухъунссия, тамур къатлувунгу жу шанан бикIаншиврул лавгхъунссия тIисса пикри хъуну, на рахIатгума увкра. Амма нину даврин ларгун махъ та къатлувун увххуун, ттула бакIрайн къатлул магъи дагъссаксса иш хъуна: шану бия бувтунма, тахлил чIарав бивхъусса лагъсса лув бишай кIанттуйгү увкусса пIапIрусырттал ххиличIурдал дурцIусса лахбичу дия.

Га къини на къагъ хъусса куна занай ияв. Ттун пула нину цаманал ттущара гужирай зерххусса ххай бия. Чунай уругарчангу, бувтмасса шанугу, пIапIрусырттал дурцIусса лахбичугу хъхъичI дацIлай дия. Къащи шаврил дакI дия, оьттун дуцавайсса щаву кунна, хъя учин хIадурну. Къинил-къинибархан дукралучIангу гъан хъун къабювхъуна. Гъарца задравара дакI дурккун дия.

Бивзуна ахттакъун. Нинугу, Никитагу архIал зана хъуна даврияту. Никита хIакъину лахъхунияргу сивсуну ия. Къатлуун буххаврин, оъвкуну, жугу цила лагма лаган бувну, пиш-пишгу тIий, Никитагу ккаккан увну, ниттил куна:

— ОърчIрув, хIакъинуния тинай Никита жущала ва къатлуу ялапар хъанантIис-кар. Утти ва жула кулпатрал бакIри. Зу ванайн мяммай учаван айкинссар...

Ниттил ялагу чIявусса затру куна, амма ттун гай баллай бакъая. Хъиннува къагъ лавгун, бакI гъанан бивкIуна. Ттунма хъанахъимур ниттин ягу Никитан хIисав къаҳуншиврул, лавгун, мурцIув щяивкIра. Мюрщимииннан тIурчан, ссяятучIав хавар бакъая. Гава цIана, мяммайгу тIий, Никитал лагма гъанан бивкIуна.

Нину дулуркъуна дукра дуллай. ХIакъину ганий хъару хъусса хханссия. Ля-личIиссара аргъ дирзун дия. Никитагу, айнакIул хъирив бавцIусса цулчIа кунма, ниттил хъири-хъирив уруглай ия. Маяжаннугу, нину адаминал я къабацIанссагу дақъая. КъакIула гай ппудрагу циван буккайссияв, ганил симан укуннагу дагъани кунна дюрчIусса, кIялану ятIул парх тIисса дия. Цанакул хъуннар хъуна дунагу-ма, жинс-жандара жагъилсса хъамитайпалул куннасса дуссар. ЛухIисса, лахъисса иттархъиннава буруглагисса яруннава цурттая куннасса пар личлан бикIайва. Чурххал къалипгу хъинну исвагъисса бия. Цайми хъанниву дарцIуни, ляличIину-раличIину чIалан дикIайва. Гукунсса дуну тIий ттула ниттия паxругума бикIайва. Никита хIала увхния маҳъ тIурчан, ттун ми цичIар чIалай дақъая...

Лавгуга барз, кIива, барзру бакъая, шинну гъарчангү, Никита ттун ххира хъун най ақъая. Ялунагу къаччан хъанай ия. Га къаччан къаҳунссагу ақъая. Цала ша жунний цIакъ хъувкун, ялтту ивхъуна. Увччу къавхъуну даврия зана къашайва. Таксирвагу бакъанма, багъантту лявлкъуну, жу шамагу баттайвав. Жухху дурккун, ниттил ссихI дуккарчан, валлагъ, ми ттух ххуйну къабурувгунни, зунххи бурув-гунни, на миннан душман хъуна ура, укунсса кулпатраву ттун паракъатшиву дақъар, таватагу ттун шива уккан багъансар тIий, цала чемодангу лавсун, увккун ачайва. Яла-яла на ияв ганан душман хъума. БувчIай буххунссия ттунгу цува къаччишиву, мунияту ссигу-сситарагу ттуйн бия. Га увккун авчукун, чемодан-налуцIунгу ларчIун, нину хъхьичIун дагълантIиссия. Магъара тIий, миннатру буллантIиссия. Мукун ниттин цува ақъя чарабакъашиву кIул хъувкун, Никиталту га сан дақъашиву дуллай, хъиннуре бакI гъяз дантIиссия. Цийхра рищурчангү, ссуг дарчангү, нину га ках-шах уллантIиссия. Махъва-махъту Никита чунчIав къагъантIиссия, жуйнгу ниттил къутI лаян бантIиссия.

Ттун къакIула ниттин га хIанттил къаллуу цира ци ххуй дирзун дуссияв, ганая личIи шаяр дирчIан дарцIуну дия. Цурда датлатисса, ссанчIав сан къа-дуллалиssa къагъану, лухIи михъуксса таксир къавхъунма, жугу га хIан хIачIул баттан битайвав. Ххишалдаран кIапIикI арнулгу шардайн ларсун къаучIайва. Гъарца къини увччу хъанахъисса ганачIа-личIи арцугу ча дикIанссия.

Ца мукунсса къалмакъял ичIура дурсса хъхъуну, Никитал кIура дарсса ттула вичIи цIий, хъунмасса хIаллай шану биллай бакъая. Тамур къатлуу уттубив-хъусса нину ва Никитагу шанай бакъая. Цал гайннал ихтилат ттун баллай бакъая, яла ялу-ялун лахъ хъанан бивкIуна. ВичIи кIюла дурсса ттун гайннал ихтилат утти исватну баллан бивкIуна:

— Ттун вияту личIи хъун багълай бур, — куна Никитал, пIапIрус тIий ухъунс-сия, хъугъугу куну. — Чансса хъуна хъувкун, га вил хъунама оърчIал шанай уна на бугъ анссара. Та къаивkIссания, мюрщими ттухух гъанссия, тайннан цала ппу хъамаивтун ур, на цала ппу ххайгума бикIанссия. Григорийл тайгу цала хъирив бачин бантIиссар. ттулгу ахир хъунтIиссар, бугъ къаарчангумга. Цала бавцIукун, лавсун, кIичIиравун экъиутантIиссара. Ина ттуй ай мадара, ттунгу ттула оърчIругу, хIалалсса къатта-къушгу ччай бур.

— Мукунсса пикри бакIравату буккан бува. Гриша ур оърчI. Хъунасса ада-

минан оърчIайх уклангу къабучIирхха. Вилагу хасият къянкъасса дур. Яла-яла танан чай бакъар ина увччу хъуну укIай.

– Увччу хъурчангу, къахъурчангу, на хIачIайсса хIанттих арцу танал къадулайсар, нава захIимат бувну ляркъусса арцун ттунма чимур нава банна. Гъаннайсса, жунма личий хъун багълай бур.

– Лас ивкIуну маҳъ на цама адаминах бурувгсса инсан бакъара, ина къабитар-чан сагъну дунияллийх занан къахъунссар, – ниттил ссинкъилил чу ялу-ялун лахъ хъанай бия. – Вин цукун къабувчIай на вай гъарца зад циван бухIлахIиссарив? Ласнащал ялапар хъанай ттул майра шин хъуссия. Цаллагу хъатния ча рищувича, альбивул чуувагу лахъ къабувсия. Цукунсса унугу, ганал чулухунмай нава бявкъусса бияв. Ина ттун ххира хъунна, мунияту ина бувмур бухIлайгу бура, ина бивкIарчангума, мабивчIара учин къахъунссар.

– Ина бухIарчан, вил арс бухIлай акъархха.

– Яр, туну, ина ттухъ ттула лякъул оърчI бугъ увну, ивчIа тий урав? Ягу кIичIиравун экъиутавив?

– На вихъ та я ивчIа, я кIичIиравун экъиута тий акъара. Циванни вин Григорий оърчIал къатлуунул улун къачисса? ХIукуматрал кIиккусса оърчIаха нитти-буттал къадансса аякъа дуллай дур. Лаххан дулай, дукаан дулай, ялунссаннун дуклакигу бай. Ялунагу за бувчIусса, оърмуул хIал кIулссса инсан укканссар. Бувну дахъра ца шин хъуссса душгу, щарссагу на вилшиврий къабитав. Вина на хъинну чисса ухъурчан, ттун чимур ина циван къабара? Ттула ца душ къабивтун, вил шанма оърчIал ппушиву дан ттун хъинну бигъану буххурав?

– Ина, Никитай, хъинну аххана хъуну ура. Винния кIулссия ттул шанма оърчIгу бушиву, навагу щащар бушиву. Утти вин ттул оърчIру чIяву бизлай бунуккар. Тайннан ппу акъашиву кIул хъун къадитанна тIутIима ина акъаяв?

– На вихъ гъайгу, дайту я укун бува, я тукун бува тий акъара. Винма хъинмур инава бува. Агарда вина ластгу, ичIура нахIушивугу чай духъурчан, ца шинайс-савагу Григорий оърчIал къатлуунул ула...

Ниттил ганахъхъун я укун, я тукун куну, жаваб къадуллуга. Тайннал къатлавату ниттил ссинкъилил чуурду бакъа баллангу къабивкIуна. Тайннах вичIи дирхъусса нагу ттууву нава айтIий уссияв...

Ца учИакъул чару бувтун, ливцIусса щаращи оълуккин байсса кунма, жул кулпатравусса паракъатшиву Никитал гъалак дуккан дуруна. Хъиривмур къини ниттил лавсуне ттун цIусса сандаллу, читлил гъухъа, чит ранг щуну, дурурхху-на хIажак. Шамулчинмур къини кIюрххил, цIусса яннагу лаххан увну, ниттил кунा:

– На зузисса заводрал хъуниминнал жунма хъунмасса кумаг бунни. ЖучIа-тува арх бакъа буссар Буйнакск тIисса шагъру. КIикку бусса бур хъинну ххийсса оърчIал къатта. ХIукму бунни ина кIиккун тIайла уккан. КIивуга школагу бусса бур. Хъуниминнал увкумур булува, ххийну дуклаку, нагу вичIан нюжмардий цал дучIаванна, уссу ва ссу ккаккан шавайнгу итаакъавантIиссара. Хъинну хъурчан кIикку вил кIира шинни хъунтIисса. Ттун вияту ххийсса адамина хъуну чай бур. Муниятура гъангу уллалисса...

Ттуща ци бан буюхъанссия. Ниттил бувсса хIукмулийн мютIи хъун багълай бия. Ца чулухагу, ниттил ттунма оъккимур баххурав, нюжмардий цал цурдагу дучIавантIий духъукун, шавайнгу итаакъайсса ухъукун, ци бур оърчIал къатлуу унугу. Никиталгу къааттавантIисса акъарав куну, дакIгума рахIат дурккуна.

Гава къини жу ххуллийн бувкру. Бивру автобусрай шябивкIун Буйнакска-лийн.

– Гришай, чIалай бурив шагъулул ххийшиву, – куна ниттил автостанциялий автобусрая ливкесса чIумал, пиш-пишгу тий. – Шикку щюллишивугу гъарзар,

гъавагу зунттал гъавари, ина шикку загълун хъуну, укъавчай хъунтиссара. Юх, на дяркъуну дакъара...

Ниттил укун учирчангу, къяркъарал бувцусса кичииртуту бия, гъавагу шаппамурва чурххан бувзну чалай бия. Уссу ва ссу дакиний багъукун, къонкъарах къурхъ дарщуну, ссихигума биял хъанай бакъая. Цамур къанттай неъматирттал вив лавсун унугу, ачи ккашилну, ччаннай ус дакъа, тартисса янна чурххай ларххун, ттун гайннчай чай бия. Мукун чай бушаврил цибанссия, ттун чимур бандитин чай бакъахъукун.

Нагу нузах ацлан увну, нину оърчай къатлул директорначай дурхса чумал, ттун дунияллиятура даки дурккуна. Нузал ххяраулттивух ниттил директорнахъ буллалисса ихтилат бавукун, ттуйва цими хъуну, айтаву ларчайна.

— Лас айрай ивкүнни, шанма оърчай ябан хъинну захимат хъанай бур. Ттул чара бакъар оърчай зучай иян къаувну, — куна ниттил, айтми макъангут дурцуна. — Навагу цуцлаврил бувгъуну бура, гуж бувтун зунгу къауванай бухъукун, харжигу чиивисса ласара. Цаннан дулунмур шамуннайх дачай, оърчай язухъ хъанай бур. Лажинни ва оърчай къамул ува.

— Хъювсул мабуккара, ссу, цибанну, туну, дяъви найнма бур, гъаксса къянатшиву дур, зун ниттихъянгу, хъинну кувкун, хъинну захимат хъанай бур, ссавур дувара, яхай бувара, ахир хайданин дукканхъуви. Нину-ппу бакъасса ятингал чансса бурив. Цукун-бунугу жугу жучавасса ятин оърчайру ккашил бас къабансса хяратч буллай буру. Миннан хъумур вил оърчайну хъунссар. Къайти, бюхъайссса иш буну, ниттил цила лякъул оърчай циятува личай къаайссарча, къайти, — куна директорнал...

Уттигума даки къума лагай, га къини ниттил нава оърчай къатлул дарвазалух къаивтсса куц дакиний багъукун. На хъярвин уван бювчай маҳругу бувсун, укун икбу, тукун икбу тий, насихатту бувсун, цила лажин чюлу дайссса задирттал бувцусса сумклувату ца хъунмасса гъивч бувккуна. Ттуйн хъяналагу дагъну, га гъивчгу ттухъхъун бириян бувну, анаварну ттуйн ттиликай дуртуна. Бюхъайва ганингу ттуюгу личай хъун мукссава бигъану къабивкүн биклангу, хъювсул дурккуна. Цал морщисса ххархругу ласлай, хурхай наидия, маҳъуннай кура даен чай дуссиявгу къакула, кийлла-шамилла аглангума хъуна. Ялагу, ци дакиний багъессияв, цал маҳъуннай ттухху дууругун, ша анавар бувуна. Кучалул мурцинихун дахълаганнин ххишала маҳъуннайгү къадурургун. Нагу ттула канивусса ятулссайтавдугу дусса гъивчущал уний авцунав. Дакиний бур, га гъивч ттула иттату нанисса мукъал атил бувну бия.

Ттун къакула гикку гукун нава цукссайтавдугу дусса ятулссайтавдугу. На ттуйна нава увкүнав, щиллив хъап куну, канивусса гъивч лавсъесса чумал. Тартисса яннагу дусса, бачайва ччаннашалсса, ттуюла чансса цикисса оърчай ия тинай авцунав, цалхъянну гъивч канай. Ттун га оърчайту, ттуйвагу хъинну цими хъуна. Ттула гъивч лавсун тий ганайн хъис ссигу къабивзуна...

Тачавгуда хъама къадитанссар оърчай къатлувусса оърчайшалсса ттула хъхичай-хъхичаймур хъунаакъаву. Ца жагъилсса щарссанил увцуну, ца бяла оърчайру бусса, хъунмасса къатлувун авкъунав. Гиву кувнил чарах кув бивхъуну чиавусса муҳхал тахру бия.

— Оърчайру, — куна ганил, нагу гайннан ккаккан увну. — Ва оърчайин Григорий учайссар. Хакъинуния тинай вагу жущала ялапар хъанантиссар. Къанттул хъуннин, цала шардалу дакиний дагълай, бизар хъанан бюхъайссар, мунияту зу ва бизар хъун майтари, къаччан биклангу мабари.

Га щарссайтавдугу, циняв оърчайру ттул лагма лавгун. Бакирая ччаннайн бижиннин, ссаллив хисав ласласисса кунма, ттух буурглан бивкүнав. Нава гайннан цукун чалай уссияв къакула, ттунив гай кувннал ялун кув бувсса уссурваврах.

лавхъхуна. Гайннаву чансса чурхал гъазса оърчал, ттучлан хъиннува гъангу хъуну, цувххуна:

– Вин ними шинни?

– Гъашину цалчинмур классраву дуклантиссара, – куну, жаваб дуллуссия на. Амма ганал мунийну гъашиву къадуруна.

– Тайллану буси, ина нигъя усайсса уссаравкъай ягу акъассарав?

– На ссаятура нигъя усантисса? – цуххав на. Оърчал суйданул ттун хъяхъ-авугума лачун дуруна.

– Ина хъямахъра, – оърчал ябакI бувтуна. – Жун нигъя бусулт къаххирассар. Балики жунма жула буттахъан, хънимий уссурвавран кумагран айран талан бачин багъан. Мунияту жу жула къюкъувун нигъабусулт къамул къабайссар. Буси, виву ци гъунар буссар? Лачун ххуйну уккарав? Вил кару кутисса, ганзса дур, бюхъай чартту гъаз байсса биклангу.

– На чартту гъаз буллай къаивиссара, – учав на. – Лачунуккавризу мадара байссар. Жула хлаятравусса ттула чун архал оърчаяр ххув шайссияв.

– Му гъаксса хъинни. Амма вил гъунар жун жула яруннин ккаккан айкинссар, – оърчI цала гъалмахтурах урувгуга.

– Вин, Оъмар, къабучир хъамаличунашал лачунуккан. Вил оърмул арулла шин ва дачи шавай дуссар. Вингу, MaxИаммад, арулла шин хъун ца барз ливчи-ис-кар. Ина ванаяр къива зурул хъунасса ура, – ганал ца лухи-пуршина, хъюрухъ багъесса къанчагу бусса оърчал хъачирай ка дирхъуна. – Чавтарай, хладур хъу, ина уккантиссара Григорийшал лачун.

Чавтарал ссихI къадуркуна. Гацана маҳъми оърчал, маҳъу-махъунмай хъуну, цала дянив лачун букканнса къану бувуна. Гъаннайсса, жу лавчиру. Чалай ия Чавтара цакъ бусса оърчI ушиву. Ганал ттул кару къяцIул кунна дургъуну, чувиш дайва. Тивталшивугу ганаву ххишаласса дия. Ттун бувчлай бия, нава лув агъарчан, ттунна гикку дигъалагру къадикантисиши. Мунияту чара бакъа ххув хъун багълай бия. Тайламур бусан, цимилгу агъавай ливчунав. ХъхьичI спурттув Чавтара сивсуну ттул ялун бивгъуну най уссиа, яла чансса хъхъара хъанан ивкIуна. Нагу увххунав. Чавтараша ялагу бюхълай бия на бигъану лув ишин, амма, циванъяв къакIула, ттуххъун цува лялухату угъансса сант дуллена. Нагу, туну, ччаннахун ччанту бахчин бувну, увтссия.

– Молодец, ина майжаннугу яхI бусса, къянкъасса оърчI ивкIун ура, – куна гава оърчал, ттул кагу дургъуну. – Жу ина жула къюкъувун къамул уллалиссару. Аннув, оърчIув?! – га цала лагма лавгминнах урувгуга.

– Анну! Мунал жула лажин лухи къадансар, – куна ца чуний маҳъминнагу.

– Жун чиевуну шагърулевусса оърчашал бястлий лачун буклан багъай, ца-цал биявугума шай. Мунийн бувну гуж айкин шай, – хъунама оърчал ттул хъачирай ка дирхъуна.

– Ялагу жул ца ххуйсса айдат цамургу дуссар. Ивчлан агъну щялмахъ къабусайссар, дустурайн тайлладакъашивугу къадайссар. Цанма ци хъурчанг, гъалмахчу къааххайссар. Мукун биклан айкинссар дявилийн бачин хладур хъанахъисса инсантал. Бувчурив?

– Бувчунни, – увкүссия на сивсуну. Тайламур бусан ганал бувсмунил на ххари увнав. Ца кулпат кунма, ца магъулу ялапар хъанай, цачIу дукра канай, ца къатлуву уттубихълай-бизлазисса жу, ца заккана кунма биклангу багълай бия.

– Нагу жула циняннал хъунаману увчүссара, – куна гава оърчал. – Тахсир хъума воспитательтурахун къаутайссар. Жува бавтиун, хукмугу бувну, танмихI байссар. Ца Анишат тисса душнин къаччан биклан бувну тий, лаххъу жу хукмугу барду Шяпинал шанна къини къюрххил циняв тахру лакъин. Вана вари Шяпигу, – ганал ттун цала чарав авицусса някисса яругу бусса оърчI ккаккан

увуна. – Ца кіанттай къаацІайсса уну тій, Шяпинайн жу ІїрипІай тІисса чу-
лий цІа дирзссар. Ттул цІа Грушар. Чансса ссурссу лахъисса дуну тій, Груша
учайссар. Шиккусса циняв оърчІал чулий цІарду дуссар. Вана, чурххал лагъисса,
увицІу-къувцІусса уну тій, Чавтарайн Пуннуку учару. Чара бакъа вилгу чулий
цІа дикІан айркинссар...

Яла, гара кыни, лабикІурттай бувлакийни, Чавтарал шинчІав къабаянну
ттуху куна:

– Вин къабувчІурив, лачІунбувлакийни, на виярва циван ух хъуссарив? Ттуща
ина утан бигъану бюхълай бия, амма къаутав. Виштал лачІунбувлакийни, ванияр
дачІи шинал хъхьичІ шиккун нава увкІсса кыни хъхьичІ дарцІуна. ХІакыну вихъ
кунмасса аса-суаллу та чІумал ттухъгу бувссия. Танигу оърчІал бакІчи Груша ия.
Къашай хъуну ивкІсса ттуй лачІун укканнса хІал бакъая. Ух хъуну тій цукссагу
хІал хъуну на ссанчІав сан къауллай. Гъарцаннал буюргу ттуйн байва, цала дан-
мургу на дуллали айвав. Ца кыни, мунииннин чурххайнгу мадара хІал бувкІсса
ттуштал, Груша ивуна. Нагу къянкъану данди авцІуссияв. Ахиргу, заккана бивщу-
ну, ойттукункъа буцан бувссия. Гания маҳъ ттух циняв цамур күццүй буруглан
бивкІуна, нигъагума бусайва. ХІатти ция яла ттуйн буюрду буллан. ХІакыну ина
ттуяр ух хъуссания, та чІумал ттун хъумур вингу хъунтІссия. Мунияту нава ух
хъура. Ттун зад бакъассар, ух хъурчангу, на ура минаул хъума.

– Утти бувчІлай бур, бюхълайту буна, ина нава къаутаврил савав. Мяйжаннугу
вий ттуй кІиваксса гужгу бия. Бигъану утангу бюхълай бия. Хъунмасса барчалла-
гъ, дус, та-бунугу нагу вин ца хъинбала банна, – увкуссия нагу Чавтарахъ. Гания
маҳъ ттун га ца ттула уссу куна чІалан икІайва.

ХъхьичІ гъантрай нину, уссу ва ссу дакІинин багълай бизар хъанай ияв. Гъар-
ца хъхъуну гай макІра ккаклай бия. Ца ччай бияча гай ххира бан, ттула чІарав,
ттуйнмагу лаян бувну, щябитан. Лихъангума къаст дурссия. Ялагу, ниттил маҳъ-
унайва занагу ивтун, ттуятурагу оъккисса цІа дуккан къаданна куну, паракъат
хъуссияв.

Шагърулуп зума-къирагърай бия хъунмасса гъивчул, хъюртул, бяълилуп багъ.
Щялмахъ къабусанна, ккаши ххиен бансса дукра дулурчан дакъасса, оърчІал
къатлувугу неъмат бакъая. Айгу дакъая, чІун хъинну къянатсса дия. Шаппасса
оърчІах бурувгун, жу ххуйнугума ялапар хъанай бияв. Чансса дунугу, гъантлун
шамилла дукра дулайва.

Гъарца кыни кІа багъравун жу къюкни лагайссияв. Гъарца лавгтаригу, ша-
гърулуп оърчІаштал жул къалмакъял шайва. Багърава буukkanту бивтун, жул лагма
лавгун, жуша ахъулсса зихлан бикІайва. Гъарца мукунсса хъунбакъавриву цІакъ
бусса уну тій, жу Чавтара хъхьичІун уккан айссия. Чавтарал мяйжаннугу цала
цІакълиха лархъхъусса хасиятгу дия, къянкъасса жаваб дулайва.

– Гана гикку багъ, нигъабусулт кунма чапардахун къабухлай, зугу га багъравун
насияра, – учайва Чавтарал. – Агар гужирай зеххинну тій бухъурча, ца-цаних
буккияра.

Ца кыни Чавтарал цахъва мукун увкукун, Чавтараяргу ца айнлил лахъисса
оърчІал куна:

– Маҳъ къянкъасса бувсуннича, утти укку ттул хъхьичІун.

– Уккарчан, уккайссара, – куну, Чавтарал цала хъувусса хъюртру ттухъхъун
дугъан дуллена. Му чІумал та оърчІгу ванайн ххявххуна. Ттун къакІулссия Чавтара
гакссава тивталсса ивкІшиву. ЦачІана ияннина, ччаннахун чган бахчин бувну, ялун
бивгъуну нанима лажин лувну увтуна. Цала дуснай дуркесса кыни лахъан ганал
мукъагу дус Чавтарайн ххявххуна. Жугу мукъа буссияв. Чавтарал дугъан дуллусса
хъюртругу хъувун лиркІуна, нагу га цанначІун лавчІра. Га ттуяр хъунассагу, гуж
буссагу ия. Къюллуп къав куна гъаз увну, цала лув ивхъусса ттул дакІници никгу
дирзун, хъувату хъюрт дуклан ивкІуна. Заккана бивщуну, ттул майравату ойтту-

гу нани бувуна. Му чүумал жущала биллалиминнавасса цаннал хьит увну, ттул ялату цала гъалмахчу укъан увну. На ххассал увма цлаакь бусса ушиву күлнү бухъунссия, ттуй гуж буллалиманал ганайн ка кийкъадархIуна. – Дустал баахуй, ххишала жул чараав маацIара, – куну, махъмигу бувцуну, лавгуну.

Цала гъалмахтал чансса гихунмай шайхту, ттухлу увкманал цала къяпух ттул майрава нанисса оыттугу ливхъуну, ттучIан ка ТиртIуна:

– Ттуйн Макьсуд учайссар.

– Ттуйнгү Григорий учайссар, – куну, нагу ганал ка дургъуссия. Циняннашал күл хъуну махъ, Макьсудлул куну:

– Ттухъ буттал мудан учай вияла цлаакь чанманай тачIав гуж мабаванна, ялунмагу ганан кумаг булува куну. Вийх заккана бивщусса ганайн Сулайман учайссар. Иллан бириярчан, игъалагай. Жу дусталгу бакъару, ца хлаатраву ялапар хъанай бухъукун, цачIу түркIу түн бикIарау. Ганал дуссар велосипед. Хлаакыну цащала багъравун къюкни уххан архIал учIарчан, бигълан дулунна кунача, къячча-къяччай буна, увкIессияв. Ва иш буттан күл хъурчан, ттухун дяявантIиссар...

Макьсуд дакI-аьмал ххийссса оырчI ушиву вай мукъурттийнува бувчIлай бия. Мунияту жунгу ганай дакI даркъуна. Личи хъанахъини, букъав къабивтуна жухъ цанийинма нанияра тIий. Цамур чүумал бучIан махъгу буллуну, жу личи хъуссияв.

Гания махъ нюжмар ххишалагу хъуна чувчIав Макьсуд хъунакъаакълай. Ца кини ттун га жула дарвазалух авцIуну лявкъуна. На ххал шайхту, ххаригу хъуна, ттучIан увкIуна.

– Ярч, ина чуна чун увххун ура, – куна ттухъ ганал, жипловату бувккун, ца нисвартигу буллуну. – Ина ккаккан чай на шиккун цимилагу увкIессара. Кливун, зул хлаатравун, уххарчан, оырчIру билланссар тIий, вана ва кIанай ацIайссияв... Ачу жуннийн.

– Зунний цана цучIав акъарив? – цIувххуссия на Макьсудлухъ, га ттуйна цала шава цучIав акъасса чүумал оывтIий уххунссар тIисса пикрилий.

– Цинявшагу шаппа буссар. Жул мадара хъунмасса кулпат буссар. На цакъни-ва буттахъ бувсъссия жува күл хъусса күц. ЦичIав кьюлтI къабувну бувсъссия, ганахъ щялмахъ бусан къабучIиссар, тIайламур ва къатIайламур ганан най буна күл шай. Гагу ия ина жуннийн циван къаузав тIийча, ачу...

Га кини на лавгра Макьсудлущал. Гайннал къатта жучIан гъаннува бивкIун бия. ХъхычIва-хъхычI ккаклакисса бунугу, ттун Макьсудлул буттайгу, ниттийгу, Макьсудлуюяр хъунисса кIиягу уссийгу, ссийгу хъинну дакI даркъуна. Къатлуун уххайхту, нагу цила хъазамравун лякIин увну, Макьсудлул нину Майсарат хъю-всул дурккуна.

– Вил цучIав акъассарив, ниттил? – куну, цIувххуна.

– Нину сагъссар, ппу ивкIуну кIира шин шавай дур, ттуярва мюрщикса уссу ва ссугу буссар, – учав на. Амма, нину сагъссар кувкун, ганил къумукъ мазрай цирив куна. Яла махъ, гай мукъурттил мяньна ттунна дурчIукун, күл хъуна, га нава оырчIал къатлуун авкъуна тIий, ттула ниттий ай дуллай диркIшиву.

Макьсудлул ппу Салман, никирттая ялавайсса кIивагу члангу аьрай къабив-туна, увкIун ия. Ганал ттухъ я ниттия, я буттая къатIувххуна. Цала чараав тIаннул тахлийгу щяивтун, увкуна:

– Ина цIусса кIанттай бизар хъанайвагу акъарав, мяммал?

– Акъара, – учав на. «Мяммал» тIисса махъ ттула ппу ивкIуния шинмай щи-ятучIав бавну бакъая, мунияту га ца мукъуйну ттун Салман най уна ххира хъуна. ДакIиниун цирив ца гъилисса асаргума бувххуна.

– Бизар къахъанайгу акъахъунссара, амма адаминаву ссавур, къянкъашиву дикIан аьркинссар. Гъай-гъай, оырчIал къатлуу зу зунма ччикун бакъашивугу күлли, ци банну, туну, чун укун захIматсса дур. Чумуха лавхъхъуну жунмагу

къуццу тIун багътай бур. Пикри мабара, чал къавхъуну жула ятIул айралуннал ххит уккан анссар душман, яла, хаснува зул ойрчал ойрмугу мархлуцIакул цу лагантIиссар, – га ттул иттав, пишгу куну, урувгуну.

– Ва шагърулуу вин гъансса-маччасса цучIав уссарив?

– Акъассар, – учав на.

– Циванни акъасса, – куна ганал га цIана, лугъатгума бааххана бувну. – Уттинин къабивкIхъурча, уттиния тихунмай буссар. Вана жу вил гъансса халкъ. ХIакъинуния тинай ва къатлуун, вила яла гъанминначIан куна, вина чимур Чумал учIан буюхъайссар. Бухтай, буклайри ххирагу шайсс, гъан-маччагу шайсс, – ганал ттул хъачIунттайх ка дуртуна. – БувчIурив вин на увкумур?

– БувчIунни, буттауссу Салман, – учав на.

ШирацIуху дарцIуну, жул ихтилатрах вичIилий дия, нукIу хъювсул дурккун, макъ лихълахъаврил яруннил лагмалу ятIул лаган бувсса Макъсулдул нину. Ганил чIарах бавцIуну, ттух цИтI бивкIун буруглай бия Макъсулдул уссурвал ва ссугу. Ттун чай чай бия, ивзун, хъхъичI Салманнуйн, хирив Макъсулдул ниттийн яла циняннайн, айтIунгу ивкIун, хъямала агъан. Амма чансса хъхъичI Салманнул увкусса «адаминау ссавур, къянкъашиву чара бакъа дикIан айркинссар» тIисса маҳъру вичIахун чIохлай мув зад бан къабюхъуна.

Га дия ахттайн бивзесса чун. Култа бувсса айрщарал чIанкъатлуун бувтсса, мичча-тиччагу тIавтIеса бартбисулийн бувтуна ссупра. Ганил лагма ширваннугу дурну, щабивкIуна циняв. Макъсулдул ва Салманнул дянив щаявтунав нагу. Ниттил цинявинал хъхъичI лархъхъу накълил кIичIурду бивхъуна, гайннухун ца-цаннан кIи-кIива инил къясругу буллuna.

Мийжа-мийжаннугу, Макъсулдул на дакIмяш хъанай ияв. ДаxIалай бакъаяв, гукун щалва кулпат ца ссупралул лагмагу лавгун, дукра дукайсс, гъарца къини циняв зачIугу бикIайсса Макъсулдул. Нама му талихIрацIа увунав ниттил. Гайннал кулпат чIивисса бакъая. Ряха инсан ца ниттил каруннивун ялугълай бия. Дъевилул мушакъят увсса Салманнуша, къатIув увккун, заны-къала хъун буюхълай бакъая. Цивппа цукун бунугу ялапаршинна дуллай буна, нагума арулчинману зачIана учин маҳъунмай къахъунсия.

Макъсулдул нину муксса жагъилнугу дакъая, жандалулгу кIюлацIану дия. Ганияр жагу-жагъилсса, жандалулгу цIуллусса ттул ниттища ганил бувмур бан къабюхъуна. Гайннал ичIура вари чинсса я бацIансса къай-къуярагу дакъая. ХIислав дарчан, жу Макъсулхъаяр кIилийн авадансса бияв. Хъунисса бакъанугу, учин мукъун, шанма-шанма бартбисува бия, ца хъуннасса дагъани дия. Чал буттукъа тIивтIуну нину гива цийва лаххан цIусса гъахъу буukkan буллалисса чIумал, буттукъа къараккуна. Къини дуркса чIумал, гайннуйнугума жу бакI буukkan бан буюхъансия...

Гания маҳъ на чIявуна лагайсияв Макъсулхъаннийн. Цимил гъарчангү, на гайннан чIяву излай акъаяв. Мудан, цала кулпатрал инсан куна, ххарину къамул айав. Макъсулдул ниттил Майсаратгумур аякъа ляличIиссара дия. На къаув-кIеса къинирдай цила ойрчIайх дарчIусса конфетирттая, качарданул касакирттая ттунмур бутIагу байсса бивкIун бия. УвкIукун, жипловун бичайва. Ссупралух щаявкIеса чIумал тIурча, хъхъичIра-хъхъичI дукра ттул хъхъичI дишаива. Ттуннагу Макъсулдул нину ттула нину кунна чIалан дикIайва. Майсаратлул цилагу учайва: «Ина ттун ттула арс куна чIалан икIара, жуннийна къаувкIун гъантта лях лавгсса къини бизар хъанан дикIара», – куну...

Григорих вичIи дирхъусса Маратлул хъхъичI цалламур ойрчшиву дарцIуна. Гагу личину цIа дансса дакъая. Арулла кIусса щаву дирну, чурхгу кисайрттаву чулгъай бувну, айрату заны хъуна пп. Пакъирнал царагу къини къархъуна дакI ххарисса. Айрату заны хъуна маҳъ цалагу ккурчIав уккан къавхъуна. Утти ганал ккурчIагу, хIаятгу, чIаххул ва гъан-маччамигу, шяраваллил зума-къирагъирттайсса

щаращивгу, арду ва зунттурдугу цуцИ шану бия. Чавахъулттивух чалачимунийра гъашиву дурну ия. Шяраву ялапар хъанай бухъурчангу, хаятраву биялса ичаллил лелуххант, ппалав хъхьичIваксса гъаттара-ятту ябан бюхълай бакъая. Ца-цаних дуккан дуллай, бачIва хъуна маҳъун дирхъусса къай-къуйлуцIа ниттил буттукъя. КъаливчIуна я чирттай бартбису, я чанкъатлуву хъа-парас. Гъарца зад ойрЧру ябан дарххуна. Ца кичIу бувцIусса иникIмалух, къатлува дуккан дурну, га яла язимур зад дуллусса чуннугума шайва. Цал, цурда щар хъуннинсса, цила лялу дахIлай диркIсса камал мухIлугума шанна банка къа дурсса шагъналлаchах къумукъ щарссанин дуллуна. Шанма душнил ялун увсса Маратлул жалиндалуй дахIин ядуллай дикIайсия нину га мухIлу. Банмур бакъая, ккаши ххув хъуна.

Канил нигъирттай хъувхъу буллай, гайннувух къакъан дурсса дукай уртту, ини-мечI хала буллай, гай шанна банклуй сайки ацIва гъантлий кулпат бакI букин бувуна. Утти щичIанъя гъантIисса иникIмалул кичIу буцIара учин? Уссияв мукунсса хъинбала цала яла язинангума бен бюхъайсса цучIав тани шяраву? Дяъви нанисса хъхьичIсса шаннагу шинал миkI бивчуна, хъуру лируна зунттаву, къалирчIуна халкъуннал ичIура я хъус, я чурхай жан. Гай шанна банка шагъналлаchах къуртал хъуна маҳъ кIива гъантта хъуна къакъан бувсса ини-мечI шавхъун канай. Гайгу хъисвагу халлай ккаший къабацIайва. ОйрЧал дардирдал нинугу инжит хъуна. Бигъану бикланссияв ганин ккашилсса ххюва лякълул ойрЧах дардакъа дурглан.

– Баркуш, ттуцIун утти инагу цуцИ шанийн дагъан най дурав? – куна буттал, цала кIараллийн хъачIгу щарчуну, къарчI диркIсса ниттил ненттабакIрай кагу дирхъуну. – КIиришиву гъаз хъуна дунуккар. Лажинни, къашай машара. Инагу къашай хъурчан, жула ойрЧру ккашил литIунссар. Чансса яхI бува, чган лув бизан хъанансса кунма бур. Ва хъачIрайсса щавугу лакъирчан, ттуща жула маэшатрал хъирив уккан бюхъантIиссар.

– Севур кIюла мадара, – куна ниттил, цила ненттабакIрайсса буттал каний кагу дирхъуну. – Щавурдугу хъин хъунтIиссар, ччаннал тIаркIгу дазинтIиссар, мунииннин дяъвигу къуртал хъунхъуви. Радиорттавух баян буллай бурхха, душманнал айрал маҳъунмай ливхъун най бур тIий. Ливхъун нанисса жанаваргума я муруллуйн тIайла бацIайссар, я авчинал ккуллалуххъун бирияйссар. Къахъунххурав та язиднал ахир ччяни. Цалсса жувагу банмур бакъа ливчIун бакъару. Цуксса цитIийнугу, ппалав дукIул къунча бур, оълилгу бярч бен бувккусса гъантри ливчIун бур. Ца-цаннан ца-ца стакан накIилил булларчангума, ойрЧру ой къабуккантIиссар. Интдайдишингу хъунма хIал ливчIун бакъар. Цусса ини-мечI, къурчI, къяцлул чIири хъунссар. Базар къини къунчагу баххану.

– На вийн лажин дугъан къахъанай ура, – вай мукъуртищал буттал симан хъиннуре кIяла ларгуну. – ОйрЧалсса буллалаву къагъану, нагу вил хъачIунттайн дагъесса кIусса гъиву хъунна... Укун личIаяр, каруннайн, ччаннайн къавщуну, вай ккулларду къюкIлийн щуну бивкIссания, ттунгу, вингу рахIатшиву дикланссия.

– Маучара мукун! – ниттил буттал мурчай цила хъат дирхъуна. – Хшишала мукунсса маҳъ маучара. Кару-ччанну дакъа, ссихI бусса къуркъути хъуна увкIссаниягу, ина ттунгу, ойрЧангу чара бакъа айрингессияв. Га дяъвилул цIаравату мукун учIаврийнгү кIа Аллагъайн щукру буллай буссарахха на. Цивана вил къюкIлийн ккулла щайсса? Вин къакIуллив вил къюкIлийн щусса ккулла ттулгу, жула ойрЧал дакIурдийнгү щунтIий бивкIшиву? Къюк, ягу зуна буллай уна, къавщуннихха ми ккуллардугу вийн. Ватан дуручлай вил чурхайн дирсса щавурду ттун чувшившул лишаннуу чалай дур...

– Арс, ина дарсирайн циван къалагара, ахттайн бивзуннинхха, – куну цIувххуна, ппугу паракъат увну маҳъ Маратлух ниттил.

– На дарсирайн къагъанна, шардайнсса дарсру лахъхин къархъунни, – жаваб дуллуна манцI ивкIсса Маратлул, якъаману ниттил иттавгу урувгун.

— Инания цичIар дуллай акъаяв, циван къалахъяв?
— Ккашилну уну тIий, бакIравун цичIав бухлай бакъари...

Цакуну къатлуун муксса кIушиву дагъунаахха, га кIушиврул дуцин ссащаIав дан къахъунссия. Нину Парь диркIун лирчIуна, бутталгу къаши шаврил яру лавкуна. МурцIу иттавгу мукъал кIунтIру цай-цай тIун бикIуна.

— Я ттул арс, шяраву цIана ччатIул лякъа дурчусса цучIав акъархха, ваксса къашавайсса вила бутталгума хIакъину иникъаллул къанкъ дусса зад зумув къадирхъуссар, маxъра-маxъсса шаgъналлаchIал оьрчилугума дулавхха вин къюш дан, — куна ниттил, ласука бувхIусса кунна, къарчIу диркIун. — Жунгү кIулли ина увччууну акъашиву...

— КIулну бухъурчан, та къунча ларгсса базар къинива циван къабавххуссия? Уттимур базар къини дучIаннин ккашилнува бикIантIиссарув?

— Итадакъирчан, лякъа хъхирири, дугъарчан, гъивхъбул макъараp, ахтта-къуннай щихъ бунугу лаялий ца кIияма иниkIамалуl буцIа учин гъаннача, ссавур дува.

— Ттуща на хъис хIаллайгу ссавур дан къахъунссар! — Марат ссингъа тIий, аytIун ивкIуна. — Укун ккашил ивчIан аншивруl уллай дуссияв ина на? Увагу къаувния!

Арс паракъат ан, дирзун, ганачIан нанисса нину, кIяла чарин дуркссса кунна, цIан къатлуу дарцIунна лирчIунна. Му ссят бутталгу цала ялату виргъан экъи-лирчун.

— Циванни ттула оьрчIан ччатI булун къашайсса ттул унувагу! Кумсият, дула шиккун ттул ххаржан! — ппу, хъапа тIий, цала щавурду дархIусса кисай руцлан ивкIуна. Щавурду оьттун дурцуна. Нину, аyg-аytIий, ганал кару дугълай дия. КъакIула га ссятраву буттал сакъатсса каруннай цукссава гуж хъуссияв, гай дугъан ниттил гуж лаллай бакъая. Даxъва утти бувчIуна Маратлун пикри къабувну цала увкссса мукъуртил буттал дакIиниц цукссца цIун бикIан бувссарив. Извун, шаний авцIусса буттал ччаннацIун лавчIуна.

— Мяммай, багъишла ува, на укунаяв тIутIисса, вила бакIрайн хъараshaw, на хъисгу ккашилну акъара, цIана дарсирайнгу гъанна! — тIий, Марат ппу паракъат уллан ивкIуна. Циванъяv къакIула, арс цацIуна лавчIукун, буттал га цаятуva усан ан хъитвагу къаувкуна. Ганал бакIигу цала кисайрттаву чулгъай бувсса хъазамравун лякIин дурну, ганий цаламур бакI дирхъуна. Гай гукун паракъатну буна, мюраяту ликкан дурну, ниттил ххаржан тамур къатлуу ладиртуна. Яла дуркIун, оьттун дурцssa буттал щавурду цIунил даxIлан диркIуна. Ссингъагу тIий, Маратту га-нин кумаг буллай ия. Арснал кIукIлусса кару цала базурдайн лаллан диркIуун, рахIат увкссса куна, ссихI къадуклай ия ппугу.

— Кумсият, утти лавгун, Ссупияннухъ на оьтIий ия уча, — куна буттал, щавурдугу дархIуну, шаний паракъат хъувкун.

— ЦIана гъанна, — куну, нину ларгуна. НуzaчIан дияннин ганил хъирив уруг-лагисса Маратлун хIакъину цала нину хъинну илтIа хъуну, чири лирчIун чIалан диркIуна.

— ЧIалай дурив вила нину цукссса заэв дурккун дурив? — куна буттал, Кумсият къатIув буккайхту. — ДаxIи къалирчIунни. Ина танил лажиндарайн маацIаванна, ттул арс. Танил-личIи ци банссар. Гъакссса, тай цийрасса тIартIисса янна личIаннин, гъарца зад шаgъналлаchIал, хъалул кIучIалттул банкракх дуллунни. Жула дардирдал цурда азарданул дугъавай дур...

Буттал ихтилат ялун увхсса Ссупияннул бяличIан бувна.

— Чаххувчу, ассаламу аylайкум, ина ттуин оьвчин гъан бувну бияхха, ци аыркиншинна дур? Бюхъайсса бухъурчан, вин бамунния тачIав маxъунай къахъунтIиссара.

— Ва аylайкум ссалам, чаххувчу, хъунмасса барчаллагъ, цIанакул жущава ци

бан бюхълай бур. Жуятува цайминнайн биллай бакъарухха. Ласу-ка бувхIуну ливчIун буру. Жула лякъул оърчIангума ккаши ххиянсса ччатI булун бюхълай бакъару, – куна буттал, якъаману хълууцIухва бавцIусса Кумсиятлухгү урувгун. – Шаххувчу, ттул вихъ хъунмасса миннатри, ца захIмат бувну, хлакъину та жул къунча бихха. Кумсият бур бучнугу бур тIий. Бавххунунияр бивххун хъинни тIий ура нагу. Арцухгу-личIи ци ласун хъанай дур.

– Шаххучу, бивтниякъай, та цуппагу хъун гъаннарал къунча бур, цIанакулгума чIава оълилуксса чурх бур ганил, – Ссупиян ккиз лавгуна.

– Оълил бярч бан бувккусса гъанти ливчIун бур тIар Кумсиятлул, къисматну бухъурчан, танил бюрчулиягу оъл хъунтIиссар. Гъаксса къаччива биххан ттунмагу, амма оърчIру ккашилну цукун битави. Бавххунунияр биххавриву къулайшиву дурча, ца захIмат къамул бувну, бихха, Ссупиян.

Ссупиян ниттих урувгуна:

– Кумсият, инагу мукунма тIий бурав?

– Бура, чIаххувчу, та бавххусса арцух къалмул ца сахIвагу къабулунссар, биххарчан лархъхуу накъливун дутлансса дикIрагу хъунссарча, бихха, – куну, нину тамур къатлувун дурххуна. Тивагу ххаржангу канихъину зана хъуна.

– Ма, Ссупиян, дайлну дикIантIиссар. На цIана къунчагу къатIув буккан бувну, чланну дугъан щихъ-бунугу нану учиннча, ина щянкIу.

Ссупиян щянкIан, кIанугу хъхьичIунмай бувну, нину къатIув дурккуна. Ганил хъирив урувгусса Ссупияннунгу, Маратлунгу, цанма буттангу бувчIлай бия къашавайссса ппу гъалак къаукканшивул биххан рязи хъурчангу, цила канилу Чиви оърчI кунма хъунма хъанахъисса къунча биххан ганин хъинну захIматну бушиву.

Цахъи хIаллавату ниттил ппалнил хъулухату Ссупияннуйн оъвкуна. Га цIана, ххаржангу ларсуну, Ссупиянгу лавгуна. Ганал хъирив най ия Маратгу. Гих, ппалнил хъулухгу щядиркIун, чIу-чит къабунма хъапри бишлай, цила никру датлатисса нину ххал шайхту ганил хъхьичI тахсиркар куна авцIуна Марат.

– Чаххувщар, муксса винма биххан чай бакъаниявхъур, циван рязи хъура къунча биххан? Чарчан лавгун цIунил ихтилат бавив кIанащал? – цIувххуна Ссупияннул.

– Уттири жуйн къини дуркссса, Ссупиян, – куна ниттил, буттан къабаяншивул чIугу лагъ бувну. – Къунча бугъ хъуну бивкIуну бур. Аллагъ, агарда инава ухъурчан, циван ура айрзарайсса халкъуннайн ва къисас ликкан буллай? Гъаксса къаккавкссса цичIав къаливчIуннихха. Ца акъа акъасса уссу айрай личIан унни, нину жагъилну дуна дирчIан дунни, ласнайх та къини дуккан дунни. Утти ттул оърчIруту ккашил литIун бан чай урав?

– Вила ласнал, оърчIал бакIрая цадакъалун лавгун лякъиннав, гъаксса къахъина, – куна Ссупияннул гукунма лагъесса чIуний. – Бачу кIа ливагу-ликканнча. Гъилину бухъурчан, бивххун, букингума дурусьссар. Зува къадукарчан, дикI базаллуву лаххансссар.

– Яла ликканссар, цIана оъл бихханну, – ниттил чIу хъиннува зурзу тIун бивкIуна. – Чапур хъусса къунклул дикI дарххуну ттунма бунаргыг ласун къачча... Бихханну, цIана оъл бихханну.

– Му зад маучара, чIаххувщар, паракъат хъу. Къал нани дурсса оъл щил биххайссар? Къашавайссса ласнал оърчIан булунссса накIил ххув бакъа личIансссарухха зува. Уттинингу оърчIру ккашил къаливчIунни, уттигу цукун бунугу бакI буккан бансссар.

– ОърчIай язухъ бур, му я ттуща, я ласнаша бухIан бюхълай бакъар. Нажагъ, ккаши бухIан къавхъуну, цания ца оърчIан ци-бунугу хъурчан, жу яла дунияллийх цукун занаву? Къунча бивкIушивугу мабусара, оългу бихха. Ттун чай бакъар Шамил гъалак уккан ан. НукIугу цала щавурду дархIусса кисайртту экъидичлай,

гъалак увкүнни. Оърмулуву цалагу ттунма къаччан бикІан къабувсса ласри ттул кІа. Кланаяр ххирасса буххурав оъл. Так жува цУллуну личарча, на бюрчулияту оъл баннахха. Оълил дикI къуртал хъуннин Шамилгу шанияту изанскар, кИиягу зий, чан хъумур дузал данну. Ца оълий дарцIусса дуниял духхурав ва. Цимигу оълил багъасса буттукъа буссияхха ттул. Вана цІана бачІва хъуну. Бихха, чАххучу, бихха.

Үкун учирчангү, я Ссупияннун, я Маратлун къабувчIай бакъая ичIура дусса хъус га ца оъл буну, ганицIагу хъун Кумсиятлун бигъану бакъашиву. Цуппагу бярч банд къал нани дурсса оъл. Мукун бунугу га хIарачат буллай бия цивувамур къюлтI банд.

Нину синхрал дурккун дунугу, нукIу кунна, айтIий дакъая. Ппалату буккан бувсса чIумал, ххяп уча тIий, оълил цила ссурссусу ниттил хъхьичIун дургъуна. Ганил лунттубакIрайн, ссурссулийн ххяпту куну, ненттабакIрайн птайту куну, га биххалиссса күц цинма ххал къахъуншиврул, нину чАркIув дурххуна...

Кумаг банд кИя адаминагу учIан увну, Ссупияннул оъл бивххуна. Биххайхту анаварну лякъа ххядурккун, гива сагъесса бярч бувккуна. Гагу бивххуна Ссупияннул... КIулну буххунссия хъунмур оърму гъаттарал хIухчушиву дуллай лавгсса ганан гукун банд аъкишиву...

Цакуну хъинну хъюлчу хъусса машиналул Маратлул яруннил хъхьичIа та захIиматтса къинилул сурат бат хъун дурна. Бюхъайва цIунилгу хъхьичIун дучIан, агар Григорий хIала къаувхссания:

— Цал на хъинну захIиматну инжит хъунав. ОърчIал къатлуу бия къашай хъуми уттубишин байсса личисса къатта. КIива хIакин душгу бия. Хъиривмур къини на хъиннува захIимат хъунав. Ттунмавагу къакIула ттуйнма цимилигү хIал бившиву. Яру тIивтIукун ттуйнма ххалаххи буллалисса хIакин душ ххал шайва. Цал мукун хIал бивну, ттуйна нава увкIисса чIумал, ттула чараф щядиркIисса Майсаратлуйн я бивуна. Га хъювхъу тIий дия. Ттул ялун къус диркIун, чIаврайн птайту куну: «Муксса цихва мякъын уна, ина шиккун иян увсса га вил ниттил дакI някI чарил диявав», — куна. Яла хъин хъуну махъ бувсуну нава къакрурдавух ттула ниттийн оъвтIий ивкIшиву.

Гания махъ хъин хъуннин гъарца къини дучIайва Майсарат ттух дурган, дукрагу ларсун. Яла, мадара хъанан ивкIукун, хIакин душнихъ ца нюожмардийсса на цаннийна учин ихтияр дула тIий, миннатру буллан диркIуна. ХIакин душнил ганин бувчIин бувуна, агар директорнал ихтияр дулурчан, цила цичIав бакъашиву. Ларгуну Майсарат директорначIан. Дуллуну директорнал ихтияр Майсаратлухъхъун на ца нюожмардийсса цичIана учин. Ттул кагу дургъуна, шагърулувух нанийни, га цурда дунияллий дуцири ххаришивурттал вив ларсъесса кунна най дия. Шаппамигу ттущал ххарину хъунабавкъуна...

КIюрххила Майсарат даврийн лагайва. Ганила хъирив дарсирайн лагайва Макъсудлуяр хъуними уссурвал. Ахттайннин Макъсудгү, нагу, Салмангу бакъа шава цучIав къаличIайва. Чинма Чивимур ссугу хIаятравун тIуркIу тIун лагайва. Ахттайн бивзесса чIумал Макъсудгү лагайва дарсирайн. Мукун ливчIисса чIумал, Макъсуд дарсирайн гъаннин, ца-ца чулух ца-ца Макъсуд ва нагу щябивтун, Салманнул жухъ цанма дяъвилй ккавкмуния буслан икIайва. Ца къини ганал жухъ бувсуну укунсса хавар.

«Га дия Ленинград шагърулучIан душман лап гъан хъусса чIун. Жул разведчиктурул взвод гъарца хъхъуну лагайссия «мазрал» хъирив авлий. Чара бакъа кIул банд багълай бия душман цукунсса гужирдацал най уссарив шагърулучIан. Ца цІансса хъхъуну на ттула дуснаштал, Альизов ХIажинаштал, разведкалий тIайла увккунав. ХIажигу ия дагъусттаннаятусса ссурхIиричу. Жун багълай бия га хъхъунува буккан душманнал къинттулуххун, лякъин душманнал штабрай зузисса хIаписар, яла авцуну, га жула штабрайн иян ан. Га бия сайки биттур банд

къашайсса амру, амма жун тайлабаццу хууна. Га хъхъуну жу авцусса душманнал хаписарнал мюнпат бусса чывусса задру бувсуну. Амма ганал бувсмур майжансса буссарив ягу бакъассарив щинчилав къакиула. Му күл бангу разведкалий гъан айкинну бия.

— Вирттал, зун уттигу душманнажан ссапар баихин багътай бур, — куна кийлчинмур хъхъунугу жула штабрал начальникнал Хажинахъ ва ттухъ. — Зун күллихха душманнал хаписарнал бувсмур? Балики та, жува хъяварин бувну, жула дяъвилул гужирдан луркын дуклай икълан. Вай ккаччайн вихшала дишин къабучисар. Зул дагъусттаннал чиваркыссаячиав нигъя къабуссайсса, къянкъасса бур. Мунитура зу кийлчингу разведкалий тайла буклакисса. Зуша бакъа ва амру цайминнаща биттур бан къахъунссар.

— Жу хадурссару, гъалмахчу генерал, — куссия жу кинналагу ца чуний, честгү дирхъуну...

Га хъхъуну, жунма айкинssa гъарца задгу күл бувну, зана хъанахъийни, жу душманнал ясир бувунав. Махъун каругу дархынуну, зувиллийхъайсса душманнал вив лавсун, штабрайн биян бувунав. Жу ккавкукун, немецнал генерал ххари хууна. Дустурашал куна, мяърипат дуну хъунагуавкъуну, каругу ттирихин дурну, дивандалий щабивтуунав. Нукыу душманнал лагма дургъусса чумал хъусса бита-ххитавризу Хажинал ччаннайн ккулла щуну бия. Га цана генералнал амру бувну, хакин учан увуну. Щавугу дархынуну, хачианssa щингума дуллуну. Яла генералнал тяхъану увкуна:

— Зу халлилса талаталт бивкын буру. Зу киннал гъархъуну ттул ациния кийя солдат та дунияллын тайла увкун ур. Вайннашарив ца ккулла бакъасса зуйн шун бан къабювхъуну бур. Ттун ххирассар мукунссас талаталт. Амма цивани зун къабувчилачисар жу зул билаятрайн айрасатнал халкъ большевиктураша ххассал бан бувкышиву? Жури зун тархъаншиву дулунтисса. Зугу, зу кунмасса цайминнагу кумаг барчан, ччясса чумул мутталий Айрасатнаву цуя ца большевик къантанну. На зухъ цухлай акъара, зу жучиан щил, циван тайла бувкру тий. Циван тайла бувкссарув зу къабувсунмагу күлли. Так зула айралунная, зула цакълия, командиртурая бусаву ччива. Мунил жунма хъунмасса кумаг бантисар. Агарда жува кувннан кув бувчирчан, хъуннасса чиннугу дуллуну, жула штабрай зун ихтияр дуллуну.

— Жу зухъ цичиавгу бусантый бакъару, — куна, хис нигъагу къаувсун, Хажинал. — Щалва Айрасатнал халкъ большевиктураш тайласса пикрилий къуццу тий буссар. Зуша циняв бухлаган бангу къахъунтисар. Ца ивчарчан, ганал кианай кийя ацантисар. Зул чиннугу жуй къадакъинтисар. Чинну дақъагу бакъару.

— Зу бувххун бунуккар, ккашилнугу бухъунссару, — куна, пишгу куну, генералнал. — Гъархъуну бигъалагияра, жува гъунттий хъунабакъинну... На увкумунилгу ххийну пикри бувара. Хайпри зу ащун бизан.

Жу хъяварин бан ччай бухъунссия, га хъхъуну жуха букивссаса хурмат къабивтуна. Яла нахуми дукрарду, яла ххийми конъякру дучиан дуруна. Дукра дуркуну маҳтгу күкүллесса шану-кыраллай уттушибин бувунав.

Гъунттий күрххилгү гайва хурматру бувуна. Яла бувцунав генералнал кабинетравун.

— Генерал, хъунмасса барчаллагъ, зу жу ххийну хъамалугу бунну, рахматну бигъагулавгру, амма жухъ цичиав цухлай, вила мазран айзув мадулларда, цичиав бусантый бакъару, — куна Хажинал, сивсуну генералнал иттавгу урувгун.

— Жу бивкүлүл иттав сивсуну буруглагисса халкъру, винма ччимур танмыхи бан буюхъайссар.

— Инагу вила гъалмахчу куна тий урав? — цувххуна ттухъгу генералнал.

— Жул кинналагу маҳтгу, пикригу цари, — жаваб дулав нагу.

— Цана на зун маз лахъхин банныхха, — куна, га цана мукъя хаписар учан

увуна. Гайннал жуятува жува гъаннин чланну щилай бавттунав. ЧантI кунав жувалусса цансса къатлуу.

Укун генералнаЧан буцлай, жу цичIав къабувсукун, батлай, шамма-мукъва гъантта хъуна. Ахиргу, бувцуу, цала аралуннал хъхычI бацIан бувнав.

– Махъва-махъ цIухлай ура, – куна генералнал, – зу на цIувххумуниххъун тайласса жаваб дулуннувкъай ягу къадулунну? Юхссагу зун зува ливтIуну чай бури? Ттун чай бур зу сагъну битан. Агар зунмагу мукун чарчан. Зуния зула душмантал зува бакъару.

– Жу виых ца цичIавгу бусантIий бакъару, – куна къянкъану ХIажинал. – Хаиншиврий ойрму бутаяр ивкIуну хъинссар. Ттун чай бур, нава сагъссаксса, даkIгу, мазгу тайлану ттула ватандалух урган. Ина кумур тайлассан. Жу жула душмантал бакъару.

– Вин ци чай бур? – цIувххуна ттухьгу генералнал.

– Ттунгу ттула ватандалийнгу, ттула намусрайнгу махъва-махъсса ссихIирачIагу даkI тайлану икIан чай бур. Нажагълий сагъну личIарчангу, ттула ватандалул арщарайх сивсуну шаттируду бизлай занан чай бур.

Жул жавабирттал генерал щара-кIара лахъан увна. Жувату цичIав къабуккай-шиву кIул хъукун, лаххъусса гакссава ихтилат нахIусса генералнайту ккихъ-ккихъ тисса шатта хъусса ханссия.

– Хъинни, на зул мурад бартбигъинна. Зул къянкъашиврун ттул чулухасса бахшиш вари, – куну, генералнал немец мазрай цала чIарав бавцIуминнахъ цирив куна. Гайнналгу, царду риршуну, мукъа солдат къюкъувату буккан бувну, жул ялун бавкъуна. Гайннал автоматирттал къуннагъру щилай, жу щях тIитIи бакъин бувтунав. Щяв багъукун, чланну щилай булувкъуна. Гания гийнмай хъумур жун цаннанмагу кIулну бакъая...

Мукъулчинмур къини на ттуйна нава увкIун ияв. Ханхха мякъил ччувччууну най бия. Душманнайн я къащуншиврул яру къатIивтIессия, амма ханххиравусса кIиришиврул къиялуд щин дула куссия.

– Ма, ххираама, ма хIачIи, – кусса душнил ттюнгъасса чIу хъуна. На яру тIитIав. НакIил дурцIусса кружкагу канихъну ттула ялун къус бивкIун бия ятIулссса ххач бусса къялагу бакIрай бивхъусса чIавасса душ. Ттуща базу ссукку бан хъанай бакъая. Душнил бакIралун ка дуртун, гъазгу увну, накI дусса кружка мурччай дирхъуна. НакI хIарчIун махъ чурхайн чансса хIал бувкIуна. Душрив айтIий бия.

– На чув ура? Ина щил цура? – цIуххав.

– Нигъа маусара, ххираама, ина цIана Ленинградрай уссара. Инагу, вил гъал-махчугу жуламиннаххъун дахъвасса ссихI буну биривну бияв.

– Туну, ттул гъалмахчу сагъну урив? – учав на.

– Ур, сагъну ур, – жаваб дуллуну душнил. – ХIакъину кIюрххицIунай тагу цайна-цува увкIунни.

– Туну, ина циван айтIий бура?..

Га айтIаврил савав ттун яла кIул хъуна. Генералнал амрулийн бувну, ма утти заназу вила арщарайх сивсуну куну, никираяту ялавайсса ттул чланну душмантурал къувкъуну бивкIун бия. ХIажиналгу кIивагу я бувкун бия... Яла, ялун ккаччив бавкъуну, гайннухъ ппив бан най бивкIун бияв. Му ппурттуву жула аярал душманнайн къааххавхссания, жул аш-бакIрагу къаличIанссия...»

Ххуйну хъин хъукун, на ттула ойрчIал къатлуун кIура авссияв. Гиккугу ттух ттула дустал ялугълай бивкIун бия. Гай ттух бурган цимиилгү бувкIуна Макъсудхъяннийн. Утти, хъингу хъуну, цачIана увкIукун, гай ххари хъуна. Амма ттула даkI Макъсудхъяннийн кIункIу тIийнна дия. Хаснува Салманнуя чIявусса задру кIул хъуну махъ, гайннанийн къалавгсса къини ттущара цирив ца ххирасса зад даkъа хъусса кунан икIайвав...

Радиолувух буслай бия душман жуятува ливхъун нанишиву. Гъарца къини баян байва жула аъралуннал цу-цумий шагъурду мурахас бувссарив. Жул оър-Чал къатлуунгу ми хавардал ляличисса ххаришиву дуртуна. Ххувшаву ласун жула аъралуннан жущава кумаг бан къахъурчангү, ххуйну дуклан харачат буллай буссияв.

Ахиргу баян бувуна дяъви къуртал хъушиву. Му дия урчулчинмур майрал къини. Щалва шагърулувусса халкъ хъатлив буллалисса хханссия. Гъарца къатлувату, кИчИрттавату баллай бия тяхъасса музыкалул, халкъуннал цачу тПутПисса балайрдал чурду. Му къини оър-Чал къатлуугу жун буччиннинсса дикЧухун гъавккуригума буллуна. Гукунсса дукра хъхъичIра нажа-мажагъ дакъасса къадулайва.

Дяъви къуртал хъусса гъантрайва жул оър-Чал къатлуусса оър-Чири хъинну чан хъуна. Гъан-маччами хъирив бувкIун, ялавайми классиртаву дуклакими оър-Чири маҳъунмай бувцуна. Ца-цавайннал хъирив айскарнал шинелдавусса аранталгума бучЧайва. На шамилчинмур класс къуртал бувсса къини тПурчан, оър-Чал къатлуу уувагу арула оър-Чири ливчIуна. КИва-шанма гъантлувату гайгу шаппай бувцуна, на навалу ливчIунав. Шавайн уцинния дакIийн ча багъави, ниттин на ушивугума хъамабивтун бухъунсия.

Навалу ливчIун хъиривмур къини, оър-Чал къатлуп угъарасса директорнал, билетту лавсун, на MaxIачкъалалив нанисса автобусраву щиитунав. Хъинсса адамина ия. Ххуллийх букан ччатIул буханкагума буллуна. Автобусравату маукара куну, ттуй дюъгу дирхъуну, хъямалагу агъну, маҳъу-махъунайгу уруглай, лавгуда.

Ттухъва автобусравату маукара учирчангү, ттуща шайссияв Макъсудхъаъ барчаллагъ къаувкуну гъан. Директор ттучIатува чяни лагайнния тIий уссияв. Га янила ахълагайхту, автобусравату увкун, Макъсудхъанийн левчура. Гай цинявппа шаппа бия. Гайннал на га къини MaxIачкъалалив къаитаавкунав. Гъунттий кIюрххил, уссин ва ссин ссайгъатран муму-тамургу дуллуну, ца Салман личIаннин цинявппа бувкIуна автостанциялийн на тПайларуккан. БакIра-бакIрах циняв ттуин хъямала багъуна. Яла Майсаратлуп, хъювсулгу дурккун, куна:

– Ина ттун ттула арс куна ххира хъунна. Жу хъамамабитара. Адрес вин кIулс-кар, чагъар чилуча. Агарда инава ца захIматшивруун агъарчан, хавар бува, на дучIанна вичIан. Винма MaxIачкъалалив ххуйну къабикIарчан, ттучIан ухъху, ттул шама арс уссар, инагу мукъулчинма арсну икIан тIиссара.

Ттуща ганихъ ссихI дуккан хъанай бакъая. Ттул къонкъарах дикъарсса къур-Чи хъорт дарцIуну дусса хханссия. Ттухъ гукунсса маҳъру ганиннин щилчIав къаувкусия. Ттула иттату нанисса макъгу дацIан дан хъанай дакъая. Ганин ттула макъ ххал къахъун бакI хъхъичIун дуртсия. Майсаратлуп увкумунил жавабран на, хъинни тIий, бакI кIутIу дуллай уссияв...

2

На учIаврияту нину мукъасса ххари къархъуна. Ганил ттухъ буллалисса яхши-хашгу ялттувасса бия. Амма, кувнин кув къаккавкун шанна шин хъуну дунугу, уссин ва ссин на хъамаивтун акъаяв: куннайн куннал мажал бакъа, лавчIун, хъямала багъуна. Ттуятуssa ххаришиврул чIарату буқълай бакъая. ГайнначIа бия цамур душгу. Га ттучIан гъан къавхъуна. Тинмайгу бавцIуну, цИтI бивкIун, ккарчахъхъун кIиссагу бириян бувну, буруглай бия. Яла, уссу ва ссугу ца тийх, ца шийх щябивтун, Майсаратлуп гайннан гъан бувсса ссайгъатру бусса чантай-луп барт ттирихIуссия. Гивусса печение, кканПитIру уссийхгу, ссийхгу, кIул бакъасса душнийхгу архIа-архIалну шандарчIуссия. Жула бакъасса душнил яруннаву Никитал лащин дирзун, на ганил чаннасса кIукIлусса кIизуйх кахгу куну, цIувххуссия:

— Ина щил бура, ссувай?

Ганил ссихI дукканнин уссил ва ссил, ца зумату кунма:

— Ва бур жула ссуга, — куна. Микку, тиннай дарцIуну, жух дуруглагисса нину хIала дурххуна:

— На Никитаяту личИи хъуссара. Душмур къабулав, — ниттил пиш куна. — ХIайп бакъаяв укун ххуйсса душ та хIанттил къаллучIа къабитан.

Гава цIана ниттил мурчайсса пиш левщуна:

— На Никитаяту личИи хъуну шин хъунни, — куна ганил бяличIачIисса чIуний. Цаманан щаргума хъура. ЗахIматри оърчIру бусса хъамитайпалун адаминал ка кулпатрал ялув дакъя ялапар хъун. Амма ва Никита кунасса акъар. Цукунсса унугу, утти ттун баччи бакъар. Никитал на къабивтунна. Къабитаврил сававгу ина хъунна. Тава-тагу ина цув паракъятну къантантIиссара, угъара хъувкун, къатIув экъиличинтIиссара тIива...

Нину Никитаяту личИи шаврия на ххари хъунав. Амма уттигу алькъунппу ушиврул ттул яхI гъагъан бувуна. Ттучланма бувцууну, Никиталмур душнийн прайту куну:

— На вил хъуна-хъунама уссура. Ттуйн Григорий учайссар, вил цIа цур? — цУххав.

— Ттуйн Светлана учайссар, — куна душнил, ттуяту нач хъанай бухъунссия, кIиссагу мурчаву бивхъуну...

Жул гъалгъа комбинзондалуву ялун увхсса адаминал бяличIан бувна. Га ххал шайхту, уссу ва ссу ганачIан левчуна. Бувсуну на увкIшиву.

— Гъаксса хъинни, мяммалхъул, — куну пиш-пишту тIий, адаминал ттул хъхъичIун цала хъуннасса ка дургъуна:

— Ттуйн Михаил учайссар.

— Ттуйн Григорий учайссар, — на ганал ка дургъунссия. Ганал дия къурттарисса, цIакъ бусса ка. Ганзесса кIиссурттал лякърайту тIувтIу багъну бия.

— На заводрай муухал усттарну зий уссара, — куна Михаилу. Чарчан на вингу лахъхъин данна ттула сянат.

— Сянатру яла лахъхъин дулланссарача, дякъавай дурча, бачияра цал дукра дукан, — куну, жул ихтилатравух нину хIала дурххуна...

Дукрагу дуркуну, увхсса Михаил тамур къатлуву чул бан лавгуну. Га лагайхту, ниттил ттухъ куну:

— КIулну икIу. Никитал на къабитаврил савав най бунавасса вил ганачIансса вихшала дакъашиву, га къаччан шаву хъущиву. Мукунсса зад ччяни хъамакъабитайсса бур. Никитащал тIурчан ттул тяхъашивугу, ххуйшивугу, дакIгу ларгунни. Утти ганащал куна Михаиллущалгу ятсса инсаннащал куна гъалгъа матIра. Ва хъинсса инсан уссар. Мяммай улуча, хIурмат булува, ваналгу вин обала къабантIиссар.

Ниттил ялагу Михаиллул хъиншиврия, ххуйшиврия тамансса цIарду дуруна. Михаиллугяту цIарду дуллай дуна, Никитагу хъамакъаивтуна. АцIния кIира шин хъусса цила арсная нач-ламус къабувну, Никита цина хъинну чай икIаврия ци-милгу кIицI лавгуну... Ахир, ниттища цила оърчIахсса чаву цама адаминахсса чаврих даххана дан буюхъайссарив? Утти ттун бувчIуннихха мийннул цинмацинмасса кюртти бушиву. Циванни ниттища уттигу Никитаяту личИи шаву бухIан къахъанахъисса? Гания цуга цала хъхъичIисса щарссаничIан лавгун ия. Цинма тIайлабацIу къашаврил савав циванни на уллалисса ниттил? Мунияту духъунссия оърчIал къатлуусса чумал га ттучIан цалагу къадуркIиссагу...

Га чумал ттун къакIула Михаил ххуйссиавгу, оъккиссиавгу, ниттил бусласи-мунийнгу вих хъун захIматъя. Никитан чимур бан ганил на оърчIал къатлуун иян увунав. Михаиллул цаний хъунмургу къакIула. Я ганайн «мяммай» учингу къабюхъанссия.

Ттула оърмулуву чIявусса ишру хъуссар къаччан бикIансса, амма оърчIал къатлавату цичана увкIун хъиривмур кыни ниттил ттула къюкIлий дурсса ххарци уттигу хъин хъун дураг.

Га дия базар кыни. Михаил кIюрххила ивзун, балугъру бугъай ххалаххигу лавсун, хъхьирийн лавгуда. Нинугу, ттуй цабяла буюрдугу бивхъуну, базаллу-вун ларгуда. Нагу, ниттил ттуйва бивхъусса циняв бигардугу биттур бувну, рязи хъунссар тIий, га дучIаннин ялугълай уссияв. Ахттайн бизавайсса чIумал, чIапагу муму-тамунил бувцIуну, зана хъуна. Хъулух жу шамагу ганищал хъунабавкъусси-яв. Ниттил ххирагу бувну, кIивагу ссин ва уссийн ца-цаннан ца-ца булка буллуда. Яла, цила каруннивун ялугълагъисса ттул иттавгу дурургун, куна:

– Ттун ина хъамаивтун ияв, уттиний вингу ласунна.

На зумакъа�хъра. Тукунssa тIул дурссия ца чIумал Никиталгү. Ттунма къаччан бивкIшивугума кIул къабав. Нину къатлавун дурххуна. Жу мукъагу хъулух бав-цIунма ливчIру. Жагъ цала канихъесса булкардах, жагъгу ттух буруглай, бавцIуна шамагу. Цанналагу гайннуйн къацIгу къаувкуна. Цуксса къянкъа дуллай унугу, къащи шаврил ттул иттату макъ лирчуна. Му хIисав хъуна, бачIи-бачIив бувхъун, шамунналагу ттул хъхьичIун булкарду бувгъуна.

– Ттун ишттахI бакъарча, зува букияра, – куссия на, макъгу лирхъуну, гу-жираи пишгу куну. Гайннал тIулул ттул дакIини вун чаннал тIиму дуухан дурсса хханссия.

– Ина къабукарчан, жунгу къаччу, – куна гайннал. Чара ция, гай рязи бан гъар-цанналссанния ца-ца хъис куссия. Ттун ниттил ттунма булка къабулаву бюхлай бакъаяча, ганин нава хъамаитаву бюхлай бия.

Ахттакъунай, цаппара чавахъругу бувгъуну Михаилгү зана хъуна. Къатлавун уххайхту, хъхьичI ттун, яла гайминнан – ца-цаннан ца-ца шоколад дуллуда. Яла, ттул хъачIрайх ка дуртун, цала чIарав дивандалийгу щиявтун, куна:

– Личишиву дакъассар, на ва къатлавун увкIун маҳъ ина ттулгу арса. Ттуяту ливчуну маҳъ кулпатралсса бан багъаймагу инара. Адамина ичIува – къатлуд уттуссар, уттуссаннулли магъигу духIайсса. На оърмулуву тамансса захIматши-вуртту бакIрачIан дуркIесса инсанна, мунияту духъунссар инсантурал тIул-тIаби-альтту чияни дурчIайсса. Жува кIулну нюжмарду къархъунугу, ттун ина увчIунна. Машаллагъ, гъаксса духIин дусса оърчIура, – ганал пиш куну. – ОърчI акъара утти ина, чIава жагъилла. Айгу мадара на укун учаврийгу, вил нину вищал муксса хIала-гъурттуну дакъар. КъакIулли, бюхлай зу цаннан-ца къабувчIлай бикIангү. Цаннан ца къаккаклай шиннү лях ларгуунгу, цанная ца ябуцсса кунма чIалангү бикIайссар. За бакъассар, чIумул цимурца цила-цила кIанттай дишинтIиссар. Ниттин оърчIигу, оърчIан нинугу къаххирану къабикIайссар. МюрщиминначIан куннасса ттюнгъашиву вичIан айкингу дакъассар. Адамина кусса мукъуву чIярусса мяньнарду дуссар. Ттул мурад вияту цайминнан цала хъурдай учинсса адамина шавур, – Михаил чансса хIаллай, цирив учин чай уна, учин къахъанахъисса куна авцIуна. Яла ттул иттавгу урувгун, куна:

– Вила дакI диярчан, ттуйнгу «мяммай» учин бучIиссар. Мугу яла та-буну-гу.

Тайламур бусан, га кыни Михаил ттун ттула яла вихшала дума цIимилюл чув куна чIалан ивкIуна. Ганал ихтилатту хъинну мяърипат дусса бия. Гъарца увкусса маҳъгу дакIихтунусса бия. ОърчIал къатлавату цила канилун увкIесса арснахъ ттул ниттища къавхъуна ттуда гъан-мачча акъасса Михаиллуд увкумур учин. Гания маҳъгу Михаиллуд ттущалсса багъу-бизу хъунасса адаминацдал кунмасса бия. Цала ца даву дан нанийни, ттущал маслихIатгума буллан икIайва. Чансса на пашманну ххал хъурчан, дакI хъунмур буслай, тяхъа уккан айвав. Ганал ва ттул дянив буттал ва арсал дянив куннасса тагъар дия. Амма, циванъяв къакIула, учин чай мазрайн бивну буна, ганайн «мяммай» учин къашайва. Мукунсса

пикри шайхту, гъарца мудан Никита хъхьичІ ацІайва. Ттуннагума хІисав хъуна, Михаиллущал дус хъуну маҳъ ттула хасиятгума къянкъа хъуну, цила икІайкунсса адаминал күщувун нава ухлахишику. Ниттилиив ттух вари чинсса къулагъасрагу къадайва. Так ци-дунугу дува учин, бигар бишин аркинсса чУумал акъасса дакІнийнагу къаагъайнуккивав. Му ишираяту Михаилгу рязину къаикІайшику чалай ия.

Михаил ия оърчІ бакъу. Ца бунугу лякъул оърчІ хъунссар тІисса пикрилий, ганал ганиннингу кИира щарсса дурцуна диркІун дия. ОърчІ бакъу унутІий кІиннилагу къаивтсса тагъар дизлай дия. Ттун тачІав гаксса оърчІру ххирасса адамина къаккавкссар. КъатІату шавайн нанийни, жун дулунсса зад канихъ дакъа къаучІайва. Жу бакъасса, чАхху-чІарахнал оърчІругума ххира буллан икІайва. Га мудан жул ялун задру ларсун укІлай уну тІий, нину, валлагъ, ина оърчІру хъиннува дядалан буллай ура тІий, арцу харж дуллалаврия рязи дакъа дикІайва. Му чУумал пишгу куну, хІалинсса чУуний Михаиллуп учинтІиссия:

– На ттунма къалиян ласунсса, пиволул кружка хІачІансса арцухри оърчІан тІис-хъис ласайсса. Ина ци тІурчанг, ачІа вайннал ялун учІан къашай. Жува-личи ссаха, щихару зузисса? Вай мукъа гадри кунмасса оърчІаха бакъарув зий-захІмат буллалисса. Жунма чув ци хъувив къакІулссар, ттунма ца къахъунмур хъурчан, та унугу вайннал дакІнийн утантІиссара, алья баннывагу учинтІисса бакъарив.

Даврияту увххун увкІмур чУумалгу, жугу цала лагма лаган бувну, Михаил мағъри, хъянсса хаварду буслан икІайва. Бигъалагай къинирдай тІурчан, жугу бувцуна, шагърулувух гайз буллан лагайва. Цал буцайвав кинорахун, яла цІуххайва жун чун гъан чай буссарив, жун ччимур бугу-байва. Ца кыни, мукун гайзгу бувну, ахтакъунмай шаппайн кІура бавсса чУумал, ябакІгу бувтун, ниттил Михаиллух куна:

– Вин на лапва хъамабивтун бура. Чиви оърчІ куна, мийннащал тІуркІу тІун бириярчан, игъалагара. Ми оърчІругу нарихха бувсса, ттухгу чанссарагу къулагъас дан къабучІиссарив? Нагу жагъилсса хъамитайпарахха, ттунгу чган бикІайссар ласнащал шагърулувунгу буккан, кинорахунгу гъан. Цайми халкъ, даврияту бувкІукун, шагърулувунгу буккай, кувначІан кув хъамалугу лагайсса бур. На тІурчан, бакІлуттиравун бувхсса щира кунма, къатлувух щурой бикІара. Ча дуккайриву къакІулли, дансса давурттиву чан къашай. Вингу, туну кумаг бен ча дакІнийн багъанссар.

– Кинорахунгу жуштал архІал гъан бучІиссар, оърчІругу бувцуна, шагърулувун гайз бангу бувкун хъинссар, амма, мюрщисса оърчІругу шаппа къабивтун, жувалу хъамалу заназаву къахъинни, – Михаил хъян ивкІуна. – ОърчІругу, туну, вил бунутІирихха ттун ххирасса.

Утти ниттил симан чанна дурккуна. Цила пиш жун ххал къахъуншиврул ттиликІ дуртуна.

– Вила пиш жун ххал къавхъусса ххайвагу бакъаров? – куну, Михаиллуп, ка дургъуну, нину жул чулухуннай дурган дуруна. – Дъявайсса чУумалнияр пиш тІутІийни ина ххуйссса бикІара. Ялагу, ттул хъунмур оърму лякъул оърчІах мякъну лавгунни. Вайгу бур жула оърчІру. Даврияту нанинигума, чувчІав аглан къавхъуну, шавайн учІан чан бикІай, вай буну тІий.

Михаиллуп маҳъру ниттин хъиннува тІааын бивзхъунсия, жух пиш-кышгу тІий дуруглан диркІуна. Наварив, ниттил пишлийн ябияххту, ххарил леххавай ливЧра. Ххари къавхъунугу икІанссияв, цими шинъя нину ттух гукун пиш куну къадуурргун. Га хъхъуну ттун царай караматсса макІругума кқаклай дия. Нава хъунав ниттишал тІутІайх бивчусса цУлитул мурхъирдалух чуннив най. Жул ялун цУлитул тІутІал гъарал лачІачІисса хханссия. Ттул ка дия ниттил каниву чУувин дурну. Ца мурхъиралу хъунабавкъуна мурхъирал мархравату къявша тІисса щараци. Ттун щин хІачІан чан бивкІуна. Му хІисав хъуну, ниттил щинал

кИяма бувцуну, ттун хIачIан щин дуллуна. Яла гай щинай цила ттюнгъасса каних ттул лажингу шюршуна. Га багъравату бувккукун, хъхьирил зуманицIух бавчуру. Хъхьири муксса пахъ багъну бияхха, хъюру-хъюрухъру багъсса щатIив дахъва сукку тIий бия. Гикку бия ца бяла инсантал. Гай, яннардугу лирккун, кIириssa къундалий уттугу бивхъуну, цала чурхру бургъий сасан буллай бия. Кувгу бия паракъатсса хъхьирил щатIай гъузуй, оърмулуп бугъарасса къужри, зуманивсса чарттайгу щябивкIун, балугъру бугълай бия. Зуманияту чансса архну, тихуннай ва шихуннай лерххун нанисса кунна, занай дия мотордайсса къаяхъру. Ца чумал га ца къаяхъ, тиха ва шиха щатIивгу бизан буллай, тIайланна жучIан ссур хъуну дарчуна. Гъан хъукун, жун увчIуна къаяхърайма. Га ия Михайл. ДацIан дуруна къаяхъ тIайланна жул хъхьичI. Ка дургъуну, нагу, нинугу цала Чарав щябивтунав. Къаяхъгу ссур хъуну хъхьирих тивуннай дарчуна. Хъхьирил зума жуяту хъинну арх дурцуна. Инсанталгума мюрщи оърчIруксса хъуну Чалай бия. Нава хъунав уттинин ттунна къаккаркса альаматирттай тамаша буллай. Мичча-тичча тIиркIа тIий, ссукIа ххяхлай бия хъунива-хъунисса чавахъру. Гайннул щотIлиха лавхъхъусса Чурдугу байва. Ца чумал ца ххялтуйн къаяхъ щуну, на чантI увкунав.

ЧантI учайхту, яру тIитIав: ххяххабургъиль нур дия кIичIравунмай бивхъусса жула Чавахъулттиву хъатлувун дурххун. Ттула Чарах уттубивхъусса уссу ва ссурвал, ттула ялтту чланнугу бивчуну, магъмунну шанай бия. Гай чантI учин къабаншиврул на хъунмасса хIаллай базу сукку къабувсия.

Жу чантI учин къабаншиврул, хIаллих нузгу тIиртIуну, тамур къатлувату Михайл увкунава. Га зузийни лаххайсса янналуву ия. Ганала хъирив дурккуна нинугу.

– Ттуйн къяччан бикIлай циван ура, – куна хIаллих ниттил Михайллухъ.
– Ттун-личIи ттула лякъулуп оърчIан зарал хъуну чай буххурав.

– Ттуща ина тIутIимуний рязи хъун къахъунссар. Чурх нанисса, ттаркI къянкъа хъун увасса оърчI захIматсса даврихун утан къабучIиссар.

– Гъайгу, дайгу захIматсса даврихун утаннту тIий бакъарахха нагу, – куна ниттил. – Цала гужираха лархъхъусса даву лякъинну. Ттун къакIулну бурив къинирдал ца къини вил ниттил ва ссурваврал учинтIимур. Валлагъ Клавал жул Михайл цила мукъа оърчIаха зузи увну, айплу авай ур учинтIиссар. Ца къини хъунабавкъусса чIумал вил хъунмур ссил увкумур бухIан хъанай бакъара.

– Ганил вихъ цива-ци увкуна, муксса бухIлай бухIан къашайсса?
– Ци учиви, дигъя ларграв, ххаллилсса адамина иривну, лякъав вила оърчIал чютIлуха зузи бансса ттукку тIива.

– Ттун ми айкинсса хъаниил варсагъру бакъар, – куна Михайллул, кагу галай дурну. – Ина буциннинг кIулссия ттун вил мукъва лякъулуп оърчI бушиву, ттуннагу миннал пpushиву дан айкиншиву.

– Ити оърчI зун, цанма букансса ччатIухсса, лаххансса янна-уссахссарагу лякъинхъуви, – куна ниттил, чIугу хъиннува лагъ бувну. – Ялунагу савсъесса, инава куна, захIмат ххирасса икIантIиссар.

– Ттун гъарца зад бувцIай бур, – куна Михайллул, нузачIагу авцIуну. – Вийнма ттулминннал учинсса мукъурттил хъхьичIалу къукъин, щаллусса шанна шинай винавагу къаккавкссса, дахъя ичIунай кIура авсса оърчI уттигу виятува арх ан чай бура. Ттуща вихъ оърчIал чулухунмайсса зад къянкъану я бува, я мабара учин къабюхъанссар. Ттухъра мукунсса ихтияр дакъашивугу кIулли, ина бура вайннал нину, на цIанинсса айвкъунппура.

Ттунма бавмунил на ццах учин увунав. Дякъиль хъхьичIух варси бугъайсса кунма, та чIумал Никитал гъанминннал цийнма махъ къаучиншиврул щаллусса шанна шинай хъхьичIа укъан аву къагъану, утти Михайллул ляхъиндадул учин-тIиссарив ягу къаучинтIиссарив къакIулсса мукъурттил хъхьичIалу къукъингу на чун гъан ан чай дияв къакIула. Ттуйва ттунма муксса цIими хъунахха, къума

лагаврил, шанаши мишан дурну унугу, лавкъусса яруннива макь лирчуна. Къат-лувух муму-тамур дуллай заназисса ниттин ттула макь ххал къахъун на ттула чиарав уттуивхъусса уссил чулухунай къура авра. Га муксса ттюнгъану шанай ияхха, къюрххила къатпув чев-чев тисса лелуххантгума га шанаши ан макъанну дурцусса хханссия. Ганал гъилисса, къукълусса ссихи ттула симандалий щувкун, на чансса рахъатгума увккунав. Амма даки дия, уттигу ина миннаяту личи авай урахха, яла ми къаккаклай цукун ацланна тий. Уссийх кагу дуртун, шанай бия Танягу. На гай къиягу ттучланма чувин бав. Хъабакъисса ссу бунугу, Светланагу ххира хъуна ттун. Гагу ччай бия ка дуртун ххира бан. Так канил къисри бакъасса, ганил хъачирайн биллай бакъая. Хъакъинува нава гайннаяту личий ансса куна чалай ияв...

Ахиргу дуркъуна му ссятгу. Га чумал на уссияв хъаятраву тъама гъагълай. Нину, чурттурдайту щядиркъун, ттух тамаша буллай дия. Яла пишту куну, дирзун, ттучлан дуркъуна.

– Машаллагъ, ттул арс, – куна ганил ттул ненттабакъисса гъухъгу цила ча-лагъайлул ланттулух лирхъуну. – Хаварвагу бакъанма вияту чава жагъил хъуна ивкъун ур. Ттула чиарав ацланнса арс хъуна маҳъ тти ссалчлав пикри бакъар.

Гай мукъурттил ттул дакиину ххаришиву парх учин дуруна. Ттула канихъесса рикъгуна пирпилу хъусса хханссия. Тланнул щалва чула мицъ хъаллай игъакъалавгун къукъин хъуна ияв. Къуркъуми тъамагу къатталалун дурххуну, на ниттичила чурттурдай щяивкъира. Ниттилгу лаххъу-царххъува байбишин ччисса ихтилатрал зума ттирихъуна.

– На диркъисара ина чивина усса ххай, – куна ниттил ттул хъачиунттайх кагу дуртун. – Ина турчан, хаварвагу бакъанма, хъуна хъуна ивкъун ура. Тланнуйх ришашиssa рикъирайну бувчъунни виву хъуна чувнаву кунмасса цакъгу бушиву. Вих дуруглагийни муксса ххари хъанай диявхха, ва дунияллий нараксса талихи бусса нину цамур дакъасса ххива. Амма, ттул арс, хъуна чувнаяту хъуннасса тъалавшиннагу дикъиисар. Щана ттущагу вищал хъуннасса арснащал кунмасса маслихъат бан буюхъансар.

– Циванин къабюхъайсса, утти на гъарца ишираву вил кумагчи хъуннахха, – куссия нагу, ххаригу хъуна.

– Винна ларххъусса ца даву лякъирчан цукун хъунссия?

– Гъакъесса хъинну хъунссия, – учав на хъинну ххаригу хъуна. – На даврияту нигъя услай акъара. Ччарчан гъунттийва гъанна Михаиллущал заводраву зун. Школалийнгу къагъанна. Пиша лаххъинна, арцу ляхъланна, яла вин зуннагума аркин бакъассар.

– Хъинни, ттул арс, – куна ниттил ттул къанчлуйх куклуну кагу ччех диртун.

– Шинну диял къархъуну тий ина заводравун къамул къаантиссер тий бухъурча, цамур даву лякъинну. Пикри банну, Михаиллухъу чууххинну. Михаил хъинну дустал, гъалмахтал чъявусса инсан ур.

Ниттил нахъуну бувсса ихтилатрал, ттула къанчлуйх куклуну дуркъесса канил ттюнгъаншиврул ттул дакиинувун дазу дакъасса ххаришиву дуртун. Ганиннин хъумур, лавгмур, гъарцазад хъама битан бувуна. Ахттай маҳъ гъарал сив-сив тъун диркъуна. Уссу ва ссурвалгу шанаши бувну, нава тивтисса чавахъулттил хъиль-ичи гу шяивкъун, къичиравун уруглай уссияв. Гъарал атил бувсса чарил къичири ттун ляличиинува ххийну чалай бия. Га къичиравух тиху-шихунмай анаварну нанисса халкъгу ттула гъан-маччасса инсантал бусса ххай бия. Сив-сив тисса гъаращал дуркъесса дюхлупул лагъесса щурцулул макъан, ттухъра балай тисса щалла тъабиаутрал чурду хханссия.

Къакъула укун щяивкъун цукъесса чун ларгссияв, заводрал бивщусса гудокрал чу хъуна. Микку цакуну хъхъичи авцъунав хъхъичи-хъхъичи мур харжигу лавсун заводравату нанисса нава. Най ияв заводрал зузалтравух. Харжи бивхъумур жип

Түрчан, күнү дия. Цакуну я тайла бавцүнү тучандалий. Гивун бухлай, буклай бия чиявусса халкъ. Гайннаву бия ттушала заводраву зузимишту. Увхра анаварну тучандалувун. Гивусса къай-къуй ххал хъувкун, яру гайннүүх лечлан бивцүнү. Ца чулух дия сунттүл яннарду. Гикку дия хъаниил гъухъри байссагу. Цирдагу ранг-рангсса: ятүлсса, къяласса, някисса. Ххий дирзуну някимур сунттүл янна. Дуца учав ттучанчинах ттул ниттил яла ххиймур гъухъя буккануксса. Гацана дурцууну, дуллунни. Була учав гъухъул лултту лаххаван нихъри лахъесса, лухисса, исвагысса ттуплиггу. Ласав къивагу ссин гъухъри бансса орчисса читлил яннагу, уссингу ласав батинкарду. Луглан ивкіра Михаиллун ласунтимуних. Ца эмаратсса жипливи дишай чиллуй я бавцүнни. Ласав тагу. Авчурда шавайн. Ликри дия щав къалаллай. Увкіра шавайн. Булав циняннан цанма-цанмасса ссайгъатру. Ххари хъунни циняв. Най буна лавххунни ниттил лухисса ттуплиг чаннайн. Гайннүүв га ссиху кунна чалан диркүнни. Ххарил леххавай бия гъухъри бансса янналияту ссурвалгугу, уссаяту уссугу. Яла-яла чила цахъхунна дуллукун, Михаиллул, чүүвин дурну ттул кагу дургъуну, куна:

— Хъунмасса барчаллагь, ттул арс, ва вил хүрмат на тачлавгү хъамакъабитанна. Чилагу ца хъунмасса ххазнану нава сагъну уссаксса жиплива хюра къаданна.

Укунгу куну, Михаил хъювусул увккуна. Яла ттуйн хъямала агъуна...

Укунсса нацүсса хияллаву лавгуда цаппара гъантри. Ялугълай уссияв нава Михаиллущал зун ачинтисса къинилүх. Амма Михаил му къинилия ссихи дуклай акъяа.

Ца къини цайми чүннардинир ччяни на ниттил чантү учин увунав. Гукун ччяни изан увссияв ниттил нава орчал къатлувун иян ан нанисса къинигу. Мундияту нигъагума увсра. Амма нину ттухра пиш тий дуруглай ккарккуун, даки рахлат дурккуна.

— Изу, ниттил, ина хякынуну даврийн наниссараба, изу, — куна ганил, ттухгу тяхъану дурургун. Мунихва ялугълагысса нагу, зирангну давай ивзун, анаварну ялув янна, чаннайн усру лахлан ивкіра. Ботинкардал хъхьару букилакийни къатлату ялун увххуна Михаил. Ттун ганал симандаливу цайми къинирай куннасса тяхъашиву къаккарккуна.

На ганахъ ивзрав учав. Ганалгү ттухъ ивзрав куна. Яла, цирив цүүххин ччисса куна, ттухгу урувгун, лавгун, чавахъулттил хъхьичүх лавай авцүнү. Ялагу ттул чулухунай къюра авуна.

Ттун бувчлай бия га ттухъва ци бууну ца зад цүүххин ччай ушиву. Цүүгү-цүүххинсия, агар мув чүумал тамур къатлувату нину ялун къадурхссания.

— Бачияра къорххилсса дукан, — куна ниттил. — Хякынуну на зун цүдикүхун гъавккури бав.

Михаил ссихи га къадурккун, ниттил хъирив лавгуда, нагу кару шюшин ларзулун увкра...

Къорххилсса дуркуну маҳ ттухъхун ца буханка ччатпул бивхъусса чантай буллуну ниттил. Ганихун балугърал консервалул банкагу дия.

— Михаил учантиссар вищал вин инава зунтисса кълану ккаккан бен, — куна ниттил. — Та адаминал бува кумургу бувнү, вищара дан шаймургу дулуга. Лажиннарайн маацара. Винма пиша лаххынсса хярачат бува.

Ттун къакыла га адамина цуяв, нава щича зун, чун наниссараб. Ттухъхунма буллусса чантайлуулгү ттувун нигъ дутлай дия. Даврин нанийни, ниттил я Михаиллуххун къабулайва гукунсса чантай, я цихъхунма къаласайва. Бюхъай шагъруул зуманив бикълан нава зунтисса кълану, гъай-гъай дукра дукансса къланугу тикку бакъахъунссар, мунияту буххунссар ва чантайту ттухъхунма буллалисса учав на ттухъва нава.

— Нигъя мадусара, та адаминахгу вичи дирхуну, тунма ххийсса пиша лахъ-

хынна, – кувқун нину хынну ххари хуна. Дарвазалухун дияннин жу тайла букингума дуркына. Личи шайни хъяллагу дагъуна.

Михаил бакыту хъьичиун дуртун хъьичиң най ия. Нагу ттула азихъ бусса чантайгу хъарайх бившуну, ганал шаттирай ша бизлай най уссияв. Цайми кынирдай гукун архыл нанини Михаил тяхъану, хъянса хаварду буслан икайссия. Хлакыну ссихырагу дуклай акъая.

Бигъя лагай кынирдай Михаилгу нагу лагайссияв Каспи хъьирил зуманивсса күннттайгу щябикын, балугъру бугълан. Шивисса бунугу къармахрахун балугъ биривтари га чили ойрхы куна ххари шайва. Хъиннува тайлабаңу хъусса чумал ганал учинтиссия:

– Ина, Гришай, барачатсса инсан ура. Ттун хисав хъунни ина хунаавкъусса кини даву лядуккай, уххавугу къадиклай. Вих ойрмулову хъунмасса талихы ялугълай бикантиссар.

Ганал мукун учирчангу ттучын талихы най бакъая. Ттул талихы Никитал ва ниттил бявкъин бувну бия. Ттучынссса ххуллуу талихыран ляхълай бакъая. Хъьичиң заманнай ца хъунмасса танмыхы хуна шяравту уккан увсса инсаннал ойрму кунма, ттул ойрхышивугу гъурбатрай най дия.

Шагъулул зуманивсса ххуллул шанбачылияту автобусрай щябикыру. Ссят ххишалагу хъуна жул га автобусрай най. Яла ца ахъулссаннул мурхырдавун дахъларгасса шяраву ливкру.

Михаил хъьичиңу жу ца ххюлул бавкъусса кичиравух гихунмай бавчуру. Михаиллул ялагу ттуху ссихы къадуркуну. Так мадара гихунай хъувкун, ттухъссса чантайгу лавсун, ттул хъачыннайткайх ка дуртуна. Ттула хъачыннайткайх дуртсса ганал күсса канил на рахыл увунав, хъунмасса халлай га ка къадукъайнния тийгума уссияв.

Га кичирия къуртал шавайссса чумал, жу ца хъунмасса хаят дусса канттайн бувкру. Га хаятраву дия ппив дурсса ца трактор, гиккура дия цаппара кутанну, хъарасру, ялагу муму-тамур.

Хаятрап ца чулух бия пуркырал чиртту лухы лаган бувсса лахъ бакъасса къатта. Гива баллай бия маҳ датлатисса бурглил ттявхъ-шавхълил чирду.

– Вин ва кынану ххуй бизлай бурив? – цувххуна, ахиргу ттуху Михаиллул.

– Гъакссагу ххуйссса, мурхырдавун дахъларгасса шяравалу дур, – увкуссия на ххарину. – Жула шардалличынту гъансса шяравалу дур.

– Ва шяраву зунтиссара ина. Щана на ина ттула ур чинсса вихшалачунашал кыл анна, – Михаил бурглил чирду баллалисса къатлучын авчуна. – Га ххуйссса къужа уссар. Халлилссса муҳхал усттарди. Ганал вин цала сянатту лахъхин дантиссар, цала лякылуп ойрхы куна, угу-ургантиссар. Так бизар машара. Чия-ччяни жугу бучыланну вичын:

Цакуну ттул чурхавух бявкъусса зурзу бувххуна. «Чия-ччяни жугу бучыланну вичын» тисса маҳъру ттула кьюклийн бивтсса ккулларду ххива. Къакыла ттула ранг даххана хъуссияв, ягу ттувумур цанма бувчуссияв, лахъисса ссихы бивгъуну, Михаиллул куна:

– Яхы бува, ттул арс, вийгу дацантиссар ца ххуйссса кини. Шивиний захимат ккавкъасса адамина ойрмулову шавхъусса, виричувсса икайссар. Мукунссса инсан ойрмулугу шяв къаутайссар. Вища шавайгу занан къахынтыссы. Вин гъанну чалай бунугу, ххуллуу архссар.

На ссихы дукканнин жу га къатлуп хъулух хъунав. Гива жул хъунин кылашул пуркырал ва кислотылуп къанкъ рирщуна. Къатлуп ца мурциув бия хъунмасса пурш. Гъартасса ужагърайссса кавзлий дия ятчылгы ларгасса ганзасса маҳ. Пурширал вамир чулух дачи айрещарувун кытчын дурсса лурзи муҳхал тих ва ших бавчыну, зий бия кия адамина. Га ца ия хъунисса ссирсиртту, чал хъанахъисса лахъ

бакъасса чири бусса. Ганан кумаг буллалиманан түрчан, хинну духьурчан, ацИния майра-кьюра шин духьунсия.

– Ассаламу алькүм, Махаммад! – куну Михайллүл къатлуун ша лавсун. Жу ххал шайхту, дуллалисса давугу дацлан дурну, ойрмуул угъарама, каругу хъхичтүх дахылийх дуклай, пиш-пишту тий, жучлан увкIуна.

– Ба алькүм ссалам, Михайл, ина жучлан укканъяя? – хъхичи Михайллүл, яла ттул ка чиувин дурну дургъуна.

– УвкIра нагу вичлан ца мурад бартбигъа учин, – куна Михайллүл, ттухгу урувгун. – Туну, буси, вила цүллү-сагъшиврүл ци тар, кулпат мадарану бури? Инаварив хиссагу аххана хууну акъара. Дахъра жалин дурцусса наврузбаг куна ура.

– Инагу чаланну аххана хууну акъара, уссу, гава Михайл ура, гайва хъярчругу мазрайва бур. Аххана къавхуунугу акъахъунсара нагу, шиннугу мадарасса ларгунни. Усса ца арс, мугу дяявиллийва ливчица хавар бувкIшиву винма цүлссархха. Му иш къавхууссания, на тачлавгу хуунав къахъунсияв. Му къашилул навагу увтунна, щарсагу цүцаврил дугъан дунни.

– Лавгмур дакIин буттай утти пайдай бакъассар. Къянкъа дува. Щин цүлссар, ливтүссар тий, хавар бувкIун бивкIимгума зана хъанай бурхха. Балики вичлангу ца кыни мукунсса ххарисса хавар бучлан.

– Уттинин гъаксса ялгылай уссияв, ттула нава хъяртин уллай ивкIун ура. Дяеви къуртал хууну шин ххишалагу хуунни, бучлан бумигу бувкIунни.

– Къянкъа дува. Ци банну туну. Ялун бивсса ойбалагу, хъинбалагу бухланнса цүллүшиву дулуннав жуххуунна. Ттулгу хуунама уссу зана къавхуунни. Шанманятингу маҳъ ливчиунни.

– Ва вила уссил ойрчири? – Махаммад ттух урувгун. Яла пишту куну, ттул бакIрайх ка дурккуна.

– Ва, уссу, ттул арси, вичлан вила сянат лаххын дува учин увцуну увкIра, – куну Михайллүл.

– Тун күлссаксса, вил ойрчи бакъассия. Ярч, ваксса хъунасса арс унаяв, ттуяту кюолтI уллай ивкIесса? АцIу утти ттул щарсанил ликкансар вил бакIраяту бурчу, цихъва щялмахъ буслай ивкIун тий, – Махаммад хъиннува ххари хуна.

– Машаллагъ, ххуйссца чава жагъиль хууну ур.

– На цусса кулпат бувну күлчинмур шинни. Утти вай ттул мукъа уссар. Кийя арс, кийва душ. Гриша хууна-хуунамари, – Михайллүл на цала хъаралун авкуюнав.

– Шикку жува циванну бавчтусса, чана хъамалу хуун шаппайн гъанну, – Махаммад цаятура хъхичтүх дахыу ликлан ивкIуна.

– Шаппайн гъансса чиун дакъар. Ттул вищал бансса ихтилат буссия. Ачу гъавалийн букканунча.

Михайлгү, Махаммадгү муххардил хялтталу хуусса азварданувуух лавгун, ца муххал чүлтүүтүү щабивкIуна. Ттучлава ихтилат къабарчангу, ттун бувчлай бия Михайл Махаммалхү ттуятува гъалгъа тий ушив.

– Гришай, ттул арс, – укун байбивхуна утти Михайллүл цала ихтилат. – Ва Махаммадлүлгү, нагу тамансса шиннардий цачIу ччатI бувкүссар. Цаннайн ца хъинну дакI тайланугу бивкIессару. Вил ниттин хъинну чай бия вин цумур-дуннугу ца ххуйссца сянат лаххын дан. Гъаксса чиива ина жучлану, амма, шиннү диял къархууну, заводравун къамул ан най бакъая. Мунияту ва ттула уссу кунасса инсаннайн ина аманат уллай ура. Чувнияргу вин шикку хъинссар, ттулагу дакI пракъатну дикIансар. Балугъравун ияннин муххал усттарнал касмугу ларххууну, зунссара. Ва ххуйссца колхозри, маэшат хъунтIиссар. Так ва Махаммадлүл увкусса күцүй къуццу тутIу. Тун цүлли ванал вин хъинмур бакъасса къабантIишви. На увкумур вин бувчларив?

БувчIунни учирчангү, ттуул къюнкъарах щингума дацIанссия.

— Ттуул я арс, я душ бакъассар, — куна MaxIаммадлул ттухь. — ТтучIава зий уссаксса ина жула арс куна икIантIиссара. На вияту ххуйсса муххал усттар анна, дурсса даврих ттун кунна вингу захIиматрал къинирду дикIантIиссар. Лагма-ялттусса колхозирттаву жул колхоз мадара ахIвал бусса колхозри. Къинирдах та-мансса бакIахъия дияйссар. Винма ккаккантIиссар, инакссагу, вияр мюрщиссагу орчIру буссар колхозраву зий...

Михайл, MaxIаммадлухъгу барчаллагь куну, махъунай ачлан ивкIуна. На га тайла уккан лавгра. Мадара кIихунмай хъусса чумал, Михайл авцIуна. Ттуйн лажинну кIурагу авну, ттучIан ка тIиртIуна.

— Барчаллагь, ттуул арс, ина зана икIу, на машиналул ххуллийн уккавай ура. Амма ттуйн дакI мадугъара... Ойрмулут вихъ гъэрцазад цила бусантIиссар.

ДакI къума лагаврил ттуща цичIав учин хъанай бакъая. СсихI дуккарчан, ттуща айтIаву итххяххан най дия. Амма ганал иттав урувгукун, ттуща айтIаву дугъан къархъуна. Ттунмавагу хавар бакъанма ттувату ливчуна:

— Мяммай, утти ина ттучIан та учIанна?

Ттуул ка вив ларьсса Михайллуул хъуннасса, къянкъасса ка цакуну зурзу тIун диркIуна. Яла ттуул иттав цИтI ивкIуна. Ттун хIисав хъуна ганал мурцIуиттав мукъал кIунтIру хIасул хъушиву. Яла лавхIуна най, ттуул хъхъичI къис ивкIуна.

— Ина ттухь мяммай учав?.. Миннатри, цал уттигу тикрал бува мува махъ, — га ттуул мукъал бявххун наниssa ярунниувун, цИми чIатIисса куна, урувгуна.

Майжаннугу, га махъ ттувату гужирай къабувккуна. Цийва цуппа дакIинивату бувккуна. Утти га махъ ттуща циняннан баянну азарийлагу тикрал бан бюхъанссия.

— Агъ, ттуул арс, вин кIулссания на мув мукъух цуксса мякъну ивкIиссарив.

— Мяммай! Мяммай! — куну на Михайллуул тIун лавчIра. Ттула кару ганал дарвачрайх каяв. Гагу ттуцIун лавчIуна. Ганал иттату наниssa мукъал чIаврай дирхъусса ттуул чIав атил дуруна.

— УчIанна, арс, на вичIан чIал къавхъуну учIанна. Хъхъуния къини дурну учIанна. Нава сагъну уссаксса, вин ппушивугу данна...

Михайл, дакIигу ттучIа къадиртун, лавгуну. Янилату ахълаганнин хъхъичIунмай лавсъесса гъэрца шаттирал бакIрах махъунай уругайва. Машиналул ххуллийн кIура аяйни, мадара хIал бувна ттуйн ка кIутIу дуллай...

На Михайл ххишала ттуна ххал къахъунсса куна ияв. Цал къаст дурссия, кIа чIалачIинин левчуну, машиналийн лахъяннин ча-унугу кIанах урглан. Амма Михайл ялагу хъювсул уккансар тIисса пикри хъуну, къалавгссияв.

Xъириөгү бүссеар



Пoэзия

Булбул ОЬМАРИЕВА



* * *

*Дахлай бур уртту-тIумIив,
Дахлай бур хъус-ххазина
Ссал къабагъар, ххарину,
Халгу дуллай, хъус ласлан.*

*Амма цукунни ласун
Багъа бицун къашаймур,
Чани ххинал дакIнива
ДакI мусил инсаншиву?*

* * *

*Булбул-чIелму бикIайссар
Эшкьилуха балай тIий,
КъюкIлий хIасратрал лама
ДакIний нурданул лахълай,*

*Аммарив хъункIултIумIун
Бакъани ччаврил асар,
КъахъунтIиссер пишикаш бан
Пишивагу Булбулданун.*

* * *

*Нину ва ппу бунийри
ОърчIал дакIру ххарисса,*

*Къабукканнав култатран
Оърчая личИи хъунсса.*

*КИрагу хъа дунири
Лелуххул гъава байсса,
Нину пту личИи хъуни,
Оърчал дакIру гъагъайссар.*

* * *

*Архния чIалачIийни,
Кавс ўилчIавмур ўюллиссар,
Ялун ивну, уувгни,
Бюров-къамIри чIявуссар.*

*Хъус чару, къини чару –
Чил думуний дакI мяшну,
Агъ, ўи дуссар дунъяллий
Мусил кIюрхнияр ххуйсса!*

* * *

*Гъава бявкъуни дакъа
Силгу тачIав къаритай,
Силгу, туну, тихара
Замъарданущал дачай.*

*Ци тахсирди инсаннай,
Силданухъун иривни,
ЗахIматсса заманалул,
Зурзу бакълакъи увни?*

* * *

*Агъ, инаЙ, ва дуниял,
Чани шавай, ўлан шавай,
Вас-ицах бикIай дакIиниу
Сайн дуккайвав ина тIий.*

*БакI гъаз дара, бургара,
Чани шавай дурвав тIий,*

*Чаннал ва џаннал дянив
Цуксса манзил бурва в тий.*

* * *

*Инсан буттал улклуцIа
Уцансса къабукканнав,
Шарда гъартадуниял
Чил кланай къума шайссар.*

*Гъурбатрайсса талихIгу
ТанмихIрайн кIура бавну,
Дунияллул кIушиву
КIул хъанаи дайдишайссар.*

* * *

*Гъузуй бунува ялув,
Хъхьирин жами кIу къашай,
ВибуцIирчанинв щинал,
Бювкъун лагай чланулун.*

*Жамириав жулла дакI,
Дард дакъани, куклусса,
Хасратрал кIу дарчанинв,
Аъричинияр кIу шайssa.*

* * *

*Хъбит тий бакъар къахъну
Хъатлийсса хъалуйн,
ХIучI тий бур букъагъан
Инсаннад канил.*

*Буччиннин хъа канай
Канивунияр
Илкинну лехлайсса,
Тархъанишиву чай.*

* * *

*Чи*висса хъинбала
Хъамакъабитлай,
Ца уссар дувансса
Хъиншииорух луглай

Цалашиирий оьрму
Харж бувну буна,
Цама уссар буемур
Къулвагу бакъа.

* * *

*К*увнил кув ппив-ххив буллай
Биллалисса ккаччачан
Барцру ялун бачирчан,
Ца хъуну, цачиун шайссар.

Дяъвирадал пасат дуллай
Буруча зу ва аьрици,
Аъламрава ца бала
Ликкарча, зу ци зунну.

* * *

*А*й-гъараий, ва дуниял
Ца хисаврай хъусса дур,
Лякълуусса оьрчигума
Аьтий уккай Аьрищайн.

Щуну увсса чи^ивим^иу
Ккукулий ишай ниттил,
Ниттил чи^ивим^иу куна,
Хъувух ишай гъатталгу.

* * *

*Х*хал шайссия лахъния
Ххяллуисса т^иум^иал аргу,
Ссавруннай кляла чит^иул
Лип^и-лип^и т^иусса хъаругу.

*Тти ѹчиннива в ккаккайсса
Шюлли хъхъемай някIшиибу,
МарцIну ятIу-кIяласса
ХIурия-тIумIал паргу.*

*Шилли тяхъа бувайсса,
Къуллардай чарил ккурчIа,
Чиви-хъун личIи акъа,
Хъярч ва хъяхъаврил сахIна.*

*Камилиибу, марцIшиибу
Лагмавасса зунтталгу.
Балайрдал барзунттайсса
Хъяхъи-тIумIал бярдаву.*

*Агъ, инай, агъ, заманай
Хинилсса ххариишиибу,
Ардайсса тIумIал хъюлчу
Урттул угълива личлай.*

ЧАРТТАЛ БЮХТТУЛ БИЛАЯТ

*Агъ, цибави кIай чарттан,
Клаксса үлттачлан гъансса,
ТIумIайх бичай кIайннубу
Багъругу, баҳчардугу.*

*КIусса закканту кунма,
Зунттайсса кIай къунттала
КIурхру личIай чулданийн
ШанчIанIалгу, тIумIалгу.*

*Хъхъунивусса някI үланнай,
ТIуршу бақъа, паҳъ багъай,
Лагма үучIавгу акъа,
Чарттал абадсса оърму.*

*Яргри үйурттал чанигу
Хъахъи-цIансса үIайлуву,
Пар гужлан бай хъхъемаву
Хъхъувай тIумIал үIанIаву.*

*Шаэр Башаевлулгу
ЛавчIунни үйуртти чарттай.
КIай ссавнийми үйурттигу
Чарттаятур тIар хъусса.*

*Шайссарив хъамабитан
Чарттал бюхттул билаят,
Хъахъи үйурттал үIу лахълай,
Итталух занай буна.*

АГЬ, САЛЛИАР, САЛЛИАР

*Агь, Саллиар Саллиар,
Уиц-щулгъилул дунъял,
ХъхъунцIуллуй пятту-тIумIал
ЦIу лархъусса Саллиар.*

*Хъяр-хъяр тIисса бюнбутIив
Хъя чин буллай урттуву,
Ччяп-ччяп тIисса оьрватIив
ТланкIа тIий бур щинавух.*

*Урттуй мяххи ххартI дуллай,
ОххI-чап тIий – митIикъукъу,
Оьтту-къункъу буцавай,
Цирвав ххюрхху дуллайсса.*

*Гъаттарал хъуттал бакIуй
Зисса куц гъангъаратIи,
Къартту, бавахъул кунма,
Булувкъуну зузисса.*

*Оъру аърици пив дуллай,
Ххян-шаплий бурхха къулчча,
Титалалул дуниял
Титин дуллай циннагу.*

*Къюнуравун къувтIуну,
КъюлтI хъусса къюнукъигу
Магъ оърчицса чемуллул,
Къен куну, бюкъайсса куц.*

*Кла ссурулух ссирхъа тIун
Шайсса хъурдай цана тIий,
Къунттарилу къабагъну,
ялугълай бур хъун шатта.*

*Халлая чухъа щашлай,
ШирикIуну бур ххялиџ.
Зев-зев тIисса зимизру
Зизлай бур закI-урттурайн*

*Гъайчагу тIий, тIумIавух
ТланкIа тIий бур, барзукка.
Агъ, хаварбагу бакъа,
КъаличIан къатта бакъа!*

*Агъ, Саллиар, Саллиар,
Пятту-тIумIал Саллиар,
Уцу-щулгъилун дунъял
Титин дурсса Саллиар.*

ЧIАРТТАЛ - АР

*Хъусрал-Чарттал чIаттирдал
Чаравра дур Чарттал-Ар,
Челму буна чIу буллай,
Чарах ىучIав къалаглай.*

*Оъллааргу оънна дур,
Оъллал газурду чув дур?
Оъллу ттизай оъртурду
Оънма бачIва ливчIун бур.*

*Ухха-Аргу, уххай тIий,
Шанавух дур цаахха тIий,
Хивну найсса жуява
Харииишу дакъар тIий.*

*Щамараигу щюллисса
Ца щюллу бур щюллинма,
Щюллиурттуй щюлли гъи,
ЩетIагу тIий, гъан дуллай.*

* * *

*Агъ, лагабаргъ лавгунни,
Мусил паргу лавсуну,
Ттуруллайх кIункIу буллай
ЯтIул-парсса чанигу.*

*Лухчиний зунттурдугу
БавцIунни къаралданий,
Гъунттийсса мусил кыни
Хъунадакъин хъулданий.*

*Ци дикIанавав дунъял,
Бургъил симан дакъани,
ТалихIрал чани ххи бан
Щусса кыни къадуркIни.*

*Ххал шай бургъин аьрищарай,
Чарча, талихI, чарча, дард,
Агъ, ва оърму, дуниял –
Жагъ къурчIисса, жагъ шадсса,*

*Бунугу баргъ дунъяллийх
БутIлай чумартсса чани,*

*Халкъру тIурчан, аърицарай
Буссар кувннал кув лимIай.*

ЧИМУЧІАЛИ ВА ТІУТИВ

*ЧимучIалттул хъару
Лаллай дур тIумIайн,
Аргъираі хъя кусса
Ххүй тIумIал чIанIайн.*

*Халлих зурзу тIий дур
Синхралсса хъару,
Хазирдал хIал ласлай
ТIумIул хъазамрай.*

*Ттюнгъану тIумIивгу
Хира-ххуй дурну,
Левххун лагай яла
Цила миналийн.*

*Ялугъийнна личIай
Шүрицурдай тIумIив,
ЧимучIалттул хъару
Итталух занай,*

*ТIумIул тавханттуву
Асардал лахIза
Ттигу чансса хIаллай
Чарав буну чай.*

ВИЛ ЯРУ

*Вил цIарал яруннава
Цу дагъунни дакIиниүн,
ЛухIи яруй, ци бави,
Хъирив ялугъи бунна.*

*Ччаврия үичIав учин
Къадунни ина ишан.
Агъ, ттуннин үа махъ гъая,
Ччаву тIумIайх дичин дан.*

*Ттул дакIний, давла кунма,
Мина дурсса вил яру,
Чунмай буругарчангу,
Итталату къалагай.*

*Агъ, ми вил жавгъардаву
КъюлтI хъуну дур ттул ччаву,
МуриIуиттав мукъал кIунтI
Эшкыилул лицIан буллай.*

ЧЧАВРИХА

*ОърчиIийсса хъяхъавуй, чIаванийсса чIун
Ччаврийн мукIру хъунсса мажсал бакъасса,
Чурххаву рухI кунна, дакIний ттарцI хъусса,
Хъамакъабитайсса талихIрал лахIзай.*

*ДакIний загъир хъуни виясса пикри,
Инт кунна, аьчух шай дакIил дараарду.
Чурххаву лявхъусса ххарисса умуд,
Ца вил үIа баярчан, үIунил үIу лагай.*

*Агъ, ттул дакIиву нур, ттул ххаршишивуй,
Бургъил тIинтту дусса ссавруннал яруй,
Вил мурччай пиши буни, иттав макъ дучIай,
Хъулданий ябитан бювхъусса чIумал.*

*Бургъил чани ялун бивссаксса шара,
Нажсагъ чув-бунугу ина ккаккарчан,
Интнил ардай хъусса чIирунна-тIумIай
ЧимучIали кунма чIалан бикIара.*

*ДакIил хIужрагадавун бувкса ххазинай,
Кыни дуркнирагу ка къалаяйсса,
Ттул пахъ дагъсса дакIийх нур зизин дуллай,
Хъяхъаврил дурицIусса ихтилат дувуй.*

*Агъ, ттунма аъзизсса вил яруннаву
Буруккин ххал шайхха, ца-цал бунугу.
ДакIива дурккуну, къюкI дулуннача,
Ххирамур, лажинни, тиши чан мабара!*



Проза

Хизри ИЛИЯСОВ

ЧИУРДАЛ ДАРА

Хавардайнусса къисса

Хъирившур. Даидихъу №№ 3, 4.

ОЬЛУРКЪУ ЩИНАЛ ЧАВАХЪ

Дагъусттннал университетрал машлул факультет къуртал бувну маҳъ на тайла увкунав Рязаннайн, «Рязаньрыбпромрай» товароведну зун. «Казанский» вокзалдания электричкалийгү щяивкIун, ххуллийн агъра. Коломна къабитайхту, ца дачи ссятрава байбивхъуна Голутвин – Рязаннал областрайсса шагъру. Оканеххал тия ва шия бия цунссаса, марххалттал шану-кIараллаву кай-кай хъусса ттарлил вацри. НакIну бивтун бия барз, шанювкъуну бия мурхъру, кIюласса чаннаву, цуртти кунма, пар-пар тий бия марххала. Электричка щапI куну бувцIуну бия цавай купайкардавусса ва синттул чакмардавусса арамтурал, ппалул карщив дуртсса, варсул уссавусса хъяннил. Гай хъяннихъ бия чIявусса сумкарду, дарвагру. Пакъиртурал, гайксса кIушивуртту цукун гъаз дайсияв къакIулли.

Ттун дия къуния кIира шин! На ивкIра жагъилну, цIуллушиврул янхъа тий. Пар-пар тIисса дипломгу лавсун, най ура зун! Чимур хIисав дан, зад лаласун ттун бигъая – орватIул зимиз кунма, айкъулул айкинмур бугъайва. «На зунна! Нава цу уссарив ккаккан банны! – тий ивкIра. – Ниттингу бувчинссар ттуща ччиний ччатI букан буюхъайшиву. «Ина дунияллий ччатI цукун буканавав?» – тийнна дикIайвача. Даврия ттун най буна булунтIиссар къатта. ХIарачат булларча, буюхъайссара къуллугъралгу лавай ан. На ттуйнува нава, щихъчав кумаг ча къаувкуну, чаннай ацIаннахха. Нава сан акъул уллай бивкIими, «Аслан, ва бувакъай, та бувакъай», – тий, кумаг ча тий занази банныхха!

Ххуллуп гъалмахтурал пашманасса лажинтругума тяхътану чалай дия. «Ци тIурчагу инсан цува увсса, лявлъясса кIанай ялапар хъанай хъинссар тIун бикIай, – тий ивкIра ттухъва нава. – Ватандалий чарттугума вихлу буккайссар тIисса учала бурхха.» Амма ттул цамур чара бакъая.

Электричка шагъурийн чалну, хъхъувай, бивуна. Автобусру занай бакъая. Гъансса кIанттугу ттул бакъая. Дия къурукIи. Дяркъу, вил чурххал заллу кунна, мурчал каних къантIасса палтIулул дарвачгу гъаз бувну, хъувун, ссимиялтталун духхлай, хъапа бизлай дия.

Вокзалданийва ацIан пикри хъуну, ца скамейккалий къурхъ дурну, чулий агъра. КIюрххил милицианал изан увну, документру ххал бувна. «Барчаллагъ хъуннав вин, акъа шанай личIансиияв», – куну ганахъгу ттуувува нава, ивзун, лавгра. Ттул даврил адрес дия: Рязань, кIилчинмур линия, кIилчинмур къатта. На увкIукун, исвагъисса секретарьшал, «объединениялийн» ойвкуна: «Иван Иванович, жагъилсса специалст увкIун ур. Агъа, Дагъусттннайссаса. Хъинни, тайла укканна».

– Вин цIана объединениялийн гъан багълай бур. Иван Иванович – кадрардал отделданул хъунамари.

Контора бия Лениннул кучалий, Есениннул цланийсса концерт залдануя арх бакъа, шагъруул паркран чараф. Иван Ивановичлул на ххуйну къамул увнав.

– Огъ! Уравварч, увкІссар! Учланссар тИсса тамахI къувкъуну буссиявхха. Ттуйн Иван ...

– КIулли. Ттуйн Аслан учайссар, – Иваныч ялагу ялугий ухъукун: – Бюхъ-айссар вища отчество къатГунгу. Жул му аьдат дакъассар, – учав.

– Ачу, начальникнацал кIул аннача.

Ганал на гъартасса кабинетравун увцунав. Лахъисса бювчIусса столданух авкъатсса, хIажак дакъагъан энттугу хъачIунттайх дирчусса, адамина щиявкIун ия.

– Вана, Николай Аркадьевич, увкIунни...

– Прозоров! Жул начальник! – кIилавхIуна Иван Иванович.

– Агъя! Чал циван хъура? Гъу, бикIансссар... Ява, даврийн чал махъанарда. Ина, Иван Иваныч, общежитиелуву кIану лякъи...

«Цукун общежитие? – ттул къюкI дацIавай лирчIуна. – Къатта?» Амма ттун бувчIуна, къатлуя зума акъарча, нава авлияшврухун ишинсса.

ХIасил, на Иван Иванычлуйн тапшур унна.

– Жул объединение всесоюзнойри, – увкуна ганал. – ЖучIан балугъру бучIайссар Ссибирнава, Балтикалия, Къапкъазнава, хIатта чил билаятиргтая. Яла агъам-мур бутIа – технологиялуп цехри. Ганил начальник – вил хъунама – Александр Александровичри. Цехраву шанттурша инсан зий уссар, инженертал хIисав бакъа, гъаманки, технологтал, экспедитортал, товароведтал. Зу товароведталлу. Гъаманки, лабораториялуву гъарца бувкIесса вагондалувсса балугъирттал анализ дайссар. Буссар коптильный цех, балугъ ябайсса шанттуршийсса тоннарду лагайсса майва камера, рыбинспектортал, кIива ттучан «Океан». Жува посредникталлу: жучIава ликкан бувсса балугъ щала областрайх баххан гъан байссар. Гихунмаймур вила хъунаманал бусантIисссар.

Иван Иваныч, нагу увцуну, кIилчинмур линиялийн авчуна. Жул ххуллу бия шагъруул дязаннивух, мунижу ттун га куча хъинну дакIний ливчIуна. Рязань бия биялсса шагъру, уттайномай ва лахъинмай, гъили буллалисса ччиту кунма, тИтIи бавкъесса. Дянив – хъун майдан, лахъ къатри, хъунисса ва мюрщисса ттучаннал къюкъа, Ххувшаврил майдан ва КIулакъа солдатнал гъайкал, кIива-шанма сквер, хъун бакъасса ресторан «Славутич», ххюра зиву дусса, бухзаманнул пурмалийсса патирду.

– Га бутIуйн Канищева учайссар, вамуниий – Дягилево! – тИй ия Иван Иваныч. – Илкинсса шагъру бакъарив?

– Бур. Мукунсса хъинссарив?

– Тунукъай. Ссай-унугу аэрххилий укку – хавар бакъа къини гъантIисссар. Чун дюкъайсса ххуллуулли, – хъян ивкIуна Иван Иваныч, щала чурхгу кIутIутIи бувну.

Байрам дакъанугу, ганал хъазам медаллал чIолу бувну бия. Га ия дяъвилий ивкIесса угъарасса адамина. Лажин дия ганал лажинлякъул: ранг къачIарисса, ятIул риршсса, яру бия щюллисса, щюртI бусайни, ляпI къачинсса, къаркъала дия кIусса: ца ша ласуннин ацIийлла пал рутансса. Ганал ихтилатравугу, занакъулушиндаравугу дия цирив-ца танмалшиву, биччи бакъашиву.

Бивунну кIилчинмур линиялийн. Увцунна цехрал начальникнацIан. Га ия чIайсса чIарагу, тяхъасса яругу, къяцлул кунма, мицI бивкIесса чIиригу бусса жагъил.

– Саня учайссар.

– Ттуйн тIурча, Аслан чайссар.

– Ттул пикрилий, жува цаннан-ца бувчIинссару?

– Ттунгу мукунма ххай бур.

— Туну, на лавгссара, зузи! — куну, Иваныч лавгуна.

Санял на увцунав цехравун.

УрчIах бия коптильная, куях — холодильник. Вагонну бачIва буллай, зий бия зузалт. Цавай — картундалул къуршавсса балугъ ликкан буллай, гайми — тахтардай бихълай, шамилчинми — электрокаралул «хъиртту» лув бахчин бувну, гъаз дурну, балугъиртташалсса тахтарду складирттавун ххилай. Вагоннча бия пломбарду ххал буллалисса, АРВ-лул, порожнякирттал нумердах буруглагисса учетчиктал. Зузалт бия патри-патрикссса варсул уссаву, катIраву, ва, дух хъуну, тIатIлан дир-кIсса, ппалул къунчру бизлазисса купайкарттаву. Гайнная ришлай дия духIан къахъанахъисса, майравун, иттав дюхлахисса балугърал къанкъ. Таннул къаллу цанил ялун ца лахъан бувну, ацИнияхъайсса лизурду дирхъуну дия.

Ххялавгсса картондалул къуршава, тахта лирчусса къаллава микIиран бав-къусса балугъирттал магъру, бакIру, лухIисса бархIру чалай бия.

Щала хIаят тIурча, балугъ ласун бувкIсса рефрежератордал, фургоннал, грузовикирттал дурцун дия. Огъо-гъо! Ганийн даву чин къабучия — га дяьви бия! Инсантал, яла-яла кладовщицахъул вев тIий, рагълай, ниттийн-буттайн ссугру дуллай, гъалак бувкун бия. МахIаттал хъанай ивкIра, гайннаша паракъатну, бав-къуну, зун къашайссарив тIий? Ча кIулхъунссия ттун тани оьлуркъусса щинаву балугъ ЧIявусса бирияйсса?

Ахиргу, Санял на лабораториялувун увцунав. Га бия ЧIивисса, къумасса пукъя. Гиву бия мукъва-ххюва стол, бухсса шкаф, сейф, царай мюрщисса, царайгу хъунисса цилцентту, пюрундалул склянккарду, чагъардал чIапIив ва цаппара кIяла хялатирттавусса зузалт.

— Къамул ара цIусса зузала зула дастталувун, — хъярч бувна Санял.

— Ххарилгу литIавай! Гъйла, кIура аву, ца ябитаннача. КутIану учин, джигит! — хъян бивкIуна лагъ-лагъсса, кянш бивкIсса майгу, пIугъ диркIсса чIаврдугу дусса хъамитайпа. Ганий бия ххялтIа чара дусса къеци къяпа. Мурчашал ахIал яругу хъян бивкIуна цилагу:

— Туйин Тамара Семеновна Лопухова учайссар. На — технолога!

— Туйин Аслан учайссар.

— Виталий Букланов учайссар — товароведра, — гъаз хъуна ца «хъунав хъу жагъил».

— Нелидкин Александр Сергеевич — старший товароведра, — ивзуна оьвчIусса адамина.

— Вана вил стол, — ккаккан бувна Санял. — Ттигъанну шичча ца душнил расчет ларсунни.

«Ххийсса кIанттая расчет къаласунссия», — пикри хъунни ттун.

— Вихъ гъарзад коллегахъал бусантIиссар. Айркин хъурча, ттучIангү лечу.

— Хъинни, барчаллагь.

Цукуннив акъавкъуну чIалан ивкIра ттuna нава га пукълуву, гай кIяла хялатирттал дянив. Бакъакълай, тарс бацIлай бия ттул хияллу. Яртал, ва пукълувуннав на, азардахъул километрапду риртун, увкIсса?! Харжгу бур 90 къуруш — халкъ хъяхъаву! Миннухлюяв ххюра шинай университетраву ккалай ивкIсса, янна-усгу тIатIлай? Ттун чай дур лайкъсса марцIсса даву, лахъсса харж! Гиву тIурча, стол-данийн балугъру бивчун бия. Хялатирттая тIааин дакъасса къанкъ ришлай дия. Га къанкъ дюрххун най дия янналувух чурххавун, дакI-тиликтIравун. Вай цукун зузиссар ва къункъаву? Лажиннича, нагурав аьдат хъунтIиссa?!

Виталий Букланов урисса, утгасса ссирсилттал щару къацIил лув бивсса, оьрту майгу, хамил ччатI кунна, пурш лархъсса лажингу, някI бившусса яругу бусса жагъил ия. Га ттуяр личIину хъунасса акъахъунссия. Амма къярш ивкIсса, буса-учин кIулсса, тийн-шийн щусса чалай ия. Ганал ттун документру буцIин байсса куц, анализру ласайсса куц лахъхин буллан ивкIуна. Лопухова цила

даврихух лавгуна, жух къулагъас дуллай бакъая. Хлакин душ ва экспедитор къатIувпай бувккуна. Нелидкин, угъара хъанай айивхъусса, даврил вивх увксса, багъу-бизу кIулсса, ца бувснахъ арулва бусайссса адамина чIалай ия. Ганал къуццулуу, ихтилатраву, янна лархсса куццууву къуллугъчи, улу, цува министтир увчIлай ия. Виталийл ттухъ бусласийнигу, га лулттува рихшантрай пиш-кьиш Тий ия, ваца «зун ца кIулли, ттун ттуршва кIулли» Писса куна. Щак бакъя, кIугу-кIулхъунссия.

— Хлакъесса товаровед хъун, — увкуна ганал, ца-ца бутлай, — ца ацIра шин арキンссар. Дуккавугу цири? Производстволийри сянаткар шайссса...

БувчIлай бия ганал учин чимур: «Цуксса хIарачат булларчагу, ттучIан тачIав къабияссару!» Ганал лунттубакI бия, наха-балугърал кунма, чансса хъхьичунмай ливчусса, ккарччив тIурча, щукалул кунна, саргъунссса, мюрщисса, дайлсса. БакI бия къалай дуркссса тIяс кунмасса. Ссума-лахъисса къавахърал лажиндарайгу — мюрщисса, лабивкIсса яру. Гай вириssa, хIиллакарсса ккузри щин-дунугу луркIан дан лабивкIсса хханссия. Яла ттухъ Витял бувсуну хъхьичIава Нелидкин объединениялул начальникну зий ивкIшишу. Ца ппурттуву га, балугъ «куяхунмай» гъан буллай иривну, давриягу укъан увну, партиялувагу уккан увну ия, дуснакъраща цукун ххассал хъуссаривгума маxIатталсса иш бивкIун бия. Цуну ивтсса начальникнал, Прозоровлул, га цунилгу даврийн увцун ия, амма — лагъесса къуллугърайн.

Нелидкиннул ацIра шин арキンссар тIурчагу, кIилчинмур нюжмардийва ттун багъайссса куццуй щаллу бан лавхъхуна документру: приемный актру, товарно-транспортный накладнойртту, забраковккалул ва качестволул актру, представительтурал удостоверенияртту, муухал ххуллул накладнойртту, сертификатру, счетру-спецификацияртту ва ца гъалла цаймигу. Жул отчетность къамул дайва Александр Сергеевич Краюшкиннул. Ганал бия гъалатI бунийн бачайсса я. Диялдакъашиву хIисав шайхту, га я тарга тIун бикIайва, къацIгу ца чуухунмай баччайва. Цалчинъя ттун, цаманал гъалатI лявкъукун, ххари шайссса чув ккаклакисса! Га лап рязи уккайва, пиш-пиш тIун икIайва. Цувагу даин бюрххул къяпуву ва ккуччу-къоту хъуссса ПалтIулуу занан икIайва. «Га хъинну мискинssa ухъунссар? — тIий икIайссияв на. — База-мискин куна ларххун икIай!». Амма цал шагърулуу архния ххал хъуна норкалул къяпуву, импортный ПалтIулуу, маxерданул шарфраву, ВДНХ-лул манекен куна. «Вагъ, даврийн цан къалаххайвав гайра янна?» Ча кIулхъунссия ттун та чумал, дума тачIав душиву ккаккан дуллан къаикIайшиву, ялунггума «гъаривну ура, цичIав дакъар, харж бакъя», тIун икIайшиву. Дакъама тIурча, уссар, пакъир, душиву ккаккан бан, сан аншиврул цаймигу, цала цувагу хъяврин буллай: «Мигу арцутив? Мигу хъусрив? Ми ци ххай ура? Ттул ва дуссар, та дуссар», — тIий, чиха лашан бурчуга личлай, ххуйну лахлай.

Хласил, кIира нюжмардува Краюшкиннул, ттул отчетту тиннай дирхъуну:

— Ххал къадурнагу, вихра, — увкуна.

Муния маxъ тачIав ххалту къадайва.

Краюшкин ва Нелидкин, бутIа бакъя уссурвал кунма, тачIав личIи къашайва. Хлазран бакъахъунссия гай кIиягу Александр Сергеевичхъул! Хъунмурчин дахху-ласулул зам, жул пукылуву, цала дуснача яхши-хашрай икIайва. Чиявуну гай щурцуюйнгу багъайва. Цива ци бикIайссияв къакIулли кьюлтIсса, Витян ва ттун ссятурдийсса къатIух зананггума багъайва, гайннахун бахкъачиланшиврул. Цал-цал ттун Нелидкин ххан икIайва майжаннугусса хъунама, Краюшкин тIурча — ганал хъхьичIакъу. Айлтта чIалай гай архIал «зий» бия. Краюшкин мукъцIалла шин шавайссса адамина ия, ттигъянну замну ивтсса, мунияту насихIат цIуххин, маслихIат ккаккан учIайнуккива.

ГаначIан, ягу хаснува бухгалтериялувун увхни, гиву зисса жагъилсса душру

аъжаивну лулттува ттух буруглан бикайва. На ссих къадурккун дуна, цавай пиш-пиш тий, цавай нач хъанай, цавай ятпулгума бичлан бикайва. Яла-яла бия гайннуву ца – Полютина Галина. Ганил бия вичи дирхума илагыи ансса, тяхъашиву хала дусса чу. Га, хъяй буна, цакуну айтлаву лачайсса, ххарину буна, цакуну къума лагайсса хасият дусса душ бунуккива. Сумал рангса күкілусса кизуйн я шайхту, зунттавусса баргъ, гъи, уртту-тутлив хъхьичи дацайва. Амма на тачлав га ттунма ххий бизлай бушиву күл хүн къаацайссияв. Гагу ттуярвагу нач-намус бусса, иттав яру гъаз къабайсса, ххишаласса жуав къадайсса бия. Амма так-тук ганил яру гъаз бувни – гайннуву миксса асарду бикайва, – къудуршиву-гу, миннатгу, хайпгу, умудгу. Жувалу гъалгъа тийни, ганил ляличину мурччал мурцурду чувин байва: дахъва утти бувчлан бивкүнни гай мурцурдиву Галял ляличисса, щихъчлав къаувкусса махъру чувин буллай бивкүшиву...

Хъамакъбитай ганил пашманнса някүннарал яру, хавар бакъя күсса лаярча, ххарси хъуннса кунна, ттюнгъану дюрчүсса сиппат. Агъ, Галяй, күлссания вин цимили айвзессарав ттухуна нава, таний вихъ зумаахъан сикъавсуну тий? Чув бура тти ина, хъамакъбитарааха.

Тамара Семеновна Лопухова биялсса стаж бусса, цила даву күлссса технология. Амма га иткъаххявхсса, иттал хъхьичимур дакъя къачалачисса, пикрирдал биюхъу-хъит бакъасса бия. Масала, балугъирттал глазурданул процент, цил, неорганический элементирттал чиявшиву күл байни, Гостирада, Те-у-рдая айнтилил тинмай къашайва. Царай лахъисса хисаврттал кьюкъри дурну, буккан байсса процентру на най буна, пикривагу къабувну, бусайхъукун, га ттух Лейбницлух кунма бургайва. Ганин ласнаха чалачин дакъахъунссия: «Ттул Лопухов хакыну авлийн лавгунни. Ттул Лопухов хакыну бюрх бувтун увкүнни», – тий, буслайнма бикайва. Ласнащал Тамара хъунабавкъуну бия ациния майра шинаву дискотекалий. Ца зурува ганан щар хъуну бия. Тамаран мукъцалунничан дирссса шинну духъунссия, амма ласная, гава ччаву хъусса, ациния майра шинавусса дискотекалул душ кунма, гъалгъа тун бикайва. «Ттул Лопуховлул ци тийав күллив?» – яла байбишайва, байбишайва, жугу зий бурхха, баҳчилай бурахха тисса щакгу къабагълай. Цина Лопухов ухъурча, жунгу усса ххай бухъунссия. Цал Витял, га бувккукун, увкуна: «Ттуна ккавкунвагу акъана, бизар хъунна ванил Лопуховлуга!» – куну. Къакъунттул дикларсун бучайва: «Ва ттул Лопуховлул давлари!» Яла-яла, ттигу дуки тий, ттухун баҳчайва, на шава ялапар хъанай акъя тий бухъунссия. Чансса хъунабавкъссар ттун гүкун даклайтисса, ачухссса, тяхъассса, цими бусса хъами ойрмулуву.

Виталий мадара ккавкссса жагъиль ия. Ганал мукъра шин дурну дия БАМ-рай зий. Цала бусаврийн бувну: «Комсомолданул ойкүннүү, лавгссияв. О! Сибир вин къакүлссар! Га билаят ххира хъуншиврул марххалттаву, микирлару, замгъардануу савсъесса иклан багълай бия. На түрча, тикку чиявуну инжит хъанай ияв: бурхлаву, ттиликрлаву дяркъу дарцлуна. Ялапар хъанай бивкүру баракраву. Вацлри кьюкълай, рельсру дихълай, цими километра риртхъунссар?! Ттул хиял буссия, къаттагу хүкүматрал булунссар, тихва ацланна тисса. Бам буллай жан дулурчагу, къаттамур ттун къабуллуга. Гикку лавхъхъуна ттун самогон хачлан, къалиян тун. Гиккура лирчүнни ттул цуллу-сагъшивугу. Махъунай заны иклан багъуна. Ца къатлуву цана жу ххюя уссару: на, ттул нину, хъунама уссу, уссил щар ва гайннал арс. Жу мюршину буна буттал цамур кулпат бувну бия...»

Га ия цила багъайкуннса зузала. Рартун кахригу, тузлук чу буллай, балугъирттал къуршив гъаз буллан икайва. Амма ганан барчаллагъу бакъяя, хъиннува хъхьичи акъларча, амрурду булларча, бакъасса. Чиявуну цувагу ханттил къанкъ дуну учайва, баклай, ацлан-иклан къану бакъяя, занан икайва. Ттун багъайва ганахлугу отчет хладур дуллан. «Ургу, – учайва ганал. – Аслан, ина чагъардаха зузу ттухлугу. Каруннах дан багъаймур түрча, ттуй дити», – нагу рязи хъуссияв.

Цал түрчча, ганая медвытрезвительданува айрза бувкун, собраниялийгу дашуй ивхьуну, харжгу къабуллuna. Га начлил ойкавай ия. «Ниттихъ къабусав, – куна ганал. – Ци бансарив къакIулли. КIапIикI арцулгу дакъар ганихъхъун дулунсса». – «Ма ласи», – на ганахъхъун зувира къуруш дуллуссия. – «Барчаллагъ, чара бакъа зана дитанна». Амма Витял арцу зана къадиртуна, диртссаниягу, на къаласунтIиссия. Гагу ия нава кунасса дакъу. Хлангу ганал тачIав къакъаританссия. Ца кыни ттуйн хъамалу ойвкуна. Ганал дия ххаллилсса, айкълу бусса нину. Витя бутанссанул хъирив лавгун уна, ганил ттухъ тамансса айрза бувкун: «Ливну най ур ойрI. Байсса цири? На вай навалури хъуни бувсса – ттунсса барчаллагъ ххал ба.

Цал, къатта ласунна тIий, Ссибирнавун лавгунни. Щил булайссар ванан къатта, щин айкинссар ва. Зад бувчIайссания ур, хIарачат бусса ур, зумакъаавхъун, вичIигу дишай, амма гъунттиймур кыни ккаччийн увкун учIай. Уссишталгу рагъан дунни, ойри-хъинни, бучIир-къабучIир кукун, вил ци ишри, вила кулпат-ралсса бувну, щиикIу», – тIий. Аслан, ттул арс, дуснал увкумур личIиссар. Уча инагу ттул арснахъ, вихъ хъунмасса миннатрича». «Хъинни, ххал банна шайрив. Мукссава буруккин мабулларда. Витя, щала ина тIийкун, лиянва-ливнугу акъарча... Даврий ганал сий дур, захIматрая хIучI бакъасса уну тIий», – га паракъат данмур буслай ивкIра.

Пайламур бусан, ттул тачIав дакI къадияйва Витяйн хIачIу учин. Га ия хъинсса, тIайлашиву ххирасса, май щяхъ буклай, зий, цала каруннах цала талихI ляхълахъисса жагъиль. ХIарачат ссайнчIав къабуклайссса Чалай бухъукун, гъарзадрава дакI дуркун, хIанттихун агъну ия.

«Вай къачагътуран бансса танмихI лякъин бур, – тIун икIайва га. – Краюшкин, Нелидкин, кладовщицахъул, «океандалул» зузалт, цаппара рабочий, районнайсса ттучанчитал – щаллусса мафия дур! Улу, проходнойлий диспетчер, милица, контролерталгума вайннал халкъ бур! Жува буру ттукри, вайннал хъхыичIа зузисса. Нелидкиннул «Волгагу», дачагу ккаккарча, ина хIал бивну агъантIиссара. Цури ва? Цири ванан кIулмурвагу? Дацлай бур, дацлай!» – «Витяй, – учав на. – На къачагътал бугълан къаувкIра. Тун пиша лахъхыин чай бур». – «Ярч, ина ттуккурав вайннал хъхыичIа зун?! Шин шавай дур вил зий – хIа-хIа-а! – урчIшалла къурушрах. Яхъанай ура общежитиялий уголовникнащал? Мяньна цири шикку зузаврил?» – «Шавай зана хъун ттул пайда бакъассар, дус, му лахъисса масалари... ЯхI банна, къахъунххурав тIайлабацIу. На ттигу зума къаувхъра, цанма бувчинс-кар тIий. Тава-тагу ПрозоровлучIан лавгун, къатта була учинна». – «ХIа-хIа-а! ПрозорлучIан? Къатта була чин! ХIазккан ура ина!»

АцIан къавхъуну, Витял балугъ бацултрап хъирив рургъуну дия. Ганал ттунгү ккаккан бувна чапарданухун гайннал бивчсса къизил баулгъру, икъралул ва ба-лугъирттал къуршив. «Баян инава бува, – учав. – На тасттикий банна, вил барану укканна». Витял ОБХСС-райн ойвкуна. Дайдирхъуна дело. Увгъуна кИия гъаммал. Гайннайта бивуна НелидкинучIан. Амма цивхъуссияв къакIулли, тай кИиягу – дуснакъравун, ва наха-балугъ тIурчча, сагъ-саламатну бивтуна.

Гай гъантрай Витя ва на даврий лахъи лавгунав. Жу, проходнойлува бувкун, автобусрал остановккалийн най буссияв. Цаннал щатIив щяхъ тIитIи бакълай бия. Чанналу хяпI-хяпI тIий дия басласисса марххалттанил ва щинал хIанахIру. Ххуллурдай хъуну бия хъунисса, чапалсса бяра-бацIурду. Цакуну, ча бувкссияв, ца гъура-гъайталушалсса кьюкъа инсантурал дуркун, жул лагма рургъуну, вив лавсунав.

– Ина насу, – увкуна гайннавасса цаннал ттухъ. – Вищал жул цичIав бакъар. Ванащал бур гъалгъа бан...

Тун хъанахъимур бувчIай бакъая. На, айрщаравун къуртIусса ттарцI куна, авцIун ивкIра.

Цакуну, рапI-рапI чин бувну, тиха-шиха бившуну, гайннал Витя увтуна.

– Итира му, бучIбакъулт, бат хыра шичча! – куну, на, ххявххун, га яла загълунманал май-мурчавух бившуссия.

Гай циняв утти ттуйн кIура бавуна.

– Арамтал бухъурча, ттущал цаннайн ца данди буккияра! – увкуссия на.

– Ва зад къацIан тIий ур, ацIан къаувну, – увкуна га на бившуманал.

Ттул лагмасса бару чIиви ливчIуна: лихъансса кIану бакъая. Микку пикри хүннин: «Агана уттигу на бишурча, вайннал ттуяра али-ула данссар». Загълуннал бишун авцIура, щайхту, лажин лувну, тIурхху бакъа, агъра!

– ХIадурди! – увкуна ганал. – Пойдем, мужики! – Гай лавгуна.

Витя ялагу гъасса хIаллай цайна цува къаувкIуна. На га ттуйна хъар увну, гъаз увссия. Ххуллийн увккун, такси бувгъуну, ттучIана общежитияний увцуссия. Га ттучIа гъантта авцIуна.

Муния махъ жул дусшиву хъиннурा цАакъ хъуна.

– Тай цая? – цIувххуссия на.

– Дуснакъ бувсса гъанмалтурал дусталья... КIиясса ттун кIулли.

Хъиривмур къини Витян хъумур милиценайн баян бувссия. Биолт бувгъуна. Амма дело дайдишиннин жучIан щаллусса делегация бувкIуна: мюрщи орчIацIалссса, лякълуу бусса хъами, бугъарасса къари-къужа, арччасса, мурчIисса, медаллугу ларчIисса ветерантал. «На гай нава баттанна, – тIий ия фронтовик. – Зун чимур банна. Арцу дулунна. БавхIуна, баттан булунна. Милиценая аьрза махъунмай ласира, ттул кIяла чIарарадал хIурматран!»

Витял ттуйн чулийнмай овкуну:

– ЦукунчIав рязи машара. Къянкъашиву ккаккан дан аьркинссар. Тай жува бакъин аьркинссар.

– Ттуща... ттуща къахъунссар, Витяй, та къужлую начри...

– Пув! Ина ци инсанна? Му ци ххъарашибури?

Щий аьтIий урарч?!

– Багъишла ува, дус, къахъунссар ттуща...

Ласарду аьрза махъунмай. БавтIцири жуйн хъямала багълай, хъамалу овтIун бивкIунни. Лавгру. Къамул бувнав, паччахIтал кунма. Биолт тIурча, дукия цIу дуллай, аьракъилул, конъякрал буцIлай, къуллугърай бия. На хIаллих Витял вичIилухун шурщу бав:

– Бувччу къахъананну. Бизанну.

Га къачча-къаччайна рязи хъуна.

– Къаивтунна уччиннин бутан! Ца-ца ттигу бан багълай бур. Ачу «Нулевкка-луун!» – укун учайва ца ресторандалийн.

Гивугу ца-ца бувтунни. Мадара хъуну, ттантта ивкIунни.

– Сигаретру хъамадиртун дур, – увкунни Витял, – цIана ларсун учланна.

Га гардеробравун лавгунни.

Гъасса хIал хъунни ялугъий, ссавур духларгун, хъирив увкра: швейцарнашал аьлагъужа буллай ур:

– Къачагъ! Дя-дяхтта бурчу ликлай ххал ара! Ургуварч, Аслан, ккуруттуул жиплива сигаретру дула кукун: «Шанна къуруш дула тIар».

Швейцар, робот куна, гъалгъя тIий ия:

– Гардеробравун уххан къабучIиссар. Лаххъу цIиникърал шубагу, цулкIлул дарвач бусса рахIугу бавцунни. ЦикIулли мигу вил давуртту дакъасса? ЦикIулла, ина увххун, чил жипру дачIра къадуллансса?

– Ярч, инара дула! – тIий ур Витя.

– На цурку акъара, чил жипавух цIухла бихълан, – бяв-бяв бивтун яругу, бявла-зарнал кунма, чинкI диртун пурмагу, швейцар цIана жалладнаха лавххъун ия.

— Да, уттуссай! Къявшан! Инава ура цуркугу, къюккугу! На вин ккаккан банна!
Ина на къюкын уллан багъарча!..

— Милица! Дежурный! Кумаг бара! Иллай ур! Ххяхлай ур!

Аълагъужалийн официантка ва дежурный милица гъан хъуна.

— Ци хъанай бур, дус? — цIувххуна сержантнал Витяхъ: — гъала, ссихI
бигъа...

— Къабигъинна!

— Гардеробравун увххун най угъав! — циняннан баянсса чIуний лахъну увкуна
швейцарнал.

— Ххал аартал, жагъилсса, ялун бурган иминсса инсан ци зий ивкIун урив,
— тIий бия данмур дакъулт.

— Ванай ай дакъассар, — учав на. — Швейцар бухъттан бихълай ур.

— Тикку ттул ккуртту... сигаретIру, — бувчIу-къабувчIу буллай ия Витя.

— Инагу вила дуснахлу уклай урав? Мукунасса икIантIссара. Гъалмахчу,
сержант, вай ттун арцугу къадуллуну, ресторандалува лихъан чай бия! — хIала
бувххуна официанткагу.

— Агъ, биривсса бакъарув! — куна швейцарнал.

Гассят хъулух милицанал машина бавцIуна. Гива ятIул къяпри бувккун, жу
хъараллаха бувгъуну, хъхьичI бавкъунав.

— Итаакыра на! — вев тIий ия Витя! — Итаакыра! Ай, жу кунмасса пакыртал
зу хъинну бугъару! Лахъху на ойттул бярав увтсса чIумал, зу чув буссияв?! Кар-
тардай бувлай буссияв? Ттун кIулссару зу, танмалтал! На зул хъунаманайн аэрза
банна! Хъйт-щит ххал баартал, шпионтал, диверсантътал бувгъусса хханссар!
Бугъияра, бакъияра! Бичара эшафотрайн! Щябитияра сүцIил нуххуву! Му бакъа
зу ци банссар?!

Га хъхъу жу медвытрезвительдануву дуртсия. Хъиривмур къини гичча дав-
рийн чагъар бувкIуна! Ттун — выговор буллуну, Витя — даврия уккан увна...

Нелидкин хъиннува ялтуу ивхъуна. Гъарца пландалуяр ххишала дуркIесса ба-
лугъирттал пIартIия, ганал, айрис рирщун, дацIан дайва. УчIан айва вакил, тил
дуллуну. Га цал, гъутIа куна, гъанагъигу увну, яла, къяз куна, иттайва. MaxIач-
къалалия бувкIесса селедкалул зувира тонна къамул къадуллай авцIуна га, бусса
кущцуй вагон тупикраву бацIан бувну — за бакъаяхха холодильникраву бивкIес-
сения. Шиха увкIесса вакилнал бувсунна азарда къуруш лултурассаннул дуллушкив.
Балугърал ялув унгу-унгу рагъайва ганащал Марья Петровнал — инспекторнал.

— Александр Сергеевич, гай я вил, я ттул балугъ бакъар. Я жува гай буқъагъар-
ду, я коптить къабарду. Цукун бухIан хъунссарач, инава сававну гай лиярча?!

— Лиюча! Ттул ци ишри? Ттул дур план — къурталли. БувкIими баххан хъанай
акъара, ххишаласса ца балугъ къамул къабанна!

Марья Петровна айрччасса бия. Нелидкиннүүл ганин: «Айрчча щайтIан»,
— учайва, цаннагу ганияр душмансса рухI душиву къакIула.

— Витя вайннал увкунни — учайва ганил ттухъ. — Инагу укантIссара! Ва оь-
хIалсса шайкари, ссавухчIав хIала мауххара.

— Угу къаувхрахха, ттинин.

— Аслан, ина жагъилсса ура, амма ттива хъунмасса гъалатI итабавкъунни.
«Океандалувун» гъан бувсса миттайрал бурхIал качество циван яларай дав?

— Ттухъ Нелидкиннүүл маслихIат бунни. Брак бур увкунни, укунсса балугъ цан
баххан ихтияр дуллуссар тIий, бахчин бюхъайссар увкунни.

— Инагу вих хъура уча? КIуллив вин ганал мукун циван бувссарив?

— Ча кIулхъунссар?

— Вил акт чирчуну махъ документирттай килорал багъа — къуруш ва ацIра
кIапIикIри, тай тIурча, бахлай бур гава цила лахъмур сортрал багълий — шанна
ва къуннин!

— Му биклан къабюхъайссар!

— Агъ, жагылья, жагыил! Ва цалсса багъишла итанна, хшишала мукун авлиясса тIул мадаванна. Му багълий ца-кIира кило даххантIисса дакъархха, – ряхцIалла тонна дур! Циксса мантIу най дурив ххал да шайккалул жипавун!

Хшишала на Нелидкиннул къякълухун ишин къаацIайссияв. Коллективрал собрание дартIини тIурча, тайланма увкуссия: «Гъалмахтал, жула объединения-лийн къюк багъну бур. Му къюкку тава-тагу на ялувва угъанна!» – куну. Амма Нелидкин ириян ацIайма акъая. Марья Петровна тIурча, ттуя лап рязину лив-Чуна. Собраниялий гукун увкукун, Нелидкин ттуя арх увцуна. Краюшкиннул тIурча, тайланма увкуна: «Ина Марья Петровнал магъ мадугъларда. Танил вил бакI лакъинтIиссар». – «На щилчIав я магъ, я бакI дугъансса къасттирай акъара!» – учав. Ганан ттул маҳъру тIааын къабивзуна. Собраниярттай тIурча, Иван Иваныч маҳъ лахълан ивКуна: «Гъаммал Сидоров кIива тарашка лавсун най иривунни – хукму барду укунсса инсанная мурахас хъун...»

Ца-кIива балугъ лавсун биривсса пакъиртал, пуч бувну, бири-бат бувну гъан байва, тоннарду ххюрхху дуллалисса шайка паракъатну дия.

Витя лавгукун, на бизаршиврул ивКлан ивКуна. Саня – цехрал начальник, жагылсса унугу, къуллугърал тIааын биривсса, амурруду буллан ххирасса зат ивКун ия. «Мугълат бакъя щаллу ба!», «Ххюра минутрал чал циван хъура?!» Собрание хъуну маҳъ га лапва ттул никъурттай ччанну бизлази хъуна.

Тамара Семеновна отпускалийн лавгуда. Шин къуртал хъанай дия. Амма ттул оърмулуву цичIав дахханашибу хъанай дакъая – кIюрххия къунниялнин, Витял тIийкун, «ттукку куна» зурча акъасса. Общежитиялийгү къатлул гъалмахчу барча бакъасса бакIрайн агъуна. Утти ттуща ца гъантта бан къаахъунссия гукунсса инсаннащал. Га ия групповой изнасилованиелух ацIра шин дуллуну ивКисса, яла «химиялийн» увккса уголовник. Дуснакъраву передовик хъуну, майра шинава «химиялийн» увтун ия. Ганан цА дия Боря. Оъку сси куна, илтIисса, каруннайгу, хъачIунттайгу жамирдал, хъхьирил изажарттал татуировккарду дирхъесса адамина ия. ХIачIайва мукун – жул къагта стеклотара къамул дайсса ттучан хханссия. ГаначIан бучIайва «химиктал», бутулт, биолт. Гайннал мажлисеру хъхъудая тинмай хъуннин лахъи лагайва, мунияту на буюхъайссаксса чалну шавай кIура айссияв. Борян на ххяппулун ласун ччан бивКуна:

– Да, къатлул марцI-чапалшиврулсса цан къабулларда ина? Инания дунгъуз акъара!

Амма ттун ганашал талан, макъу зия дуллан чай бакъая. Цукуннугу цачIу ялапар хъанай буру арамтурал общагалий...

– Ссавур дува, на дахъвараха даврия увКисса...

Ганал рязину пиш увкуна. Оърмулугу ттуярва цукссагу хъунасса ур, дусна-къгу ккавккса ур, ванащал бяст къабулланна тIий ура, цанма буллалисса хIурмат бувЧинссар тIий...

Кийла-шамийла лув-ялув къатта лакъав, чай дизав. Борян дакI даркъуна. Чифиргу хIачIай, га буслай ия:

– Агъ, Корефан, вин къакIулссар хъанил хIал, миннуллаха на башттан увсса, ца-цавай айнтIикIахъул ккавкссар ттун: ца-цавай чурхру, хъазамру, тяйлул жиртту! Ца-цавай зулмурду бувссар на гайннуй! Ттунни щак багълан бивКунни: «Ванал нава, шанай уна, ивххун къантарча, ци бантIиссар?» – тIий. На кIараллил лув Чила дихълан ивКра.

Ганал чиявуну ца хъамитайпа бувцууну учайва хъамалу, «гайз бан насу» куну, нагу тIайла уккайвав. Гайз бан багъайва замгъар бусса хъхъурдайгу. На увКуун, Боря, Высоцкийл балайрду бусса кассетагу магнитофондай дирхъуну, ттухъ гъалмахщарнищал цимили ва цукун уттуивхъуссарив буслан икIайва. Юх, га инсан акъая, га бия гъаттарал хIайван. На ккарччай къаацIа бивхъуну яхI буллай

ивкIра. Хъхъурду тIурча, дукIлай дия цалният цал цIансса, умуд бакъасса. Тари вай шярайхуккул хъхъурду, ккаши, мякъ бухлагантIисса?! Махъесса чумал ттул цIуму цIун байбивхъуна – гъилисса ххув бакъа тIий. СсалчIав ахир тIурча, чIалай дакъая. Цардалу лирчIун, дустал дакIнийн багълай, дакI цIунцIу тIий дия. Яла жагъилмур, яла ххуймур оърму гайнная архну, гъурбатрай, бусса-бакъасса къакIулсса талихIрах луглай най бия. Гукунсса бия, Ккуллал тIийкун, «бижул замана». Бан шайссса цичIав бакъая: так лахIу, мукIру хъу, дацлацу, ириян мааца-ра, зуна буллалу – жип ганзсса дуихурча, багъишлассар. Цал кIюрххила даврийн увкassa чумал, ттун кIия дворникнал ихтилат бавуна:

– Брежнев ивкIуссар тIар!

– Гъуя! – куна таманал. – Тти жува цири бантIисса?!

На тIурча, цалчинъяв, инсан ивкIуну, ххари хъусса. Заманагу баххана хънай бурхха, гъанна тIий ура Прозоровлущал ихтилат бан. Ттул талихIран га цувалу ляvkъуна:

– Николай Аркадьевич, масъала укунсса бур. На хъунмасса кулпатравассара. Хъар хъунсса, чул бищунсса кIану бакъар. Вина чIалай ура на зузисса куц. XIасил, ттун къатта айкинну бур!

Га цакуну хъян ивкIуна:

– Къатта?! Гъа-гъа, щил буляссарар вин къатта? Буссар халкъ ацIрахъул шиннардий очерданийсса. Ина цура, къатта ласун?

– На жагъилсса специалстра! Ттул вийн вихшала дуссия...

– Чи специалист? Нагу специалстра. Ттул арсан зувира шинни. Ганалгу цала къатта бакъассар. ТтучIа ялапар хънай уссар...

– Туну, на зучIа къазунна!

– Зунгума, ца уссувун кIивагу бувкIун. Шанна шинай зунтIиссара, къанундалийн бувну. Ххал аартал виричу, – къатта чай бивкIун бур ванан.

– АцIу, къатта ччишиву кьюкъаларив?

– Цал зузу, ца ацIра шинайссса!

– Къазунна! – рирщуну нузгу, увккун лавгра.

Гава къини, щихъчIавгу букиавсун, пропискалия ливхсияв. Трудовой книжка къабулайшив кIулну, къабивтсия. Боря даврий уна, чемоданглу лакъав. Гагу кроватралу бивхъуну, ялутгий ура. Ачингу хъунсия, амма ттун Борящал ихтилат бан багълай бия. Га увкIуна бувтун.

– Да, дунгъуз, ппул цан къашюшав?!

Вая ттун айкинсса. Бусса чаралий, ца къулай бикIан бувну, бахъав лултту-бакIралух – тIурхху бакъа агъунни.

Ттула чемоданглу лавсун, ганал ялтту ххарххигу ларсун, паракъатну общага-луга увкра.

– Агъ, ттул арсъя арс, – увкуна ниттил, канил кагу дургъуну, на шавай зана хъувкун. – Къабювхъуну бур вища зун. Къалавхъуну бур чиву ччатI букан.



Поэзия

Сулайман ЧУГУЕВ

БАРЧА ВИЛ БАЙРАН

*Аңния ххюннил ңубарз
Цүнил ссавний гъяз хүнссар,
Ина барча бан бувкими
Вил лагма ккуркки гъансар.*

*Вил чаврил оьттулучу –
Личансара на хъулух,
Цамур чаврил амбарча
Рутансар ина хъувух.*

*Барча, ххирамур, барча
Бувсса къинилул байран.*

*Ва ттула дакинил парча
Къабитав вин пишкиран.*

*Вин цуксса къасаннугу,
Къаритав вин чавугу,
Чган ѵуну дуккан дарча,
Бухкүллух къарал бача.*

*На чиарав акъанугу
Буслан вихъ чиолу махъру,
Вил бокалданул чиануй
Ттул макъри ѵарантисса.*

МАБУКЛАРДА ЧИАРАХ

*Мабукларда чиарах, чиараклу кунма,
Чиа тий бакъахъурчан ттул дакинил гъавас.
Хъачиунттайх ка рутлай, хъяхъаву дуллай,
Хъярчрай бунугу, хъямала багълай.*

*Магъуз чин улларда ххяххан ңарасун,
Цүнил чаврил ңараий даки ңарайх дуллан.
Къабувчайрив, ххираий, ттул хъазамраву
Кьюк дусса хадурну ламаран лахъан.*

*Шайссарив, лажинни, вища лаласун,
Лайлалтулкъадрину чавву къюлти дурсса.
Даки вичла дунугу, хияллал ларсун,
Хъулданий къаурган на нижат дурсса.*

БУХХЬХҮУ, ХХИРАЙ

*Ттущал ва хъхъу чиолу дан
Букку, ххираий, къатиувпай,
Ттул дакиниву ңулахъан,
Цүнилгу ѵуриш буван.*

*Шараврал шушари тий,
Ва хъхъу вища хиачланна.
Чаврил ихтиярди тий,
Вил хъугу аль буванна.*

*На авлия увунна
Оъталати вил мурччал.
Заннай хаин увунна
Кияла ариул хъазамарал.*

*Жагъяннама учинна
Ттининнин бувтсса оърму.
Оърмулут мъянар чинна
Вишал гъан був лахIзарду.*

ТТУН ИНА АЪРКИННА

*Tтун ина аъркинна
Иттав чанину,
Цлан хъхъунил лякълуву
Чаннал тIимуну.
Ттун ина аъркинна
Ссавний цIукуну,
Архну чанна лавхъесса
Абад умудну.
Ттун ина аъркинна
Гъарал вирххуну,*

*Гъар шинах дучIайсса
Шюллисса интну.
Ттун ина аъркинна
Оърмулут тIинну,
Ттула ялтту лирчу
ТалихIрал хъану.
Ттун ина аъркинна
Гъавасрал марчну,
Мудан лянхъа тIисса
Ттула чавуну.*

МАНИГЬА БУСАРА

*Mанигъа бусара...
Дакъассар ттул чаву
Муксса баласса,
Вил тархъанишиврул ша
Аъщун бизлайсса.
Ттул чаврил кIулишилун
Гъассар кIулишиву
Ца аърищарай бусса
Инагу нагу.*

*Манигъа бусара...
Дакъассар ттул чаву
Цими чIа тIисса,
Язугъ шайрив ккаккан
Иттав цIимI диркIсса.
Гъассархха ттул чаврин,
Умуд бухъурчан
Гъар кIюрххил бивзрав чин
Ина ккакканса.*

ЦИ ХІАЗРИ?

*Ци хIазри ттун мајслисрай
Ина чIарав бакъаний,
Мякъ лиххан щаращицину
Вил яру ххал къашайний.*

*ТIумIал арив унугу,
Ци хIазри ттун муния.
Му аривсса тIумIину
Ина ххал къашайхъувкун.*

*Ци хIазри оърмулия,
Оънма най чIалачIисса,
Ва оърму чIолу буван
Ина чIарав бакъасса.*

ИНА ЦУХХАРА

ЩайтIант тIуркIутIи яру,
Пишищаал хIала макру.
ХIаллих чIараав бацIара,
Рихшантрай ттухъ цууххара:

— Ина эшкыилул ттарцIрав,
Юхсса чаврил аylimрав.
Ча лякъав миксса маxъру
Ттухъ чаврия буслансса?

Цир ттуул мукъурттил байсса,
Вил дакIнийн къакъутIайсса?
Майшан тIий занай бура
Нязаннив ххуйшиивлул аргъ.

Цал-цал ттухгу битара
Лагъ угъай лухIи яру,
АцIазарва чаврил баргъ
Ханххираву лахъара.

ЦА ХЪИННУ «ЧУМАРТССА ХЪАМИТАЙПАЛУХЪ»

Чан дакъа урхълува нахIалтту кунма,
Эшкыилул лахIарду гъарнайх бачIара.
ДахIалай вил чурхгу, илкин бюхъугу,
Ччинан чаврил мажслис —
Вил дакIнил хъюгү.

Агъ, чаврил савдажар,
Заваллийсса аргъ.
Нажсагъ вийн битарчан
Хлаxъсса чаврил баргъ,
ЦичIаргу лирчIриав
ДачIра дакIния,
ДацIан дан бюхъайсса
Чаврил барану.

ЧУВ БУРА

Чув бура, чув бура,
Ттул чаврил гъайкал,
Щил дакIнил ттарацIув
Чар дурну бура?
ДакIнийн къаагъайрив
Эшкыилул авдал?
Энадрай бавцIуну,
Арх бувциун бурав?

Хияллал гузатрай
Хъхъурду гъан дара,
Вил цIа тикрал дуллай,
Дуаь дувара.

Ккаккан хъул бивхъуну,
Щауциун ура,
Вил чIуних мюхтажсну
ВичIилий ура.

Циван къабучIара
ЧIараав ѹябикIан,
Онькъурал бугълициIа
Ттул дакI марцI дуван.
Вихъва «ххираий» тIисса
Ттул ѹурицу баян,
Къаччинан къаацIилун
Чаврил байран дан.



Түблицистика



80 шин

Бяливчесса балай

* * *

Цалчинсса Марияннүл балайрду радиолувух баяйхтува, жунма цинявнан бувчлуу даунияллийн яргесса гүнаар бусса, ляличисса балайчи бувшишүү. Хөхьичими балайчи-турал чурдаяр личисса бия ванил чу, личисса дия тақвада. Дия щивучлав дакъасса күкілушишүү, нахшүшишүү. Бия гъарнал дакігүлүсүн дүккән дан шайссаса гъавас. Чурххал базурдавух экынанинсса бия Марияннүл балай. Марияннүү мукъаҳри жула балайчитураву «кіюла-лахъ» чурду сийлувун багъасса, таниха лащансса харачатрай.

Тун Мариян чансса күлссия. Амма дакіний ливчүнни ойрмулухун. Дакіний ливчүнни ганил эмараттаса пар бусса Ѣюлли яру, къудурну ссукла дургүсса алвагъесса бакі, гъаргъ арцу экыларгесса күннинсса хъяхъаву. Ванил дия Аллагъынал язи бувгүминнай дикілссаса мугърулуп лишиан. Мариян бия ىа, ىамур биклан къабюхъайсса.

Мариян күрттисса инсан бия. Ва жула балайчитураву цалчин цила пишалухун цил бикійкун профессиоnalнайну машхул хъусса балайчи бия. Музыка, балай ганил дакінил, чурххал талавинги, ччаты лякъайсса сянатгу бия. Мунияту, цийва рахиму-циими къабувну, гъирарай зий бия, цила пишалул даражаса гъаз дуллай. Мукун зун түрчча, ганин бигъану бакъая. Шиная шинайн ганил гъунаргу цакъ хъанай бия, кашигу авадан хъанай дия.

Марияннүл маҳра-махъесса концерттал чалачы бувна цукесса дакіний-мазрай бакъа лахъесса бюхттулишибирин лавхүн буссарив ганил гъунар. Аллагъынай Ѣукру, тай концертту ттунна ккаркссар цинярдагу, бакірая чиннайн дияннин.

Жула тарихраву личину чиарусса дакъар машгүрресса хъаннил царду. Тун Марияннүл ца машгүрресса Ккурккүллап Шазал, Аххил Мариннүл чаралай дур. Ванил ойрмул трагедиягу тайнналмуниха лавххъусса чалай бур. Щил ци учирчагу, Марияннүл ойрму, ганил гъунар, так ىа ганил күлпаратал биялалий биклан къаар-кинссия. Мариян ва ванил аыламаттаса чу жула цинявнналагу аымсса ххазинай. Ябан аыркинссия жусва га. Къаябарду.

Качар Хусайнаева

* * *

1975 шинал январьданул 30-нний МахIачкъалалив Дагкультпросветучилищалул къатрачIа бавтIун бия ил-аылам. Чиявусса агълу: лак, яруssa, дарги, лазги, къумукъ, оърус, жугъутIи – кувннал кувннахь буслай бия цала зумату буклакимуний цивппавагу вих къахъунса хавар. Мухавар бия бухIан къахъунну къурчIисса – лакрал миллат цинма яла ххирамур балайчинацIа хъуну бия.

БивкIуну бия Мариян Дандамаева, бивкIуну бия хIусудсса канил. Мурдалсса ка гъаз хъуну дия агъалинал цала пикри-хиялдануву илагъисса даражалийн биян бувну, иман дирхъуну бивкIисса инсан бивтун бутан. Бивтун бутун бия, вилгу, ттулгу, кIаманалгу – цинявиналагу давранну хъанахъимур цалалуши бан къаст лархIуну. Мунан къакIулну бухъунссия цанна личIачIишиву ганил оърмулувусса анжагъ ца лахIза. Тайлассар, му лахIза бур оърмулуву яла агъаммур. Му лахIзалуву бур къуват инсан яхъанай итанссагу, жандалуца анссагу. Му лахIзалул оъмур чул бувгъуминнан цири лирчIисса? Марияннул я жсан, я чурх ганан къаливчIунни. Ганай лирчIунни оърмулухунсса ттангъя. Чурх лухIи гъаттал ласурчагу, ганил рухI абадлий жечIара дуссар. Телевизорданувух, радиолувух, магнитофондалувух жуунма баллай бур Марияннул рухIирал чIу. Жула хъхьичI бур жасгъилсса, бакIирал ххуйссса, бювхъусса Мариян, сагъисса кунма. Ганил аъжаивсса гүжесса, маҳмур кунма, кIукIлусса чIу иминну наймана бур, барзунттайх бургъил нур кунма, ардарах щавици кунма, бювчIу чIучIрайх марцI щаращул ѹин кунма, ссурулух къурузи кунма. КъачIа-къачIа хъанай бур, ѹюлли хъхьирил рангрю кунма, бизанттал тIутIал дарай кунма, чурххавун бутлай тIааынсса кувку. Жувагу буссару ганих вичIилий, диндалул инсан мубаракнах кунма.

Сулайман Мусаев

* * *

Жула агъалинаву бур учала: «Ххяххабургъил гъили къаувма, лагабургъилегу къаайссар» тIисса. Марияннул оърмугу мукун байбивхъуну бур. Ганил ххюора шин къархъусса чумал байбивхъуну бур Буттал кIанттул цIанийсса хъунмасса дяъви. Ярагъ канил бугъян бюхъайма лавгун ур ватан дуруччин. Марияннул ппу Маммаев Маммада, чурххал сагъ акъа уну, дяъвилийн къаувцууну ур. Амма ганан хъуну бур цанмалусса дяъви. Амма ганан хъуну бур цанмалусса дяъви. Чал къавхъуну га тIайлла увкун ур къанаврду дуклан. Гичча, къашай хъуну, заны ивкIукунгу, лахъи лаган къаивтун, кIилчингу гъан увну, къашай хъуну, ялагу шавай заны хъуну ур. Амма га цIуцIаврища ххассал къавхъуну ур.

Мукъва оърчIигу канихъыну, ххишалдаран ряхва зурухъсса лякълувусса оърчIащал ливчIисса ПатIима оны ливчIун бур. Ганил бивкIун бур мукъва душ: Муслимат, Жамалуттин, Мариян, Субарижмат, шанма зурувату увну ур буттан цIа дирзесса Маммадау.

Марияннул ссу Субарижмат буслай бур, шяраваллил агъали чIарав къабав-цIуссания, цивппа ккашил литIунссияв, хъунмасса барчаллагъ хъуннав Закал Ханичан, чиявуссаннан ка тIиртIуссар тIий.

Марияннун багъну бур, дарсругу къариртун, цила чIивима уссих буруглан. Ниттил куну бур: «Ттуща айнхъаксса Маммада яуллай щябикIан къахъунсар, ялун ххал банны ци баш бурив, Марияннун багъантIиссар ва оърчIалсса баш», – куну. Мукун ларгун дур кIира шин. Яла ца къинирдал къини шяраваллил

советрал председатель увкIун, ПатIимахъ куну бур: «Му вил душ Мариян цайминнан эбратранну дуклай бия. Нану жува му цукун-бунугу Гъумукун Детдомравун бакъинну, винмагу кумагран, цинмагу за лахъян». Хъинну пикрирдавунгу багъну, ца лахIзалийсса ссихI къадуклайгу бивкIун, куну бур: «Ттул вай кIивагу душ џанния ца къабуцайсса бухъувкун, бюхълай бухъурча, кIивагу гъан бан къахъунссарив?»

Мичча ПатIима, кIивагу душгу бувциуну, чланнай цила щарисса ччятивгу ларххун, чIивимур Субарижатгу мукъав лавхъун баҳътта ххуллийн бувккун бур. Цутта чIивисса бивкIхъурчагу, Субарижатлул буслай бур га кынигу цила дурхIусса дяркъугу, буттах ва уссурваврах зума тIисса нинугу тақIуй дақIния къадуккай тIий. «Га дия, жсу цищава архIала зехлахисса кунна, къуману. Караишрал къурату Гъумукун бияннин ххишала ганил ссихI къадурккунна. Панасса дяъви сававну чIа тIий бувсса оърчIан ккаклакицириннун ци бави, ттунма ци бави тIий духъунссия, – тIий бур Субарижат. – Ахиргу, багу-бявкъуну, ккашил къагъ-къагъгу тIий бивру детдомрайн. Директор ия хъинну дақI хъинсса адимина, Абиди тIисса. Жу тIайла бувккунав, жулами яннагу ликкан бувну, щинавун бучIан. Џусса яннагу ларххун ялун бувхсса жу ниттин къабувчIунав. «Яр, ми вила душурхха, миннух ххуйну бургу», – кусса директорнал мукъул нину бакI гъаз дан дуруна. Чансса хIаллай паҳъ дагънугу диркIун, жугу цицIунма лячIан бувну, ца къурчIисса ағы куна. Жугу, ганицIун лавчIун, кIивагу аytIун бивкIру, жу шикку къабацIанну тIий. Паргунна нину маҳъуннайгу дуруглайнна. Жугу, тарбиячитал лагма лавгун, къабагъан бувнав. Яла лагма лавгуда гиккусса душру ттун цIа Рукъижатри, на Аминатра, Написатра, тIий цала цIарду буслай.

Яламур жул оърму цила къаралданий бавчуна. Мариян балайлуву, къавтIавризу яла хъхъичIунмур бия, навагу балай учайсия концертирттай, смотрардай. Жул Детдомрал кружокрал цалчинмур кIану бугъайва...»

Лавгмур дақIин бутлатисса Субарижатлул иттав макъ дукIлай дия. ЗахIматсса оърмулуп мугъуродал чянни хъунма бувсса Субарижатлул бувсмур оърмулуп арулла-маяира шинавусса бур. Га чIиви душинин та чIумал ча кIулхъунссия гайннуяргу оъсса кыни цила ссил бакIрачIан маҳъ дучIантIиишуву.

Асли Штанчаева

* * *

На Марияннуцал дуклай бивкIссара мукъулчинмур классрава арулчинмунин бияннин. Жухъ балайлул дарс дишайва, аъпабиву, Шагъимардан Акниевлуп. Нава ци балай учирчагу, ттун Марияннуп чIу дунияллий щилкIуй бакъасса кунма Чалан бикIайва.

Ца кыни Шагъимарданнуп жу, дарсирая маҳъ бацIан бувну, балай тIумIи бувнав. Марияннуп увкусса балайрдал жу циняв хIайран бувнав. Ца чIу бия ганил, ца чIу. Кружокрай каялувшиву дуллаисса Шагъимарданнуп увкуна: «Вана зунма майжсаннугусса булбул». Мариян бия хъинну хъинсса, муданма хъяйнмасса душ. Ганих бурувгусса Чумал, дунияллуп мукъвагу мурцIу цинма ТивтIусса кунма, гъарзадрал ххари буллай чIалай бикIайва.

Арулва класс буккайхту, га лавгуда Буйнакскалийсса педучилишталувун буххан. Амма, пикри баххана хъуну, ниттил кумагчи хъунна тIий бувххун бур багъманчитал хIадур байсса училишталувун. Ца курс буккайхту, гагу къабивтун, бувххун бия кIиккувасса педучилишталувун.

1958 шинал жу хъунабавкъуру Каспийскалий, ганияр махъ жу цанния-ца личИ къавхъуру. Ганил къатлуумургуга, дакIниймургу ттун цимурца кIулссия, гъаксса хIарачат бувсия гайннал кулпат лиян къабитан. Ганил ялун бала биян хъхъичI хъхъуну на гайннаний бура, амма жуша га цила пикри баҳхана бан, миотIи бана къавхъуна. Ттун Марияннун гукунсса къадар бучIансса оърмулий къакIула. Га бия ххаллилсса инсан, хасиятралгу, ас-намусралгу бувчусса. ДакIиву ци бухъурчагу, гъич кIул къабайва. Инсаннан дакI дурккун дулун хъуну бикIайва. Хшишала бакъа уздансса инсан бия.

Сапижат Хусманова

* * *

Hа ттула къадарданийн барчаллагърайна ура экъинанисса, алт-чIунил заллу, балай цила оътту-ттаркIну хIисав буллалисса, цила цуппа бувгъусса, захIматшивурттал хъхъичI бакI лахIан къадайсса, миллат ххирасса, балайгу къуртал къабувнува, бюхттулнийва чIу бяливчIун, куятува лавгсса Мариян-нушал ттула творчествалул дахIаву диркIун тIий.

Ттул цалчинсса балайрдугу Марияннулли щаллу бувсса. На аккордеон бишун цицалагу утайвав. Ттун къакIули царагу концерт Мариян кIилчин балай учин буккан къабувсса.

Марияннул балайрдал репертуар хъинну хъирив лавну ххал дигъайва, хIадур дайва. ЧIявуми балайрду Мирза МахIамадовул, МухIуттин Чариновлул, MaxIаммад-Загыйд Аминовлул мукъуртгий учайва. Институт къуртал беннинма тай шиннардий Мариян Дагъусттаннай яла машгъурмур балайчи хъуна. Республикалий царагу ЧИри-хъунсса Дагъусттаннал балайчитурал концерт Мариян хIала бакъасса, ванил чIунил чIолу къадурсса къашайва.

Марияннул цила творчестволун хас бувсса цалчинсса балайрдал мажлис хъуссар тай шиннардий Дагфилармониялуу. Ша бизансса кIану бакъая клубраву тамашачитал гъарзашиврул. Муксса бусравсса бия Мариян лакрал агъалинан, лакран бакъассагу цаймигу миллатирттал агъалинан.

Мариян агъалинаву машгъуршиврул барапу хъуна та чIумал хъусса цанил хъирив ца ряхра къинисса концертру. Гъарца концертрайгу гъап увкуну гъивч багъансса кIану бакъа зад бувцIуну бикIайва.

Марияннул тай концертирттай увкусса «Авчитал», «Гъайчали», «ЛухIи яру», «МаацIарда ттул иттав», «Бишучу буран», «Юх на вийн умудну» ва цаймигу балайрду бивкIу бакъасса ххазинарттур. На хIайл тIий ура укун гъунар бусса балайчинал радиотелевидениялий хъинну чансса бакъа балайрду чивчуну бакъашиврий. Духъунсия дахчавуртту, цила бусаврин бувну, гъарзасса балайрду чичин къабюхъаврин.

Мариян бия аэрзирдай къабуккайсса, цила цуппа бувгъусса, ласкъатта буручин кIулсса, хъинну алвагъесса хъамитайпа. Марияннул «зунттал душра» тIисса цIа тачIавгу къюкын къадурссар. Мунияту Мариян ттун, ца ттула ссу кунма, ххирасса бия.

Мариян лакрал миллатрал, Дагъусттаннал миллатирттал магъирлугъраву ца лекъашайсса чанна цIукунуну абадлийгу личIантIиссар.

Мазагъиб Шарипов

Поэзия

Бадави РАМАЗАНОВ

УЧА, МАРИЯН, БАЛАЙ!

*Булбулданул чIунийну
Учара ина балай,
Аъзизсса лакку кIану
Итталу бацIан буллай.*

*Экыилагай вил балай,
Зунттал щаращи кунма,
ПлутIащал щурющу буллай,
Интнил гъантрай марч кунма.*

*Вил балайлух вичIилий,
Къума шара, шад шара,
Яла лавгсса язими
Янилу бацIан бара.*

*Уча, Мариян, балай,
ДакIниймур бартлагивуй,
Балай къакуну бацIан
Булбулдануша къашай.*

*Уча, Мариян, уча,
ДакIниймур бартлагивуй!*



МахIаммад-Загъид АМИНОВ

МАРИЯННУЛ АЬПАЛУН

*Баврув, авчитал, баврув,
Бичардув цинявavrdu!
Чунмай бугъанну утти
БачIи къувкъу луларду!*

*Агъ, даxIалаий, зун ци бур,
Зулми дакIру цанни чIун:
Ас бакъул ккулла битай
Адав дунал дакIини чIун!*

*Бивтунни, агъ, бивтунни
Гъав-гъавтIи шанбачIулий,
ЛухIи лавгунни шагъру
ЛухIи лежхаврил чуний.
КIучI бунни шярал ххиттул
КIири оьттул гъатIригу,
Лагма лечлай ливчIунни
Гъинттул мюрици гадригу.*

*МурцIиха ябитайни,
Цанъя мюхчан къашайсса,
Вин къакIулав къюкIултрапл
Булбулгу цIарайх байсса!
КъакIулав, ссу, къанихнал
Къаст дикIайшиву мудан
Щарссанил иттавмигу
Илкин аврду къатI буван??!*

*Чувнал ттупанг бугъайсса
Буттал кIану ябанъя,
Битлатира, авчитал,
Гъасса душру зун вайнна!
Дяъвилийн увкнан башиши
Душманнапл угъ бакъаяв,
Утти хIалал буллали
Щала жсяматрал ав-ав!*

*Зу аъвну гъантIиссару,
Къаркъаллуй шатри кунма!..
Вихарив, ттупл ххира ссу, –
Щала илданул зума.
Щил ци ляхъан барчагу,
Цир утти вин баяйсса?
Лехлайнма бур вил балай,
Бивтун бутан къашайсса!*

Мирза ДАВЫДОВ

БУЛБУЛ

*Балай тIий бунува булбул багъраву,
Бивтунни, бувтунни ца иман дакъул.
БяливчIссар ца оърму интнил чагъраву,
Къабувунни рахIму чутIул ссачмалул.*

*Ганил балай кувкун, урттул ва тIумIал
Парх битайва чIанIив, гъаз дайва бакIру,
Ганил чу бавукун, зунттал аьтарттал
Лагъ бувайва ххурхху, куртIний пахъ багъну.*

*Га чIуних вичIилий ПлабакIул хъачIрай
БацIайва бахълаган нанисса баргъгу,
Га чIуних вичIилий Къимизул бакIрай
Аглан шайва хживну нанисса авгу.*

*Бюхттулсса, ттюнгъасса балайтул щатIай
АьтIисса чIивитIу шанул ласайва.
Арсру аьрай ливчIсса ниттил хъазамрай
Къурнил тIумIал кацIну балай ликкайва.*

*Бивтунни балайлийн някI чутIул ккулла,
Къабагъунни агад шаддса чагъана.
БакIру къус диртунни урттул ва тIумIал,
Зума тIисса хханссар зунттал аьтара.*

*Дягъуй буриавали ссавнийссца цҮуртти,
Хьювхъу тIий лачIай дур дяркъусса гъарал,
Урттул чIанIай цай тIий, ккиз лавгсса ккузри
Ханссар бивчIайнисса булбулданул макь.*

*Душманнайн бакъаяв ккулла битайссса,
Щинъя булбулданул ошишу дурсса?
Халкъ, циванни зуща ядан къашайссса
Хликмат, тIабиаьтрапл зунна дуллусса?*

*Чув диявав ттурлу, къув-аьс ва гъарал,
Ишан ласласийни, яру мурчIи бан,
Чув биявав баргъгу, жсан дуллалийни,
Ттурлугу лагъ дурну, щинал кIунтI бутан.*

*Бивтунни, дагъунни булбуллуп хъару,
Хъару дақъа булбул ххяллайх бур бишлай,
Ххяллу ва зунттурду зурзумIи буллай,
Ардаих ва майданнайх балай бур лехлай.*

Ссугъури УВАЙСОВ

* * *

*III у лерицунни цила
Клишишвруву,
ТлумIив силул хъунни
МарцI ххуйшишвруву.*

*Гъавасрал чагъраву
Гъаз хъусса балай
БяливчIунни дурсса
Лавмартишшвруву.*



Критика ва билиография

Сулайман МУСАЕВ

ЯХІ БУССА ЧУВНАЛ ЦІА ЯДАН

Презентациялий махъ лахълахъисса чіявуми бия Надир ххуйну кіулнуну ивкісса инсантал. На нава Надирдущал хъуннасса кіулщиву діркісса инсан ақьара. Амма бур ттулгу ганаяту учинмур. Тайламур бусан, на ттула ганаясса пикрирду чанну-ххину аылтту бувсия «Новолак – 99» луттирай. Ганий та Ҷумал ІІуссалакрал райондалул милица-начальникнал, цайнгу багъавай Халкъуннал Герой учайсса, Мұслим Даҳхаевлұл мұкъурттыйну бувсун буссия, 1999-ку шинал сентябрьданул 5-ний Чачаннава ІІуссалакрал райондалийн экстремистал ххяххан ңа-кіива гъантлұл хъхъичі райцентрданийн увкіун, тархъаншивруціа анссарахха куну, нигъа къаувсун, Надир Хачилаевлұл шяравалліл майдандалийн бавтісса кіанай, райондалул администрациялун ва ФСБ-лұл зузалтрангу ҹалай, халкъуннахъ, да ағылай, на шиккүн учіаврил мурад Мичихинаву ІІуссалакрал райондалийн ххяххансса ҳадуршин дуллай бур, явара, мугъаятну бикі, бюхъайнал ярагъ ласияра куну, баян бувну бия. «Зун ххал къашайрив, ҹаххуврайсса Казбекуллал райондалий хъанахъимур. Тикку инсантал ярагъуннил балгуну бур, тиккүн ххяххан ңучіав къасисинтіссар», – увкуна Надирдұл, тий, бұслай ия Мұслим Даҳхаев. Мұнал мұкъурттыйн вих хүн чисса къачіявусса хъуна, тіар Даҳхаевлұл (вих къашаврихлу жаваб дулуңгу багъессар!).

Басаевлұл ва танал лагмачалтрап мұ митинграл ҳәкъиравусса хавар цүкун къамул бувссарив һісав бан жұнма къазахіматри. Митинграяту танахъ бусанма ляўкъушивугу аылттусса зат бурхxa. Бюхъай бунува, Даҳхаевлұл Надир къаувгъушиву МВД-лийн баян банссагу хъуну бакъаяв, мұкунъяхха, Даҳхаевлұн Аърасатнал Геройшиврул ңа дулуң кіанай, ганахун баҳчунугума бивкісса!

Майданнал амиртурал (полевой командиртурал) Хачилаевлұл хъхъичісса шартіну дірхүнү діркіун дур Қъарамаҳхъиял шариат республикалий лавгун, тайнал Дағыусттанныл һікуматрашал бачин бувсса машварарттаву гъуртту хъун ва тайнал шариатчитал ххассал бан. Гъаманки, Надир Чачаннава гъангү ивтүн, му акъа унұва, майданнал амиртурал ІІуссалакрал райондалийн ххяххаврил планну иширайн дүккан дурнұ дур.

Му иш цуппагу хъуссия MaxIачкъалалий командировкалий АъФ-лұл МВД-лұл министрнал хъиривчү В.И. Колесников увкісса ппурттуву. Мұва ппурттуву мұва генерал Колесниковлұл, 1999-ку шинал сентябрьданул 2-ний ДРлұл МВДлұву дурсса пресс-конференциялий, райондалийсса тағъар баян буллаисса Мұслим Даҳхаевлұл рапортругу ссанчіав ккалли къабувнұ, увкуссия, ОРТ ва РТР каналлавух, ай, Дағыусттанныл ва Чачаннал дазүй айралуннал кіапталлұ дур, тісса дезинформация итадаркъунни, майжанмуниципун бавкъусса иш му бакъассар, ҳілті цир, ңучіавгу къаҳхахантіссар, куну, ххяххаврил ҳәкъиравусса щаква бивчан бувсия.

Дагъусттаннай Надирдул оърмуул махъра-махъсса шиннардий хIукмул-лугърал цаппара зузалтран хIарачатрайну хъинну сийлуувун дуртун дуссия гъарца шагърулий хъусса авара ганал цIаницIун бахIахIаву. Мукунсса ца иш хъусса чУмал тахсир ирглий Надирдуйн бувтун, му увгъуну уссия. Му чУмал дурккуна «Дежурный арестант» тIисса Х. Илиясовлут макъалагума. На му итадаркъуссия радиолувуху.

Надир Хачилаевлужасса хавар щаллусса къахъунтIискар, агана Хасавюрт-райсса икъралданияту цичIав къаучирча. Му икъралданияту махъсса ппурт-туvu анжагъ къаххүйсса бакъа къабусайнуккар. Амма хъамабитан бай цуксса захIматсса тагъарданухун багъну бивкIссаприв аърасатнал аърал. Грозналий операция буллалисса циняв аърал, экстремистурал лагма рургъуну, вивличIан бувну буссия, ишгу оъккисса оъттул ттурданийн бувккун, кьюкалану къуртал хъун буюхъайсия.

ЧувчIав, щилчIав къачивчунни ми иширттаву Надир Хачилаевлут дурсса хъуннасса даврияту. Гъаманки, мунайн вихшала дирхъунуяхха та ишираву генерал Александр Лебедь къюлтIину Дагъусттаннайн увкIсса. Гъаманки, Надирдулья хъунабакъин бувсса Чачан Республикалут президентнан кIа-нейсса Аслан Масхадов ва Аърасатнал президент Б. Ельциннүл дуллусса ихтияданийн зузисса Мюхчаншиврул Советрал секретарь Александр Лебедь цаннащал ца. Чачаннал каялувшиндалучIансса ххуллумур бувгъуну буссия аъ-расатнал аъралунннал ва мичихичнал дяъвичитурал. Аърасатнал аъралуннансса авторитетнүл генерал Лебедь ивкIхъурча, мичихичнал дяъвичитурал вихшала диркIсса анжагъ Надир Хачилаевлуйнъя. КлициI дан багълагъискар цукусса ляличIиссара нигъячIишивуртту лахъян багъссарив миннан му ххуллуй Надир Хачилаев ивкIссар Аллагъайнайн таваккул бувтун, Александр Лебедь – кIулвагу бакъасса дагъусттанлутурайн цала оърму тапшур бувну.

Хавар щаллусса хъунциврул бусанна ттула Надирдущалсса хъунаба-къавурттайтугу. На хъунаавкъуссара ганащал икIанагу так шамийла. Ур-ЧIалкүсса шиннардил ахирданий на лакку мазрайн таржума буллай уссияв бусурманнал мубараксса лу Къурган. Мунияту хавар бусса Ражав Идрисов ва Шамил МахIаммадов мудан цIухлай бикIайва, даву цукун най дур, жуяту ци кумаг аъркинни тий. Гай кIиягу ххарину бия ттул даврияту ва пикрилий бия ттул таржума бившуну буккан бан.

Ца кыни Ражавл, ачу НадирдучIан гъаннучу увкуна. Жу бувхру ганал Тито-валийсса къатравусса гъартасса жанахI-залданувун. Жу НадирдучIа буссаксса хIаллай, цаппара инсантал бувкIуна цала иширттан кумаг ба тIутIисса. Яла Надирдул цIувххуна, таржума баврил даву цукун най дур куну. Даву ххийну най дуссия. (Щаллусса шин дав на та ппурттуу, Редуктор поселокрайсса Издательстволут къатрал 11-мур зивулий, ттула даврияту къуртал хъуну махъ (та чУмал на ура Минерал щинал заводрал директорнал хъиривчуну зий), ттула компьютер бакъахъукун, тиккүсса компьютерданух щяивкIун, кIюрххилнин зий. Аъмну хIисав дурну на таржумалуха зий дав шанна шин, гъантлул шанна-мукъра ссятрай шанай, цал-цал хIатта кIи-кIира ссят дакъа шанун къадуллай. 1998-ку шинал майрайсса ишру хъуссия, на 11-мур зиву-лийсса чУмал. Кликкува Иззат Аълиевлут редакциялий «АиФ. Дагестан» итабакълай бухъувкун, тиччава М-5 каналданувух цIусса хавардугу бусайсса бухъувкун, ттун республикалий хъанахъимур хъинну кIулссия.)

Мунияр махъ хъусса иширттал (Ражав Идрисовлут ва Шамил МахIам-

мадовлуша редакциягу зевххуна, М-5 лакын дуруна) Къуран итабакъаврил планну цүунициа ттисин дуллали бувна. Ялагу, кийагу дуснал Ражавл ва Шамиллүл Амучи Амутиновлухъ тавакъю бувну (муналъя харжлугърал хъунмур цайнна ларсъесагу), 2002-ку шинал бувкссия дунияллийн лакку мазрайсса Къуран.

Надирдущал на кийлчин хъунаавкъура, дакийссакка, 2002-ку шинал. Хладур дуллай бия лакку мазран хас дурсса конференция. Сакиншиндарал комитетрал га ца батлаврийн нагу тайла авцүунав. (Тайла авцүунна тисса, «Лакрайнсса овччаву» чирчуну маҳъ ттуйн Махламмад Хачилаевлүл мудангу овчин байва. Амма му чумал Махламмад сагъну акъая, Надирдущал турча, ттул муксса күлшиву дакъассия.)

Надирдүл ттухь цакуну: «Сулайман, ина чак барав?» – куну, цувххуна. «Къабара», – учав. «Ттун виннийн учлан ччай бур», – увкунни. «Хъинни». Жу бувхру жуннийн. Ца-ца стакан чайлул хлавчүүкүн, Надирдүл цувххуна: «Махламмад-Нури Осьманов вил чаххувчурив?» – куну. «Ди», – учав. «Хъунссарив жу күл бан?» «Хъунссар, так цана чалсса чун дур – 9 ссят хъуннил хъуну дур, угъарасса инсаннахь цувххуна хъиннихх?» – учав. «Хъинни».

Махламмад-Нури Осьманович Осьманов – чиавучин күлссэ Къуран таржума бувмари. Ганал, ялу-ялун ххүй буллай, бакын буллай, шамийлва итабакъуссар ойрүс мазрайсса таржума. Альимчу ялапар хъанай уссия ттуяр ца зивулул ялавайну. На увчира 7-мур зивулийн. Нуз тииртүүкүн, бусав Надирдүл мурад. Махламмад-Нури Осьмановичлүл му пикри къулай бивзуна. Жу бувхру профессорначан. Ихтилат бия лахъи бакъасса, жанахправувасса. Ахирданий Махламмад-Нури Осьмановичлүл маслихат бувна Надирдүх. «Надир, – увкуна ганал, – ва цанасса политикалуп пал дагъаврибу (расклад) вин ххуллу лавкъуну бур. На вихь маслихат бавияв луттириду итабакъаврил даву дачин дан. Мунил ина ойкан къантантиссэ, щатал яловва итантиссара. Политикалуп тагъар даххана хъувкуннив, ина дакийва личиантиссара. Му чумал бюхъантиссар вища политикалувух хала уххангү», – куну.

Альимчу ухъунссия Надир аваданну усса ххай тисса пикри хъуна ттун. Ялагу уссияв хъунавав, Надир куна, кириssa, хъит бусса, тадбир бусса инсаннаша ялугълай, ссавурданий ацлан тий. Га ия, шаэрнал къаттурчагу, яхъунгу анавар уклакисса, асадачлангу күнкү тийнасса инсан. Цала Надирдүл цичлав къаувкуна. Ххарира күл хъуну куну, барчаллагыг бувну, жу лавгру.

Шамилчинсса жул хъунабакъаву хъуссия Вицхъяв (Чаннацүүкүй). Дия гъи. Гъинттүл на мудангу Гъумук уссара. Хачилавхъал дакмарцисса дус Сияли Хлажиева (аыпабиву) буссия «Ниттил мазрал пикрирдай» тисса лу сакин буллай. Ганил ттуйн ялунбихъу бувну бия, ттуламур макъала Надирдүхчин гъан да тий. На лавгра Вицхъяв. Надирдүл планну дуссия Вицхъяв Спортрал комплекс бансса, дуклаки ойрчансса лагерь дувансса. Гъаманки, ми планнайту бия ганал ихтилат. Яла: «Бусияра зула-зула пикрирдай», – куна. «Так ттуяту царду мадулларди», – куну, ххибувна ганал. Ттун та чумал щала къадурчүна ми мукъурттил мяньна. Анжагъ «Спустившийся с гор» луттирил презентациялий, роталул командиршивурагу къадурсса Надир машгъурсса аяралуннал бакчи Багратионнуха, ганал творчество Лермонтовлуха, Хемингуэйха, Къапиевлуха (Апанни Къапиев турча, Надирдүн личину салах къаизайссия, ойрүс мазрал хъхьичи икрамирттай ур тий) лашан дуллалиссагу бувккукун, бувчүна ииун Надир мукун циван тий ивкиссарив.

ВицІхъав ккавкса чУмал, Надирдул на тийнай увцууну, цУвххуна, циван бувсиякъай ина Къуръан таржума назмурдай куну. На жаваб дуллуссия машрикъкІул (востоковед), альимчу-аърабист Теодор Шумовскийл мукъургтийну: прозалий Къуран таржума бан къабучИссар увкуну буссар ганал, цанчирча «прозалул га тамашасса гъайкалданул тАбиаътра дирчІан дайссар, га рухІирацІа байссар» куну.

Презентациялий маҳъ лахълахъими бия ххуйну цува Надир Хачилаевгу, ганал асарлугъгу кІулсса инсантал. Ттунма кІулну, Надир Хачилаевлуттусса яла ххуймур лу бур Жанна Абуевал «Листая судьбу» («Къадарданул чапПив дичлай»), барчаллагъ цийн ххаллилсса даврихлу.

Оъкир критика лакрал автортурал луттирадл чараҳ дуккаву. Сулайман АхІмадов ушивугума ца иш! Амма хъамабитан къабучИссар литературалул ягу магъирлугърал асарданух цурдалусса бургаву – му къувкъусса диван кунмасса бикІайшиву. Магъирлугърал асардахсса бургаву дикІан аъркинссар чІявусса чуллахасса. Навагу чичинна Надир Хачилаевлул асарлугъраяту. Учинссагу ттул бур. Вар, ганал асарлугъ бурхъниssса, адамлугъсса дурхха!

Сант дирирну дунура, барчаллагъ тИй, кИцI бан чай ура Москавлив ялапар хъанахъисса гъази-гъумучиричу Гъарун Оъмаровлуйн, хъуни маҳъругу къабувсунма, Надир Хачилаевлул альпалун хас дурну, Чилайннал къуллалий, чарил чурттурдугу бусса къуппагу бацІан бувну, ххаллилсса архитектуралул гъайкал дурну тИй. Мукунна ххаллилсса давуну хъунни гъумучиян хъинну ххирасса Нуруллагълул (ванайн хІакынусса къинигу гъумучиял хIурматрай, «волейболист Нуруллагъ» учайссар) арс Ибрагын Оъмаровлул «Спустившийся с гор» итабавкъуну, ца уттигу гъайкал Надирдун дацІан даву.



Парихрал ххүйттардива

Миясат ЩУРПАЕВА

ГЪУМУЧИЯЛ ПАРАМАЗХЪУЛ

XX ттуршукулул дайдихъулий бувкса залгартураясса луттиридай дур цал цАрду Ккавкказнаву дахъ Ираннай, Сириянуу, Европанаву машгүрнү диркИсса заргал Парамазхъал MaxIаммадлул ва паччахIнал къаланбитуну (граферну) ивкИсса Парамазхъал АьвдуллатИплул цАрду. Щалагу Парамазхъал

тухум Гъумук машгүрнү бур цАккса заргалтурал тухум хIисаврай. Вайнал буттахъятуу цIуххин, ихтилат бан на лавгра 60-ку шиннардий Гъумучиял школданул завучну, яла республикалул обкомрал инструкторну зий ивкИсса Парамазхъал Оъмардул арс АьбдуллучЧан. Ванал бусласимунийн бувну MaxIаммадлул ва АьвдуллатИплул буттахъал ппухълугу бивкIун бур заргалтал. Вайннал буттал, Щайх-Амирдул (ванайн халкъуннал Шихамир тIий бур, документирттай Щайх-Амир тIий дур) ппу Исмяил 19-мур ттуршукулул дайдихъулий бацIай хъусса арсру Щайх-Амир ва Аьвдулгъапургу бувцууну лагайсса ивкIун ур KlapIkайливсса цала заргал-къушлий зун. Къушгу бивкIун бур гиккусса ойруснал аяралуннал гарнizonдалул чIарав. Исмяилун ойрус маз, турк маз, аяраб мазругу

кIулну бивкIун бур, чIявусса ойруснал хIаписартал ванащал дуснугу бивкIун бур. Арсуроввал заргалтурал сянатгу лархъхъуну, бугъара хъусса чIумал Исмяиллул Аьвдулгъапур KlapIkайливсса къушлий къаивтун, Щайх-Амирдун къуш тIивтIуну бур Ардон тIисса хIасатИннал шагърулий.

Щайх-Амирдул бувцууну бур заргал Къушай-ХIажинал душ, ХIаписат. Вайннал шама арс ва шама душ бивкIун бур, ойрмуул 50 шинаву Щайх-Амиргу ивкIуну ур. Щала кулпатралсса буллан багъын бур га чIумал ойрмуул къуния Кира шинавусса вайннал хъунама арсан Оъмардун. Вагу ххуйсса заргал ивкIун ур. Ванал хIарачатрайну ссуурвалгу щар буллуну бур, уссурвалгу щаллу бувну бур. Оъмардул чIивима уссу, АьвдуллатИип, ляличийну исвагъину къалан битайсса ивкIун ур. Ванал гъарагъарцуя дурсса затурдий дурсса чичурурду цАнакулгу дур Парамазхъал АьбдуллучЧа, цама усттарнал щеки-къаламрах къаданну магъирну дурсса. Гийхсса заргалтурал цанна ххуйсса чичруу дан аяркин хъувкун, ваначIан гъан байсса бивкIун бур къалам битан.



Парамазхъал Щайх - Амир

Ванил магъиршиврул ца машгъур хъуну оврснал паччахыннал цала хъаммал-луран пишкаш дуллалисса затурдий: шашкардай, мухулттай, таммаку бичай къутай, ххаржантрай м.ц. накьич ва чичру ванахъ дан дайсса диркынун дур. Альдуллатиплүл лихъан бувну бивкынун бур цанма чган хъусса хыасатиннал къиниязтуран душ Хадиза. 1941-ку шинал цуга оврмулуп угъарасса унагу, Альдуллатип айран лавгун, Курская дугалий талатавризу агъну ур. Ванал ца лахъан дурну дур Курска шагърулийсса гиккү ливтүсса къучагътуран айпалун дацын дурсса обелискрайнгу, Хъун дяъвилий жанну харж дурсса виртаврал луттирайнгу.

Парамазхъал MaxIammad ивкынун ур заргал – Юсуплүл арс. Амма Юсуп чияни ивкынун, Юсуплүл уссил заргал – Давудлүл MaxIammad цачынана увцуну ур пиша лахъынин бан – Чун ларгун MaxIammadлүя увккун ур ххаллилсса заргалгу, меша-ххашалул закынна савдажаргү. Цала дурсса затру даххан Европанавун лвгукун, тиха ххуйсса къай-къуй ларсун увкынун, цала Ардон-найсса ттучандалий дичайсса диркынун дур. Ва зий ивкынун ур Ираннайнгу, Сириянавагу, Чехословакиянавагу, цанмагу Чывусса мазру күлнү бивкынун бур. Ванаяту хъуну ур Парамазхъал агъулданий яла аваданма адимина. Ванал бивкынун бур Рукъижат Тисса кулпатту, Юсуп Тисса ца акъя-акъасса арсгу. MaxIammadлүл цала арс дуклаки увну ур. Юсуп Москавлив Автодорожный институтраву ккалаккисса Чумал, ванащал архын гиккү дуклаккисса хыасатин-оюрчыру бикайва Тар, Юсуплүл ппн, ганал аякъя къадиркиссаня цивппа тай ккашил шиннардий ойну-оъкину личансияв, дуккингу къабюхъансия, Тий. MaxIammadлүл ла-яла гъан дайсса диркынун дур арсачын дуки-хыачыяллүл посылкарду, тайннуйну аймал буллай бивкынун бур Юсуплүл гъалмахталгү.

Цила Чумал Орджоникидзе шагърулий оъзрулий лавгесса Парамазхъал Альдуллун тийх бакырайн агъну ур Исаев Тисса фамилия дусса профессор, лингвист, цувагу лакраятуссара Тисса. Амма цамма лаккү маз къакылнун бия Тар, цала ниттин күлссарча, цачын ачу хъамалу Тий ахчунан Тар. Ва Парамазхъаятусса усса күлхъувкун, та буслай ия Тар цуга Москавлив институтраву дуклаккисса Чумал, цанма Парамазхъал MaxIammadлүл, цала дуснал, Юсуплүл, буттал бувсса кумагирттая.

MaxIammadлүл арс, Юсуп, институтту къуртал бувну зий ивкынун ур Щургъай автохозяйствалул хъунаману, яла цама гъалмахчунащал ва лавгун ур Бухарнавун зун. Тийх баргъ лавчынун вай къиягу ливтүнун бур. Арс ивкынун мукиых MaxIammad ва Рукъижат Гъумукун бивзун бур. Гъумучиял ппухълуннан чичурдаву бур Парамазхъал MaxIammadлүл Гъумук колхоз дуллалисса Чумал, кла колхозран арцийну, иширайну хъунисса кумагру бувссар, Тий. Колхоз сакин дан тапшур бувну бивкынун бур Щурпал хыажинайн. Ванал цацунма Парамазхъал MaxIammadгү, Ккилахъал Оъмаригу бувцуну, Гъун-нааллал ккурчын яткүлссесе ссупра бувтесса столгу бивхъуну, колхозравун бухлахинал, миннал колхозравун дичлачимунил сияхы чичлай бивкынун бур. Колхозрал председательну ивтун ур Щурпал Хыажи, складрал заведующийну Парамазхъал MaxIammad. Ванал кулпат, Рукъижат, цаяла хъхьичи бивкынун, угъара хъусса MaxIammad цувалу ливчынун щарнил ссил душ, Асват, бивкынун бур ванах буруглай.

XIX ттуршукулий Чаргаснаву заргалну зузисса Парамазхъал Исялгу лихъан бувну бивкIун бур Хана тIисса чаргас душ. Хъинну ххуйну янна дуруххайсса модистка бивкIун бур. Ванил дуруххайсса диркIун дур ханнахъал ва багтурал кулпатирттан, душвавран ябацIансса яннарду. Ванила лахъхин байсса бивкIун бур цала Парамазхъал душварангү янна дуруххан. Ванил лас, Ися, бунтирал шинал ккурчIав арамтуннахь буслай ивкIун ур гилу чачанналгу, тийх Ссугърациял, ТИлитИиялгу оьруслайн къарщисса бунтру гъаз дуллай бур, жува ва куццуй вайннал къудуршивурттугу духIлай къабучIирихха, жувагу сукку хъун аркинну, Туркнал Ингилиснал, Палангнал жунна кумаг бантIискар, тIий.



Парамазхъал Maxhammed

Маяжаннугу, та чIумал Гъумуксса оьруслал хIаписартал жула халкъуннай къудуршивурту дуллай, цанма чиччи-мурду буллай бивкIун бур. Агар цана ххуллий хъунаавкъесса угъарасса адими-налгума цала хъхьичI къяпа къабукъарчан, ганан таммихI байсса бивкIун бур. Мунияту Ися акъа чIявусса арамтал бивкIун бур тайннайн сситтуй. КкурчIав Ися гъалгъа тIутIисса чIумал, ялун ивсса Альшиша тIисса окружрал судья ванай ай дуллан ивкIун ур, ина халкъ циван гъалак буллай ура, гъарихха Шамиллул чIумал къатI хъуцири, утти ливчIмагу зу къатI бан чай буров, оьруснащал, гайннал гужращал лаянсса жучIара ци дуссар тIийча:

– Вана укунминналли дуниял зия дантIисса! – куну, Альшиайн тIиссагу тIивтIуну, ккурчIату ивзун лавгун ур Парамазхъал Ися.

Гъумук бунт дурну маҳъ Исяща биовхъуну бур щарссанищал ганил гъан-чувначIан чаргаснавун лихъан. Цува кунмасса арамтал бунтиравун хIала бувххукун, Будугъал Альшишагу хIала хъуну ур. Яла оьруслал бунтчитуравух вагу авкъуну ур Щурагъун дуснакъравун. Гикку цал ванан ккавккун ур дус-накърал хIаятраву ссивир буллалиминнавух чаннай къалмахругу дирхъусса цала арс Мусигу, ванал дус Зайдигу. Цала арс гукун ккавккун, Альшиша кьюкI пIякъ увкуну, ивкIуну ур. Жула тарихрал луттирай бур Будугъал Мусилгу, Зайдилгу Ссивирлия бувкIисса назмурдайсса чагъарду бивщуну.

Чаргаснавун лавгун ивкIисса Ися яла маҳъ Гъумукун кIура авну ур оьрчIашал. Ванал ца Щяйван тIима арсан бувцуну бивкIун бур Хласанбагхъал Къис-таман, вайннал бивкIун бур ПатIимат тIисса, ххишала бакъя бакIрал ххуйсса душ. Ванийн халкъуннал ххуйсса бунутIий ПатIимат къаувкуну «Магъузар» учайсса бивкIун бур. Вагу чан хъуну бувцуну бур Парамазхъал Загъидинан. Революциялул шиннардий милликомитетрал членну ивкIисса Загъиди, Ккулату зана ивкIун най уна, Щарату ШавкIрав наниххуллий, чу ххивуну, ванал чан

чармузуу ливчун, чал ххюрхху увну Гъумукун ияннин парча-тика увну ивклиун ур. Вайннал га чүумал чибисса Юсуп Тисса арсгу ивклиун ур. Цаппара шиннардивун Магъузар арсгу, къаттагу цила ниттичіа къабивтун, Щурагъун лавгун, гилу цаманан щар хъуну бур.

Айдул буслай ур, Шанакул Чачаннавугу буссар тий Парамазхъул, амма гайннал цала буттахъал царьду фамилиялун ларсун, фамилиярду отчествалун дирхуну Маттиев Ваха Парамазович, Ризван Парамазович тий бур тар чивчуун.



Щайх-Амирдүл арсру: Айвадуллатип, Оымар, Исмяил



РЕВОЛЬВЕР ВА МУНИЛ ЗАЛЛУ

Къапкъазуллал усттартурал бувсса пякъ учай ярагъуннил музейрал ххаллилсса коллекциялуу ца лайкъесса къантту бувгъуну бур Тулалий бувсса, гъанагыи чархгу бусса, револьверданул. Ххуйну ягу хъусса, исвагыну бугубувсса га ярагъунний дур най дунура итталу дацІлацІисса чичру. Револьверданул ялтту чулий мусих чивчуну бур укунсса маҳру: «Свиты Его Императорского Величества Генераль Маюру Юсуфъ-Беку в память 26 сент. 1858 года от тульских оружейниковъ».



Му ххазинасса ярагъуннил заллу Кураллал Юсуп-баг личИнува хъунисса ишру ккаклай бивкІсса инсантурал дяниватусса акъанугу, амма тарихраву, чИви-нү-хъунну бухурчагу, цанмасса къантту бувгъусса инсанни. Му бакъассагу, ва хъанай ур дунияллийх цА дуркссса Чулахъ Сурхай-ханнал наслулиясса инсан. Гъази-Гъумучиял MaxIаммад-хангү хъанай ур ванал ттаттал ппуну. MaxIаммад-хангү тарихраву биялсса къантту бувгъусса инсанни, хъхьичIу-хъхьичIунсса ишру ккаклай ивкІсса ханни. Муналли парснаша маҳъунмай зевххуну бивкІсса Ширван ва Щамаххул, мукунма лавсун бивкІссар Къувал ва Куралгу, лагу-лавсун, цачIун бувну бивкІссар цува заллусса Гъази-Гъумучиял ханлугърацIун.

Юсуп-баглут ттатта Шагъимардан-баг, цала буттащал рагыну, къабивтун Гъази-Гъумучигу, лавгун ивкІссар кумаг чА чин Къуваллал ПатааълиханначIан. Таналгу, личИи бувну Дарбантуллаяту Кураллал ухссавнилмур бутIа, буллуссар Шагъимардан-багнал къунтихъун, ханшив-рул ихтияргу хъиривну. Щуну хъусса залуннаал муния маҳъ цайнма миотИи бувссар Къурагъиял маҳIагу. Шагъимардан ивкІуну мукъах ханлугърал ялув авцIуссар мунал арс Аслан-баг, полковникнал чингу дусса.

1820 шинал генерал Ермоловлут Аслан-багнай тапшур бувссар цуппа Гъази-Гъумучигу. Аслан-баг хъанахъиссар Юсуп-багнал буттауссуну. Аслан-баг ивкІуну маҳъ 1836 шинал Кураллал каялувчину цАкъ увну ивкІссар Юсуп-багнал хъунама уссу Гъарун-баг. Амма 1840 шинал му лавгссар Шамиллут чулийн. Му чумал Кураллал ялув ивтун ивкІссар жува ихтилат буллалисса Юсуп-баг. Му итан авриву диялсса гъурттушиву дурну диркIун дур Заливкин тIисса полковникнал. Цала чивчусса ца чагъарданий Юсуп-баг мунайн барчаллагърай ур: «Ттул чулухуннайсса вил хъиншиврухлу ва ттул



Цәний ина бивхъусса хәрачатрахлу на хәдурссара, иш багъни, вин айкинмургу дузал дан, чирав ацлан».

Юсуп-баг Кураллал ханлугърай каялувши ту дуллай ивкіун ур 1847 шинайн ияннин. Му шинал мунан кіанттай ивтун ивкіссар Гәарун-баг. Амма хъиривмур шинал му ивкіукун, цүнилгү ханлугърал ялув ивтссар гава Юсуп-баг.

1856 шинал Юсуп-баг лайкъувну ур генерал-майорнал чиндалун, 1859 шинал түрча, мунан бахшиш дурну дур ханнан ккаллисса титулгу. Амма ханшиврул къуллугърай му лахъи лавгун акъар. Жучланма бивсса документирттайн бувну, Чалай бур му цайнма мютиссисса инсантураштал хъинну яхъасса, чи-ччимурду буллалисса инсан ивкішиви. Ахиргу, мунайн къаршину гъаз хъанан бивкіун бур сайки циняв халкъ. Мунаяту чиявусса айрардугу чивчуңу бур Кыблалул Дағъусттанин начальникнайн ва цува киинияз Меликовлуйнгу.

Инсантал лап гъалак бивчуну бушиву Чалан бивкіукун, Юсуп-баг цува маҳъаллил хъуну ур ханшиврия. Муния маҳъ цурда ханлугъгу кіура даен дурну дур Кураллал округрайн.

P. Башаев



ПОЭЗИЯ



Уссурвалсса миллатрах
литературашува

Бике КУЛУНЧАКОВА

* * *

*Къинирдал ца кыни,
Инт дайдихъулий,
Чюолу хъусса чIумал
Бяълилут мурхъру,
Щях дагъайни кIорххил
КIяласса чани,
КIяла чIанIуйх къалам
Бивтсса лахIзалий
На биечIантIссара
Бигъану, хIакъну –
Бурувчусса душну
Бунағырттай.
БатIинтIссар яла
БивкIулийн агълу.
ХIалал дитлантIссар
ЧIяруссса затру.
Зумух ласлантIссар
«ХIасратрал» махъру,
ХIаллих рутIлантIссар
ЧIукъасса макъру.
Кувгу бучIантIссар
Ккуран хъунна дан.
Кувгу – ккаккан буван
Цайминнан цивппа.
БучIантIссар дустал,
БакIру къус диртун,
Туну, дуиманталгу –
Миччава миқкун.
Сагъни къацI учингу
Махъал къавхъума
Махъру буслантIссар,
НицIавун Ѣуны.
ЛехлантIссар бавсса,
КIулсса хаварду:*

*Нугъай душнил къурчиIи
Къадардания,
Бюхттулний бяливчIсса
Цил балайлия.
Агарда бивкIуну
КъабивкIссания,
БивчIансияв, миннах
ВичIи дирхъуну.
Ми къалласса мукъурттил
Инжит банссияв.
Лажинни, ца кыни,
КIорххицIун чIумал,
БивкIуну лявкъукун
Ттунмалу нава,
Ттул аманатрича,
Ттул миннатрича,
Паракъат бара на,
Авара бакъа.
Буччара на, чийвун
Чялав къабувтун.
Аммарив ттун кIулли
Зу ттул аманат
Ци чулийгу биттур
КъабантIшишибу.
Мунийн бувну утти
На хIукму бував,
Бусса гужсуг бавтIун,
На тти къаст лахIав,
Цимурцаннул оъван
Оърму лахъи бан,
Яхъанан уттигу
Ца ттуриша шинай,
Аъллай личIанишиврул
Вай лажинлякъулт.*

* * *

Дустуран

*Xъяваринишиу дакIний личIай лахъину,
Умудгу чIявуна къацилийн буккай.
ОърчIсса чIумалласса къаччан бикIаву
Оърмулухун личIай дакIнийн къуртIуну.*

*Ланжарттуй бивхъуну, буллусса къалпуз,
Бувхъукун, вивату бикъавсса лякъай.
Багърава бивттуну, буллусса гъивчгу
ВирдакIнивух шатлул бувкусса лякъай.*

*Аммарив ми гъарзад ссанчIав къадикIай
Дустурал дувайсса лавмартишвручIа:
Вихшалдараий бувххун вил оърмулувун,
Бувгъуссар клантурду язи-язими.*

*Винма къакIулмургу ттиминнан кIулссар:
Ци дуркуну, ссанхун ци хIачIайссарив.
КIулссар вил язима, кIулссар яздима,
КIулссар ци дуссарив вил дакIнил хIасрат,
Щихассарив балай, ина учайсса.
КIулссар миннан гъарзад – маччанан кунма.
Ина миннал хIаллих лавсун буссара
Аъзаврал ва цаҳлил къюлтIсса сияхIрайн.*

*Жулварив мудангу хIарачат буссар
Бурувчуну яхъун душмантурая,
Миннал дан биюхъайсса мурдалишврия,
Миннал макрурдая, луркIандалия...*

*Дустали тIиминнан мудангу дуссар
ТIуртIунна дакIргугу, къатлул нузругу.
БучIайссар ми вичIан, чIолугу хъуну,
Вил имандалия щавишса гъухъраву.
Миннала хъириевгу буххайссар яла
Вил яхIлица бухIан къахъунсса бала.*

* * *

*«ДакI хъунна мадара!
БакI лагыну дугъи!» –
Буллай бур маслихIам
Мяърипам кIулми.
Ци чинна, ци тIунна
ТIайлабусултрахъ,*

*Ттул ххуй-хъиннишвурттай
АътIий бухъунссар.
Аммарив мукун тIий
ТIабиаит дакъар,
Цайми дур къамулну*

*Мунин къануну.
Ургу, хIисав ласи,
Циваннив ххал ба
Мурчай хъюлчай тIисса
Мурхъирал къама.*

*Ягу, тана зунтту,
Таних ябити,
Бюхттулнийн хъит кусса
Танил бакI ххал да.
Циванникъай, туну,
БакI инсанналмур
Лахъну къадугъансса
Зулмур маслихIат.*

*Вин багъишила ритан
Хладурну буссар
Халлих дуллалисса
Хиллакаршииву.
Так хъуни хияллай*

*Мазанарда тIар.
Ссавнил лелуххину
Малехларда тIар.
Акъарив ппергъурду
Птив буванну тIар.
Ягу бакъинну тIар
Ххурххуппалуевн,
Муххайх хъару ришлай,
Гъагъари дурну,
Гъирарап дарајжа
Ххуку банну тIар.*

*Так, ттул миннатрича,
Я Зал, бусикъай,
На цукун занава,
«ДакI чIири» дурну?
Цукун яхъанава
Ссавнил гъунттулу,
Ссавних ца ябитан
БакI гъаз къадурну?*

* * *

*Tтул къумасса къаттул юансса чардагърай
Бия цачIун хъуну бухсса луттирду.
Дия ххиттул канай цайми затругу,
Ларг чIумя лирчIесса лирсса лишанну.
Ми мукун ляркъукун, буссияв нагу
Лазалакы дуллай, низамрайн дуцлай.
Ххит къатIув къатI буллай, махъуннай дихълай.
Аммарив ттул күшу ххал хъусса чIаххул
ЧIав-ЧIав тIун бивкIунни, ттухун байбизлай.
Ва гъуя, чIаххувщар, цира тIар зисса,
Му вилла кьюкъала, кьюлтI дуван кIанттай
Дя-дяхтта къатIушав къатI дуллалисса,
Къашайтив тIар чуччин, ца мурцIув дартIун,
ЩинчIав ххал къахъунну, щак къабагъанну.
Гъарай, тIайла хъунссар чIаххуврал тIимур,
Ссан айкинни лавгмур ю буukkan буллан
Ххиттуву ххилтIу тIий, ашкара буллан.
Ашкара бувмунил ялараив тIурча
Хъинну чIявуссаннай, лап чIявуссаннай,
РахIму къабанишиву чIалайгу буна?..*

*Нугъай мазрая.
Таржума Р. Башаевлул*

Лакрал щархъал таварих

**ВИЦІХЪИЯЛ НАЙПЛУГЪРАВУН ДУХЛАЙ ДИРКІССА АРЧУТТИЯЛ
ШЯРАВАЛЛИЛ КУЛПАТИРТТАЛ СИЯХІ. 1886 шин.***

| №№ по порядку | Ф.И.О. лиц мужского и женского пола, их отношение к главе семьи | Возраст на 01.01.1886г. | Образование (на каком языке, грамотен, знание русского языка, где учился) | По ремеслу и промыслу По торговле |
|---------------|---|-------------------------|---|--------------------------------------|
| 1 | Магомед Гамза оглы Сын его Закарья Женщин 3 | 60 17 | Знает русский яз. | лудильщик |
| 2 | Курбан-Магомед Шейх-Бута оглы Женщин 2 | 18 | | лудильщик |
| 3 | Муса Абакар оглы Сыновья его: Абакар Акай Женщин 2 | 30 4 1 мес. | | лудильщик |
| 4 | Иса Бута оглы Сын его Али Женщин 1 | 8 | | |
| 5 | Сайд Гасан оглы Братья его: Наявар Магомед Племянник его Исмаил Курбан оглы Женщин 3 | 31 26 18 25 | Знают русский язык | лудильщики |
| 6 | Магомед Абакар оглы Сыновья его: Омар Габибулла Женщин 7 | 41 13 7 | | лудильщик |
| 7 | Ибрагим Сугу оглы Женщин 2 | 15 | | |
| 8 | Тагир Акай оглы Женщин 7 | 25 | Знает русск. язык | лудильщик |
| 9 | Муси Камиль оглы Женщин 1 | 16 | | |

* Ришлашиссар, документ хисаврай, та чұмал сакин дурну диркісса къядалий, цичіав даххана къадурну. – Ред.



Арчутти. 1950 ш.

| | | | | |
|----|--|------------------------------------|---|-------------------------------------|
| 10 | Гази Али-Магомед оглы Братья его: Сагид-Гаджи Салих Женщин 3 | 16 13 10 | | |
| 11 | Омар Муртузали оглы Сын его Камиль Женщин 2 | 51 4 | | |
| 12 | Абдулла Курбан-Магомед оглы Братья его: Алил Ибрагим Женщин 3 | 26 17 16 | Знают русский язык | лудильщики |
| 13 | Дивир Бута Цахой оглы Сыновья его: Дивир-Магад Сираджутин Гасан Гусейн Братья его: Магомед-Али Магомед Женщин 2 | 31 7 4 2 2 26 16 | Знает русский язык Знает русский яз. Знает русский язык | лудильщик лудильщик лудильщик |
| 14 | Гаджи-Бута Омари оглы Сын его Рамазан Женщин 6 | 51 3 | Знает русский язык | лудильщик |

Лошадей – 2, ишаков – 1, рогатого скота – 40, пахотных полей на 144 саб. или 7 дес. 480 кв. саж., покосов на 100 выюков или 3 дес. 1092 к. с. Пастбищных гор на 15 баранов или 40 дес. 1920 кв.саж.

Каждый дым отбывает в год государственной подати по 1 руб., общего по краю, или государственного земского сбора – по 45 копеек, частного или губернского земского сбора – по 15 коп.

Посемейный список составили поверенные общества селения Арчут: Омар Муртазали оглы и Дивир-Бута Цахой оглы сельский Дибир Саид Гаджияв оглы и помощник старшины Магомед Абакар оглы.

Поверял онъй Вицхинский наib, поручик милиции Гаджи-Али Магомедов

С подлинным верно.

*И. Д. начальника Казикумухского округа,
Капитан (подпись)*

Все жители селения Арчутти по национальности кази-кумухцы, по вероисповеданию сунниты, по сословию крестьяне-собственники.



Ханнал мизит. К. Чутуевлұл сурат



Индекс годовой 63334
Индекс полугодовой 73894



Ссүт . К. Чутуевлүл сурат

НОВОЛУНИЕ
На лакском языке